

# WANTOK

NIUSPEPA BILONG YUMI OL PAPUA NIUGINI STRET! 30 YIA NAU

32 pes

Namba 1,359

Wik stat long Fonde Julai 13, 2000

70t

**- Karani sapo-  
tim drag bilong  
wokim marasin**


pes 2

**- Gavman  
daunim K1.2  
bilien dinau**

pes 3

**- Raskol hollm  
MAF balus  
long Garaina**

pes 11



Senses bai pinis long Sande

## Buai pipia nating

• Buka maket i orait nau olsem na Jennet Tapei bilong ples Bariku long not Bogenvil i amamas long go salim buai. I no olsem bipo.

Poto: FRANCIS BENNY, PM's Midia Unit.



## Famili bilong tripela soldia krai long gavman

RAYMOND PALANGAT i raitim

OL famili bilong tripela soldia man i askim Praim Minista long lusim kalabus sas bilong tripela. Nesene kot long dispela wik i bin sasim tripela soldia long kisim 8 yia na 6 yia long kalabus long go pas long rausim ol Sandlain ami long 1997.

Ol meri na pikinini bilong Kepten Bola Renagi, Kepten Belden Namah na Lutenen Linus Osaba i krai wantaim long Tunde apinun taim ol i mekim dispela askim i go long Praim Minista.

Meri bilong tupela soldia, Anna Renagi na Gia Namah i tok taim hevi bilong Sandlain i bin kamap, ol wantaim pikinini bilong ol i bin stap long planti wari. "Mipela i stap long dispela hevi, i no long hevi bilong papa bilong mipela na mipela yet tasol long hevi bilong kantri na ol pipel."

Ol famili bilong Lutenen Osaba long Rabaul tu i mekim wankain singaut i go long Praim Minista long lusim kalabus sas bilong tripela soldia ya.

"Mipela ol meri pikinini bilong tripela soldia ya we kot i kalabusim ol i askim gavman long yusim eksekutiv pawa bilong em aninit long mama lo long lusim sas bilong ol tripela papa bilong mipela.

Ol i tok ol i wanbel long sas tripela soldia ya i kisim tasol ol i askim gavman i luksave olsem wanem samting ol i bin mekim i bikos long hevi bilong Sandlain na hevi long Bogenvil.

"Ol dispela soldia wantaim ol arapela soldia i putim laip bilong ol i go pas long nem bilong kantri long taim bilong hevi long Bogenvil.

"Mipela askim ol pipel na kantri

long klia long dispela na mipela i askim gavman long harim krai bilong mipela.

Ol i tok ol no askim long lo i skelim ol narakain long ol arapela kalabus lain, tasol ol i askim long papa bilong i mas kisim amamas long wanem samting ol i bin mekim long Bogenvil i kamap gut nau na ol pipel i amamas na tu long bikpela wok ol i mekim long kantri.

Ol meri bilong ol soldia ya i tok hevi bilong Sandlain i kamap bikos ol politis lain yet i kamapim na dispela i kamapim bruk insait long Difens Fos.

Ol mama ya i tok ol i pret long sindaun bilong ol wantaim ol pikinini bilong ol long bihain taim man bilong ol i go long kalabus. Bikos Difens Fos bai rausim ol long haus na ol bai hat long lukautim na sapotim ol pikinini bilong ol.

Walter Enuma husat i bin abrusim dispela wankain kot long dispela yia i bin kamap na stap wantaim ol meri na pikinini bilong ol soldia ya. Na em i tok dispela kot, disisen long salim tripela soldia ya i go long kalabus i no helpim long stretim bruk namel long ol soldia we i bin kamap long taim bilong Sandlain hevi.

Mipela i askim Praim Minista Sir Mekere Morauta long stretim dispela hevi long Difens Fos we em inap rausim kalabus sas bilong tripela soldia ya, Meja Enuma i tok.

Long 1997, PNG gavman i bin haiarim ol ami bilong ovasis ol i kolim Sandlain i kam long go insait long stretim hevi long Bogenvil. Tasol ol soldia i bin blokim na rausim ol Sandlain ami i go bek long kantri bilong ol. Bihain long dispela kot i stat long skelim dispela eksen bilong ol ami stat long olpela ami Komanda Jerry Singirok, Meja Walter Enuma na nau tripela sinia ami opisa ya.

**Nestlé MILO** IKEN WOKIM GUTPELA SAMTING LONG YU

# PLIS RIPOT

• **KAVIENG:** Wanpela bilong ol trabel lain plis i ting i bin kilim wanpela plisman tripel wik i go pinis em plis i holim em na lokim em long sei i stap.

Man ya em Gilbert Micah bilong Musau na plis i wok long painim em long dai bilong Konstebel Rowan Gorio taim ol plisman i sut wantaim ol man nogut long Malagan Lodge long Jun 3.

Provinsal Plis Komanda Bernard Orim i tok ol i kolim Micah long Metekavil ples long Nu Hanova we ol raskol lain i wok long plai halt wantaim ol plisman long ol maunten na bus long hap.

Plis i holim Gilbert taim ol plisman i ronim em na sut long em long sotgan we i givim hevi long em na ol i holim em, Mista Orim i tok.

Em i tok ol arapela raskol lain wantaim biknem raskol husat i bikhet man, Clifford Daniel i bin ronawe taim ol i kalap long maunten i go daun.

Mista Orim i tok planti bilong ol raskol lain ya i bilong Musau na ol i wok long yusim Nu Hanova long hait raun.

Plis wok yet long painim ol, Mista Orim i tok.

• **MOSBI:** Plis long Nesenel Kapitel Distrik bai wok klostu wantai ol wokmanmeri bilong senses long lukim ol i mekim gut wok bilong ol raun long kaunim namba bilong ol manmeri long wok senses, Sief Metropolitan Superintendent John Marru i tokaut long dispela.

Em i tok operesen nem Nesenel Senses 2000 bai wok raun long stapim na mas long wok bilong ol senses opisa long mekim gut wok bilong ol insait long siti.

Mista Marru i tok ol plisman bai wok long givim sekuriti long ol opisa i go long ples bilong kaunim namba na wokabaut bilong ol wantaim. Olsem na em i askim olgeta manmeri long wok gut wantaim ol senses opisel.

Em i tok i nogat wanpela bikpela hevi i kamap taim senses wok i stat long Sande dispela wik.

Tasol ol i wok long putim strongpela was long ol ples olsem Vadavada, 6 Mail dam, Morata na ol arapela setelmen insait long siti.

Em i tok ol pipel long ol dispela hap i no bin laik wok klostu wantaim ol senses opisa bikos ol setelmen ol i stap long en i nogat gutpela wok developmen na sevis bilong gavman i go long ol.

Tasol Mista Marru i tok ol plisman bai wok klostu wantaim senses opisa bilong ol long dispela hap long ol i mas kisim ol ripot na mekim wok bilong ol.

Long Fraide las wik tu, plis long Mosbi i statim wanpela operesen bilong wok moa insait long ol hevi bilong lo na oda insait long Mosbi siti. Dispela operesen bai wok i go inap pinis bilong dispela yla.

• **ALOTAU:** Plis long Alotau i kisim bek ol samting bilong Deputi Edministreta Wilfred Leleca we ol man nogut i bin brukim haus na go insait long mun Jun na kisim.

Alotaun plis i tok haus bilong Mista Leleca i bin bungim biruwa taim ol man nogut i brukim haus na go insait na stilim tupela redio spika, wanpela televisen set na tupela gita.

Long dispela sem de yet plis i sekim ol haus long taun na kisim wanpela hom med sotgan, wanpela gita na televisen skrin. Ol i holim sampela yangpela man bilong Golanai eria na i wok long askim ol long dispela hevi.

Ektng plis komanda long provins Lormas Bedura i tok i hevi bilong lo na oda i wok long go antap bikos planti yangpela i wok long dring spak na smokim spak brus.

# Nesenel Senses i stat nau

Bikpela wok bilong kaunim ol manmeri insait long kantri i stat nau. Ol opisa bilong Nesenel Senses i stat mekim dispela wok long olgeta hap bilong kantri long Mande Julai 10.

Long sampela hap bilong kantri i bin gat ol hevi i kamap na wok i no stat long Mande. Long Bogenvil i bin gat tok lukaut i kamap long Mista Joe Kabui olsem i no gat senses bai i kamap long

Bogenvil inap nesenel gavman i harim krai bilong ol.

Long sampela ples ren i pundaun na balus i no inap karim ol pepa bilong mekim wok.

Opis bilong Papua Niugini Tred Kongres i askim olgeta wokman long kantri long sapotim dispela bikpela wok. Jeneral Seketeri, John Paska i tok dispela wok bilong kaunim ol pipel em i bikpela samting na ol pipel i mas stap isi na bekim ol

askim bilong ol Senses Opisa.

Mista Paska i tok ol toksave i kamap long Senses bai i helpim gavman na ol kampani long plenim wok bilong ol long ol yia i kam bihain.

Em i singaut tu long ol plisman na meri na ol arapela han bilong gavman long was gut long ol dispela opisa husat i mekim dispela wok bilong kaunim ol pipel long Papua Niugini.



• **Dokta Fabian Pok na memba bilong Nawae Kennedy Wenge soim bus naip bihain long tupela i katim opim Sanwep bris long Nawae Ilektoret. Foto: FRANCO NEBAS.**

# Karani sapat long PNG i wokim marasin

## YAKAM KELO I rattim

PLIS Minista Mathias Karani i tokaut olsem ol marasin ol i kolim Pseudoephedrine drag bai i kam long ovasis na masin long PNG bai mekim i kamap marasin bilong stretim ol sik olsem asma na ol strongpela kus na arapela marasin bilong kol sik we i planti long kantri.

Mista Karani i tok ol dispela sik i ken pinis sapos i gat ol marasin we kos bilong ol i isi long baim. Dispela em as tru bilong ol toktok long baim ol samting we masin i no tanim yet long isi prais na bihainim wokim gut long hia bai ol pipel i ken baim long gutpela na isi prais, Mista Karani i tok.

Plis Minista i mekim dispela toktok long bekim ripot we i tok taim dispela samting ol i kolim Pseudoephedrine drag i ken kamapim ol marasin o drag nogut ol i kolim methamphetamine o biknem drag ol i kolim Ais we ol drag lain bai kisim na salim o yusim. Minista Karani i tok dispela toktok i no tru olgeta.

Mista Karani i tok em i save sanap strong long dispela kantri i noken gat ol drag o ol marasin nogut. Olsem na disisen bilong em long oraitim na larim dispela marasin o drag i kam long PNG i bihainim gutpela na klia rot na tingting long gutpela bilong

kantri.

Em i tok em i nogat wanpela hait tingting long oraitim dispela marasin o drag long kam bikos PNG bai tanim dispela marasin i kamap gutpela marasin tru bilong helpim ol pipel bilong PNG.

Mista Karani i tok em i bin kisim klia toktok na tingting bilong rait atoriti na ol opis we i save gut long dispela samting pastaim long em i go het na oraitim dispela projek long go het.

Minista Karani i tokaut olsem PNG gavman i save tromoi moa long K300 milien olgeta yia long baim ol marasin i kam long ovasis. Olsem na dispela em tingting bilong em long sanapim haus bilong wokim marasin long PNG we inap saplaim ol arapela kantri tu lokng Saut Pasifik rijon, Australia, Saina na Amerika. Na dispela inap pulim gut mani i kam long PNG na kamapim wok bilong ol manmeri long mekim. Na ol prais o kos bilong marasin bai i isi long baim long hia, em i tok.

Mista Karani i singaut long publik olsem i nogat wanpela hait tingting long wokim ol drag nogut hia long PNG long salim i go long ol Asia maket. Em i tok dispela marasin i bilong helpim PNG na em i mekim dispela disisen wantaim klia na stretpela tingting.

# Philemon i gavana bilong Milen Be

Milen Be Provins i gat nupela gavana. Taitus Philemon, memba bilong Samari Murua i autim Dame Josephine Abajah na nau em i nupela gavana. I bin gat vot i no gat bilip long Dame Josephine las wik na Taitus Philemon i win. Dame Josephine i tok bai em i salensim dispela long kot.

Lida bilong Pipels Progres Pati, Michael Nail i salim tok amamas bilong em i go long Mista Philemon. Mista Philemon em i wanpela

memba bilong PPP. Mista Nail i tok dispela win bilong Mista Philemon i soim olsem ol pipel bilong provins i sapotim em. Em i tok provin-sal asembl i luksave long Mista Philemon olsem wanpela lida husat inap go pas long ol wok bilong helpim provins.

Mista Nail i tok tu olsem win bilong Mista Philemon i soim tu olsem PPP i gat bikpela sapat yet long Milen Be Provins.

# Embel na Lasaro i senisim wok

Praim Minista Sir Mekere Morauta i mekim liklik senis long kabinet bilong em.

Em i tokaut long dispela wik olsem tupela minista, Philemon Embel na laro Lasaro bai senisim wok.

Philemon Embel husat i Minista bilong Provinsal na Lokal Gavman bai mekim wok bilong Publik Sevis. Minista bilong Publik Sevis, laro Lasaro bai lukautim Provinsal na Lokal Level Gavman.

Sir Mekere i tok em i mekim dispela senis bikos i gat wok painimaut i kamap nau long provinsal gavman bilong Saten Hailans. Na Sir Mekere i tok dispela wok i mas kamap gut olsem bai ol pipel i no ken sutim tok long bihaintaim.

"Wok long Saten Hailans Povinsal Gavman em i bikpela samting bikos bikpela wokmani bilong kantri i

kamap long dispela provins. Mi no laik ol lain i sutim tok long gavman o wanpela minista bilong mi long taim dispela wok painimaut i stap yet."

Praim Minista i bin paltim toktok wantaim ol memba bilong Saten Hailans na tokim ol olsem gavman i stap log namel na i no go pas long dispela wok painimaut long provinsal gavman.

Em i tok bikpela belpen i stap nau namel long ol lain long Saten Hailans na wanem samting i kamap long dispela wokpainimaut bai i mas sut long tingting bilong ol pipel na long sindaun bilong PNG tu.

Sir Mekere i tok ol lida bilong provins i bin wok wantaim gavman long pinisim ol trabel insait long provins na em i no laik lukim moa trabel i kamap gen.

# CDC glasim ol toktok bilong Bogenvil

SIAMAN bilong Konstitusanel Developmen Komisnin (CDC) Yauwe Riyong i tokaut olsem opis bilong em i wok long glasim na stadim gut tru ol toktok na senis we Bogenvil i laik go long en. CDC i wok long lukluk moa insait long ol toktok we i sut long stretim ol politikel hevi we inap stretim gut ol arapela hevi we i poromanim.

Mista Riyong i tok dispela em bikpela samting long lukluk bilong mama lo olsem olgeta samting i mas bihainim mama lo bilong kantri.

Bogenvil em pas tu olsem wanpela provins bilong Papua Niugini na olgeta lain husat i toktok long stretim hevi bilong Bogenvil olsem ol politiks lain, publik sevans o ol Bogenvil pipel yet i mas save gut long dispela samting Mista Riyong i tok.

Mista Riyong i tok ol gavman wokman olsem publik sevans husat bai karimaut ol polisi bilong gavman i mas mekim wok bilong ol gut na stret bihainim ol lo we palamen i kamapim long wok bihainim.

Tasol em i tok ol bikpela toktok nau na ol wok bilong kamapim wanpela nupela sistem bilong gavman long Bogenvil na givim ol moa pawa em dispela wok i stap

long bkpela toktok na bung we Sir Michael Somare i wok long go pas long en makim gavman. Na ol wanem kain toktok long kamapim wanem kain senis o sistem i stap long han bilong ol lida bilong Bogenvil long palamen haus, Mista Riyong i tok.

Mista Riyong i tok olsem ol toktok bilong nupela sistem bilong gavman long Bogenvil, opis bilong em nau i wok long glasim gen Ogenik Lo long provinsa na lokal level gavman. Dispela em long lukim olsem gutpela sistem we i ken wok long kantri i mas kamap long dispela level bilong gavman.

Mista Riyong i askim ol teknikal edvaisa olsem ol i mas glasim gut ol wok na ol samting we i stap long lo long traim kamap wantaim stretpela na gutpela toktok na rot bilong Bogenvil. Na ol i noken mekim kain tok nabaut we i ken kirapim bel bilong ol pipel olsem olgeta samting bai i go orait. Ol i mas mekim gut na stret bai dispela tu inap pinisim ol kain kain miting nabaut we i wok long kamap klostu klostu na nogat wanpela gutpela ansa i kamaut long ol dispela miting we moa taim na mani i wok long lus nating tasol.

## WANTOK

All departments. Phone: 325 2500. Fax: 325 2579.  
P. O. Box 1982, Boroko, NCD, Papua New Guinea

Publishing Weekly, Thursday, for  
Word Publishing Company Ltd.

Printed and published by Anna Solomon of Bittern Place,  
Cordons, at Allotment 2, Section 209, Spring Garden Road,  
Hohola, for Word Publishing Co. Ltd.

<p>General Manager and Group Editor in Chief: Anna Solomon.</p> <p>Acting Advertising Manager: Jocko Oberleuter</p> <p>Editor of Wantok: Yakam Kelo.</p>	<p>Papers distributed by air throughout PNG.</p> <p>Available by air mail subscription within Papua New Guinea and overseas</p> <p>Email address: <a href="mailto:word@global.net.pg">word@global.net.pg</a></p>
--	--

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

# Gavman i bekim K1.2 bilien dinau

Praim Minista, Sir Mekere Morata i tok gavman i daunim ol dinau em i gat insait long kantri i kam daun long kam bilong K1.2 bilien.

Em i tok K300 milien i bin go long stretim ol dinau bilong gavamn long ol kampani.

Gavman i lusim pinis ol dinau inap long mak bilong K842 milien.

• Long Septemba 1999, gavman i bekim ol dinau bilong treseri bil inap log K130 milien em gavman bilong Bill Skate i bin kisim long Mas 1999.

• Long Desemba 1999, gavman i bekim K411 milien dinau i stap wantaim Benk ov Papua Niugini long mani bilong Mineral Risos Stebilaisesen Fan;

• Long Jun 2000, gavman i

bekim K196 milien long Treseri Bil wantaim Australia.

• Bekim olgeta dinau long pablik inskraib stok insait long dispela 12-pela mun.

• Bekim narapela K76 milien long ol Treseri Bil long Jun na Julai 2000.

Long mun Jun, dinau em gavman i gat yet insait long kantri em inap long mak bilong K2586.2 milien. Long namba wan wik bilong mun Julai, dispela dinau i stap long mak bilong K1744.2 milien.

Praim Minista Sir Mekere i tok dinau insait long kantri i surik i go daun nau olsem na long baset bilong neks yia 2001, bai gavman i no inap lusim bikpela mani tumas long baim intres bilong ol dispela dinau.

Em i tok kantri bai sevim K250 milien na dispela mani i ken go long strongim wok bilong helt, edukesen, ol rot na bris na helpim ol pipel long ol ples insait long kantri.

"Long taim mipela i kamapim gavman long Julai las yia, mipela i bin karim dispela bikpela dinau bilong K2.6 bilien we K1.4 bilien em dinau gavman i gat wantaim Benk ov Papua Niugini.

Ripot bilong Benk ov Papua Niugini long Jun 1997 i soim dinau bilong gavman i stap long K2011.5 milien. Long Jun 1999 mak bilong dinau i surik i go antap long K2586.2 milien. Olgeta dispela samting i stap long ripot bilong beng na Mista Skate i ken ritim."

"Olpela gavman i wok long

yusim Benk ov Papua Niugini long printim mani long taim kantri i no gat mani."

Sir Mekere i tok Bill Skate i sutim tok nating long em yet na ol gavana bilong Benk ov Papua Niugini na long kamapim dispela bikpela dinau bilong kantri namel long 1993 na 1997.

Sir Mekere i tok, dispela em i giaman toktok tasol bikos ol gavana i no gat pawa long kisim dinau, wok bilong kisim dinau em i samting bilong ol gavman.

Praim Minista i tokaut tu olsem ol i senisim lo long stapim gavman long yusim Benk ov Papua Niugini long printim nating mani.

# Kabui na Sinato i laik 2000 Sensis i mas kamap

OL pipel bilong Bogenvil i mas larim ol Sensis opisa i mekim wok bilong kaunim ol pipel. Ekting Gavana Gerard Sinato na BPC Presiden Jospheh Kabui i tokaut asde olsem ol i amamas long ol askim i stap long sensis pepa.

Sensis kodineta long Bogenvil Misis Hatsili Kiele i bin givim ol sensis pepa i go long tupela lida hia bihain long ol paul toktok i kamap.

Mista Kabui na Sinato i tok, "Mipela i no gat toktok long ol askim i stap insait long sensis fom. I no gat ol askim i sut i go long wok politik o lotu. Ol dispela askim i bilong bungim ol ripot bilong helpim ol pipel.

"Em i no gutpela pasin long yusim Sensis 2000 long kirapim gen ol toktok bilong Bogenvil bikos i gat ol samting


i kamap nau bihain long kibung bilong ol teknikal opisa long Mosbi.

"Mipela i singaut nau long ol pipel long Sentral Bogenvil, Bana, Siwai na Wisai long larim ol Sensis opisa i go inait long ples na kaunim ol pipel."

Ol tupela lida i tok tu olsem ol i laik Bogenvil i mas stap insait tu long dispela sensis bikos las senis long Bogenvil i bin kamap long 20 yia i go pinis.

Tupela lida i tok hevi i kamap bikos i no bin gat gutpela tok-save i go long ol pipel long wanem kain askim bai i stap insait long sensis pepa.

"Olgeta samting i klia nau olsem na mipela i askim ol pipel long bikples i mas larim wok bilong kaunim ol pipel i gohet." tupela i tok.



• Long Mosbi, planti papa bilong haus i em ol wokmanmeri olsem na sampela Sensis Opisa i mas go bek long nait na kaunim ol pipel. Don Niles na tupela pikinini bilong em i sindaun stori wantaim tupela senis opisa long Mande nait.

# Skate tromoi hap hevi i go long Sir Mekere

## YAKAM KELO i raitim

OPOSISEN lida Bill Skate i tok Praim Minista Sir Mekere Morauta i mas karim hap hevi we i bin kamap long kantri long bipo i kam.

Mista Skate i tok Sir Mekere i bin namba wan Seketeri bilong Fainens opis long Papua Niugini na em i bin givim planti tok stia long Gavman long bipo long rot bilong ronim kantri. Na long 1993 na 1994, Pipels Demokratik Muvmen (PDM) i bin go pas long Gavman na kantri i bin lusim K66 milien, Mista Skate i tok.

Mista Skate i tok Sir Mekere tasol i bin go pas long olgeta wok bilong maikor ekonomi (bisnis) bilong kantri wantaim ol stia tingting bilong em long Gavman long dispela taim.

Mista Skate i tok em i laik tokaut long wok bilong Sir Mekere bikos olgeta taim Sir Mekere i save laik sutim tok olsem olpela Gavman bilong mi i bin bagarap tru mani na ol samting insait long dispela kantri.

Mista Skate i tok em i luk-save tu olsem long olpela Gavman bilong em, Sir Mekere wantaim ol PDM lain bilong em i bin givim tok stia long em long wanem samting Gavman i mas mekim. Tasol

bihain ol i tanim bek na yusim ol dispela wok ol yet i givim stia long en na bagarapim Gavman bilong mi, Mista Skate i tok.

Mista Skate i go het na tokaut moa olsem taim Sir Mekere i bin winim lekseen, em i laik kamap lida bilong PDM olsem na taim ol i go bung long Milen Be long kem, ol i yusim kain kain rot na rausim Roy Yaki olsem lida bilong PDM. Tasol taim lairo Lasaro i kisim PDM lidasip, Sir Mekere i bruk na go vot egensim mi tasol bihain em i kam bek gen na mipela i givim em Fiseris Minista, em i tok.


Mista Skate i tok taim em i bin Praim Minista em i bin

askim Sir Mekere olsem Fiseris Minista long traime kisim K50 milien mani bilong Gavman we ol bisnis i gat i stap long baim i go long Gavman. Tasol em i no mekim na i wok long lusim planti miting bilong kabinet, em i tok.


Oposisen lida i tok sapos dispela Gavman nau i no sanap strong na i guria long wanem kain hevi we inap kamap long ol, dispela hevi i mas go long PDM yet wantaim lida bilong en. Na i no ken tromoi hevi i go long ol arapela politikel pati husat i stap long Gavman.

Hevi bilong PDM yet na i luk olsem yet igat hevi long ol yet, Mista Skate i tok.





# NIUGINI AILAN NIUS



## Plis painim raskol long Nu Ailan

### AWAC PAT i raitim

SPESEL Plis skwat long Nu Ailan provins i bin karimaut operesen long provins na holim tripela man ol i ting i stap insait long birua long las mun we wanpela plisman i bin dai.

Tupela man em plis i holim tupela long Nu Hanova long las wik na balus i kisim tupela i go long Kavieng. Narapela man i stap yet long haus sik long kisim marasin long ol bagarap em i kisim long bodi bilong em taim ol i sutim em long Sarere wantaim sotgan. Em bai wetim plis long sasim em taim plis i pinisim operesen bilong ol.

Ol ai witnes i tokaut wanpela bilong ol lain i bin kisim katres long as bilong em na i go long haus sik taim plis i karimaut operesen bilong ol.

Wanpela man nogut ol plis i ting i wanpela long ol man nogut ya i ronawe na hait yet. Man ya i bin wanpela long ol lain i ronawe long Bomana haus kalabus long



• Mema bilong Not Bogenvil Michael Ogio i sikan long ol elementri studen bilong Patisung Elementri Skul. Foto: FRANCIS BENNY PM's Media.

Mosbi na i ronawe hait yet wantaim narapela trabel man tu na hait nabaut long ailan i stap.

Ol plisman i wok long go het yet long raun insait long ol asples long painim ol dispela man nogut na ol lokol kaunsila na pis opisa tu i helpim ol plisman long wok bilong ol.

Provinsal Plis Komanda, Supritenden Bernard Orim i no laik tokaut long ol dispela ripot yet bikos ol samting ya em nupela taim yet. Tasol ol lain husat i save gut long dispela i tok ol plisman i statim wok painimaut long 4-pela wik nau na ol komyuniti na ol ples long Nu Hanova i sapotim ol plisman tu.

Ripot i soim olsem ol plisman i wok long kamap klostu long hap tupela trabelman ya i stap na klostu bai plis inap holim tupela.

Plis long Lae i bin holim wanpela trabel man husat i bin mekim ol bikpela trabel long Kavieng. Plis long Lae bai salim em i go bek long Kavieng we em bai kisim sas.

**WANTOK**  
NIUSPEPA BILONG OL PNG STRET

P. O. Box 1982, Boroko  
Telepon namba: 325 2500  
Feks namba: 325 2579

**PE BILONG WANPELA  
YIA 52 NIUSPEPA**

PLES	AIR
PNG	K 60.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00

### Kaikai sot long Emirau ailan

KAIKAI i wok long sot long Emirau Ailan long Nu Ailan provins long nambis sait bilong Kavieng taun.

Ripot i tokaut olsem kaikai i sot long dispela hap ailan.

Insait long pas i go long opis bilong provinsal edministreta, moa long 500 manmeri i sot nau long kaikai bikos ol kaikai long stua na gaden i wok long sot.

Provinsal Disasta Kodineta William Sibia i tokaut olsem em i bin kisim pas i kam long wod 5 mausman long Emirau, Derrol Maisi long mun Me olsem ol pipel i stat long bungim hevi long kaikai na dispela hevi i wok long go bikpela.

Deputi Gavana bilong provins Silas Sabagas i

tokaut olsem las wik Fraide olsem gavman i save pinis long dispela hevi na ol bai salim ol rilif opisa i go long lukim na kamap wantaim ol rot we ol helpim i ken bihainim i go long ol dispela lain pipel.

Provinsal edministreta Moses Makis na Mista Sibia i tokaut olsem helpim bilong gavman bai i go hariap long ol.

Wanpela tim we i gat ol opisa bilong Praimeri Industri, Emejensi Sevises na Helt atoriti bai i go long Emirau liiklik taim.

Mista Sabagas i askim ol manmeri long ailan long stap isi inap ol opisa i go kamap long ol.

### Tobo laikim sapot long klinim Kavieng

TAUN Meya bilong Kavieng Rommy Tobo i askim ol manmeri long soim rispek na bihainim ol lo we taun atoriti i putim long ol manmeri i bihainim.

Mista Tobo i tok dispela em long mekim ol manmeri i traim long lukautim na klinim gut taun i stap klin.

Em i singaut i go long ol manmeri na ol bisnis komyuniti long sapotim dispela wok we taun atoriti i bin statim dispela dispela yia.

Mista Tobo i tok ol hap olsem baret we wara i save ron long ol i hap we atoriti i laikim i mas gat helpim na sapot i kam long ol bisnis komyuniti long mekim

ol i stap klin.

Em i tok ol rabis dram long wanwan hap na eria long taun i soim olsem ol pipel i mas bihainim rul na bihainim long mekim taun i stap klin.

Em i tok atoriti bai i go raun long ol wanwan haus o banis sampela taim bihain long tokim ol manmeri long lukautim ples i stap klin na rausim ol wanem kain pipia we i stap nabaut long ol eria.

Mista Tobo i askim olgeta manmeri na ol lain i kam nupela long Kavieng long helpim na mekim taun i stap klin. Dispela progrem bilong klinim ples i save kamap long Redio Nu Ailan olgeta wik.



### Nogat gutpela pasin long senses wok, Wod memba i tok

OL pablik sevans long Kavieng i kisim toktok long pasim spes bilong ol studen na ol asples long mekim wok bilong nesene senses.

Ol pablik sevans i no ken wok olsem ol lain bilong go pas tasol ol i mas larim ol lida na bikman bilong ol ples wantai ol Wod memba na ol sios lida long go pas long wanwan tim insait long eria bilong ol wanwa.

Dispela toktok i kam long memba bilong wod 10 long Tikana lokol level gavman eria, Simon Waika.

Mista Waika i tok ol wod memba i mas kisim gut toksave long wanem kain wok ol bai mekim long kaunim namba bilong ol manmeri na i no long kisim ol man husat i no save long ol eria na ol pipel we ol bai go long en.

Mista Waika i tok ol pablik sevans i orait long wok olsem ol tim lida na ol lain bilong mekim wok bilong askim ol kwesten na kaunim namba bilong ol manmeri em ol asples lain i ken mekim.

Em i tok ol pablik sevans bai kisim tupela pe we wanpela bai i kam long opis bilong Nesene Senses na narapela long potnait pe bilong ol yet na

dispela em gridi pasin.

Em i tok ol sampela lain husat nau i wok long dispela senses i gutpela long ol i kisim save long dispela wok na tu lainim kain wok olsem.

Em i askim provinsal edministresen long senisim kain pasin olsem long bihain taim sapos kain wok olsem i laik kamap bihain.


Mak olsem 155 senses tim wantaim 500 wokman i statim wok bilong senses long dispela wik Mande.

Provinsal Senses Kodineta, Lionel Tararia i tok 83 tim i stap long Kavieng distrik na 72 i go long Namatanai wantaim 47 ka long tupela distrik wantaim.


Mista Tararia i tok olgeta tim i gat 30 wokman bilong askim ol kwesten na kisim ol ripot.

Em i skelim olsem moa long K240,000 bai ol i tromoi long karimaut dispela progrem long provins.

Gavana bilong Nu Ailan, Paul Tohian i singaut long olgeta pipel bilong provins long harim tok na wok gut wantaim ol senses opisas taim ol i kam long banis o ples bilong ol.



# SEPIK NIUS



## Nupela dvelopmen plen bilong Sandaun

ADAM ELLIOT i raitim

WANPELA nupela plen i stap pinis bilong redi rot bilong helpim ikinomik dvelopmen long kamap insait long Sandaun provins.

Dispela em i toktok bilong provinsel edministreta las Fraide long taim dispela dvelopmen plen kamap ples klia na ol i laik bai olgeta manmeri i ken lukim na givim wanem kainkain tingting ol i gat.

Sandaun provins i gat 3-pela taun eria, em long Telefomin, Vanimo na Aitape na nau yet Sandaun provins i joinim 4-pela arapela provins husat i gat dvelopmen plen long lukim senis i kamap insait long eria bilong ol.

Mista Nataleo i tok planti manmeri husait i laik baim graun insait long Sandaun tasol ol wok manmeri bilong Lens Dipatmen i bin tokim ol olsem graun i sot. Dispela kain pasin i bin kamap bikos ol gavman opisa i bin nogat plen na ol i no save wanem hap graun i stap fri bilong salim na wanem hap nogat.

"Dispela ol graun ol skelim pinis i bin wansait liklik na wanpela as dispela samting i bin kamap bikos taun i bin nogat gupela dvelopmen plen."

"I bin i gat graun long dispela taim i stap tasol ol i no makim gut olsem na ol i no givim graun long ol manmeri.

"Na long sampela hap yumi lukim olsem sampela man i gat moa graun bikos ol i save long trikim lo na wok long beksait na planti manmeri tru i no bin kisim graun," Mista Nataleo i tok.

Em i tok olsem nau wantaim taun plen, gavman bai nogat paul pasin i kamap na taim bilong skelim graun, bai ol i ken bihainim lo i stap insait long Pisikel Plening Ekt (Physical Planning Act) na daunim ol stil na paul pasin insait long Lens Dipatmen.

"Pastaim ol manmeri i save tingting olsem planti paul pasin i kamap taim ol manmeri i kisim graun tasol nau dispela bai stap wabntgaim dispela nupela pien mipela i kamapim. Na bihain dispela kain samting i kamap bai ol i ken bihainim dispela ol plen na

wokim samting stret," em i tok.

"Bikpela samting em mipela i laik kamapim graun spes bilong ol manmeri husat i gat laik long kam, ol gavman lain o ol lain i laik kamapim bisnis. Mipela i bilip olsem wantaim dispela nupela plen, mipela i ken kisim planti manmeri long kam insait long provins," Mista Nataleo i tok.

Em i tok olsem sapos i gat wanpela liklik bisnis tru i kamap, dispela inap stretim sindaun bilong ol lain manmeri insait long Vanimo, Telefomin na Aitape na bringim bikpela senis tru long laip bilong ol pipel insait long provins.

"Mipela bilip olsem sapos planti liklik bisnis i kamap, em bai gupela tru. I no olsem ol narapela bikpela senta, sapos bisnis i liklik em i gupela tru," em i tok.

"Tingting bilong mipela i strong olsem mipela i mas kisim planti nupela manmeri husat i laik kamapim bisnis i kam insait na tu ol manmeri husat i bin kam pastaim, painim graun nogat na i go long en tu," em i tok.

Mista Nataleo i tok wanpela bikpela hevi save kamap em gavman i bin nogat inap mani na narapela samting long kamapim ol dispela plen. Nau dispela hevi em ol stretim na dispela plen bai kamap long liklik eria insait long provins we ol i ken menesim.

"Nau yet ol wokman i sot long distrik opis. Insait long dispela nupela plen i gat tupela hap olsem lo i toktok long Physical Planning Act. Nambawan lo em bilong plenim taun stret.

Namba tu hap bai yusim planti samting bilong gavman long lukautim ol dispela plen. Long taim ol opisa mas lukim olsem olgeta i bihainim lo, long kisim aplikesen, lukluk long dispela ol aplikesen, bihain kisim i go long bod bai tok orait na taim dispela i pinis, ol i mas lukim olsem olgeta manmeri i bihainim lo i stap long dispela nupela plen.

Mista Nataleo i tok bilong lukluk wanem samting i kamap i bikpela samting bikos taim olgeta manmeri i bihainim dispela lo bai olgeta samting i kamap gut tru na gupela sindaun bai kamap long komyuniti.

## Narokobi spendim moa long K1milien long Wewak Iektoret

OL PIPEL long Wewak Ailan i gat wanpela sip long helpim ol nau. Dispela liklik sip MV Awin bai mekim wok namel long Wewak na ol ailan i go inap long Biem.

Memba bilong Wewak Open, Bernard Narokobi i baim dispela bot long K250,000 long helpim ol pipel bilong em. Sepik Coastal Agency bai helpim Wewak Ailan Lokal Level Gavman long lukautim dispela sip.

Las wik ol lain i makim Wewak Ailan Rurel Lokal Level Gavman na Sepik Coastal Agency i bin kam long Mosbi na Mista Narokobi i givim mani bilong mekim dispela wok.

Mista Narokobi i tok ol pipel bilong

Wewak ailan i save painim taim stret bikos i no gat gupela transpot sevis i go long ol ailan.

Em i tok nau ol pipel i save yusim ol liklik spit bot long kam long Wewak. Em i tok ol sip bilong gavman i bagarap longtaim tru na ol pipel i save hatwok tru long painim transpot long kam long taun o raun i go long ol narapela ailan.

Ol ailan bai i gat redio long salim toksave i kam long Wewak sapos hevi i kamap. Mista Narokobi i givim mani i go long wanpela lokal kampani Saliau Radio Sevis long mekim dispela wok. Long taim olgeta wok i pinis bai kost bilong dispela projek inap long K250,000.

Insait long dispela liklik bung long opis bilong em, Mista Narokobi i bin givim mani i go tu long wanpela kampani i mekim wok bilong sanapim dabol klasrum bilong wanpela top ap skul long Biem ailan na narapela long Dagua.

Mak bilong ol projek na mani em Memba bilong Wewak i spendim long ilektoret bilong em inap long K1,400,000 (wan milien foa handet tausen kina).

Biem Top Ap skul i kisim K130,000; Dagua Top Ap skul K480,000; sip MV Awin K250,000; Boikin Dagua Sub Distrik K90,000 na Turubu Helt Senta K200,000.

## Asples meri askim long envaironmen plen bilong Wewak pis fektori



• **Tupela bikman bilong ANGCO, Peter Pena (raithan) na siaman bilong kampani, Thomas Negints i sainim tokrait bilong atun fektori long Wewak.**

WANPELA asples meri i askim Is Sepik Gavman na ANGCO kampani long envaironmen plen na ples bilong tromoi pipia long dispela nupela atun fektori long Wewak.

Dispela meri, Anna Solomon bilong ples Mengar i tokim Wantok olsem strongpela toktok i kamap pinis olsem pipia bilong dispela fektori long Yawasoru bai go daun long maus bilong wara long Mengar na i go aut long solwara. Na em i wari

long bagarap bai kamap long mangro, wara na nambis bilong ol.

"Sapos gavman i laik kirapim wanpela bikpela projek olsem, mobeta ol i mas kam toktok wantaim ol asples na toksave gut long wanem kain samting bai kamap long ples. Ol pipel i mas klia gut na autim tingting bilong ol tu. Bikos bagarap bai kamap long graun na wara na nambis bilong mipela, i no long ples bilong ol dispela politisen.

"Mipela i amamas long dispela bikpela projek i kamap long Wewak. Tasol ol i mas painim narapela ples long tromoi pipia bilong fektori. Maski long sotkat nabaut na tromoi long ples bilong mipela," em i tok.

Anna Solomon i mekim dispela hap tok long taim gavman na ANGCO i sainim tok orait long kirapim dispela atun fektori long Yawasoru las wik.

"I gat tupela pis fektori pinis long PNG. Wanpela long Madang na narapela long Malahang, Lae. Ol pipel i kisim taim tru long sting smel bilong fektori na nambis bilong ol i bagarap. Mi no laik lukim kain bagarap olsem i kamap long ples bilong mi. Mipela i wari tu long ol sak i kam klostu long nambis," em i tok.

ANGCO i bung wantaim wanpela bikpela atun kamapni bilong Amerika ol i kolim Starkist na kampani bilong Taiwan ol i kolim FCF long kirapim dispela projek ol i kolim South Seas Tuna Coporation.

Narapela atun kampani ol i kolim Bumble Bee na Is Sepik gavman bai i gat sia tu long bihaintaim.

Siaman bilong ANGCO, Thomas Negints i tok ol saveman bilong Starkist bai go pas long plen bilong dispela fektori. Em i tok ol i gat nem long mekim dispela kain wok na bai ol i yusim dispela save bilong ol long wokim dispela fektori long Wewak.



# BEEF CRACKERS



IGAT kick!



HEPI BIRTHDAY

# 25% MORE

5 BISKETS INSIDE-1 FREE

# SAUTEN RIJON

## Wara Gira bagarapim ol ples long Sohe distrik

Bikpela tait long wara Gira long hap bilong Sohe long Noten provins i bagarapim ol ples long Lowa Eia, Gira, Mamba na wara Kumusi. Samting olsem 12,000 pipel i kisim taim long dispela birua.

Ripot i kam long Noten provins i tok tait i bin stat long mun Me i go inap long mun Jun na wara i stap namel long wan na tu mita long planti ol ples.

Tait i bagarapim ol gaden kaikai na ol pipel i wok long sot long kaikai nau. Ol ples i stap daunbilo i kisim taim tru bikos tait i bagarapim ol haus bilong ol na ol samting bilong ol i lus nabaut. Ol klasrum, haus bilong tisa na etpos tu i bagarap.

Memba bilong Sohe Dokta John Waiko i toksave long dispela bagarap i kamap long ilektoret bilong em.

Dokta Waiko i bin go raun long ol ples na lukim ol bagarap na em i tok dispela tait i bikpela tru na i kamapim moa bagarap. Em i tok long yia 1947 em i bin liklik manki na em i tingim bikpela tait i kamap long ples na papa bilong em i karim em i go antap slip long wanpela diwai kokonas.

Dokta Waiko bai givim K50,000 (fifti tausen kina) long helpim ol pipel husat i kisim taim long dispela tait. Em i tok bai ol pipel i yusim dispela mani long baim kakai na sanapim gen ol haus bilong ol.



• Ol mobail skwat 10 i wokim wanpela trening wankain olsem ol ami long redim ol yet bihain long ol bai go long Sauten Hailans provins long stretim hevi bilong traibel pait. Trening bilong ol i pinis long las wik. Foto: IVAN BAYAGAU.

## Moi Avei i memba bilong Kairuku Hiri

Moi Avei bai i stap yet olsem memba bilong Kairuku Hiri long nesanel Palamen. Kot i tokaut long Fraide olsem Mista Avei em i memba yet.

Praim Minista Sir Mekere Morauta i amamas long taim em i harim dispela nius. N em i tok Moi Avei bai i kisim bek wok olsem Minista bilong Plening na Implenetesen.

Sir Mekere i tok Mista Avei i mekim bikpela wok tru long helpim gavman bilong em i kamapim gen wok bilong strongim kantri.

Sir Mekere i tok, "Dipatmen bilong Nesanel Plening na Implementesin i go pas long kirapim wok developmen long ol rurel eria insait long kantri.

Na Mista Avei i mekim bikpela wok tru long nem bilong gavman na mipela i amamas long lukim em i kam bek."

Praim Minista i tok tenk yu tu long Minista bilong Trensport na Sivil Eviesen Bart Philemon long dabolim wok bilong Plening na Implementesin taim Mista Avei i wet long harim bekim bilong kot.

## Asples nogat laik long pasim Kokoda Treil

KOIARI Developmen Atoriti i no amamas long sampela ripot we toktok long Kokoda Treil papagraun pasim Kokoda Treil.

KDA siaman Mista Garry Imiri na menesa bilong em Charlie Gadei i tok olsem. Ol tok ol i no amamas long dispela ripot we em bin kamaut.

Mista Garry tok wanem samting ol ripotim em i bikpela toktok na em i no makim ol papagraun na ol Koiari tasol.

"Kokoda Treil em i wanpela historikol sait we em i no bilong ol Koiari na bilong o Oro, tasol em wanbel mak we i makim yumi PNG long arapela hat long wel.

Em i tok ol mas traim na kisim gut stori na ripotim gut we em i balens gut.

Ol KDA bin no amamas bikos long insait long wanpela hap tok

ol ples long Kokoda Treil tok ol bai i no inap opim dispela trek long Australian gavman em tingting long toktok long developmen isu wantaim ol pipel.

Mista Garry tok dispela em i nogut na i no stret.

Em i tok i no olgeta ples ol stap long Kokoda Treil em ol laik pasim dispela trek. Dispela hap ol laik pasim em long loribaiwa na em ol dispela papagraun bilong loribaiwa yet.

Dispela hap em stap insait long Sentrel provins na em klostu tu long Owens Kona. Em tok em hat stret long luksave bikos i nogat man i save stap na nogat ples long loribaiwa.

Dispela em bikbus na nogat man save stap. Laspela man na papagraun husat em lusim dispela ples em 27 yia i go pinis.

Mista Imiri tok sapos ol papagraun i gat sampela wari i gat rot long sindaun na stretim dispela hevi ol papagraun i gat na i ken go long nius.

Long las mun, Mista Imiri tok ol lain bilong Australia.

Australian Hai Komisen bilong PNG bin kisim sampela toktok wantaim ol pipel na papagraun long Owens Kona we Australian gavman i mekim klia long ol pipel long ol hevi bilong Kokoda treil.

Olsem na ol KDA singautim ol papagraun husat ol stap long treil sapos ol i gat sampela wari ol mas yusim treil we na noken paulim yupela yet.

Sapos em i politikol samting long traim na bagarapim gutpela wok we ol KDA em wokim wantaim raun bilong dispela Olimpik tos, em i tok plis noken traim na bagarapim.

## Mani sot long senses wok long Not Flai distrik

WOK bilong kaunim ol manmeri (Senses) long Not Flai distrik long Westen provins i no kamap bihainim taim bikos i nogat inap mani bilong karimaut wok.

Not Flai Distrik senses kodineta Richard Aria i tokaut olsem insait long 96 tim ol i makim long karimaut wok bilong senses insait long ol ples na hap bilong Midel Flai eria, tripela tim tasol i go het long dispela senses wok long Mande dispela wik.

Mista Aria i tok 93 tim i wok long wetim tasol wanem taim bilong stat long Kiunga, Tabubil, Lae, Mari, Ningerum na Nomad

Riva distrik senta. Ol tripela tim we i statim wok i stap long hap bilong ol asples long Kiunga Rurel LLG long Kiunga na Tabubil haiwe.

Mista Aria i tok ol i ting long kisim olsem K600,000 long karimaut wok bilong senses tasol ol i kisim tasol K79,985 we Westen provins senses opis long Daru i givim ol.

Dispela sot long mani i bikos Nesanel Statistik Opis long Mosbi i wetim tu nesanel gavman long givim ol K10.9 milien long karimaut wok bilong nesanel senses long kantri.

Tasol em i tok ol senses tim long Kiunga, Ningerum na Sta

Maunten eria bai statim wok long Tunde na ol lain long Lae, Mari, Nomad Riva na Aiambak eria bai stat long Trinde.

Mista Aria i tok bikpela hevi long wok senses i go long hap bilong Not Flai na Lae, Mari eria em long rot trenspot bikos i nogat rot bilong ka i go long ol asples long hap we ol i stap longwe long narapela narapela.

Em i tok ol i mas yusim helikopta long go maunten ples olsem long Strikeri, Tributaris eria. Ol i mas gat planti fiul tu long yusim long ol autbot moto kanu na ol dingi we i ken karim ol senses tim bihainim ol wara i go long distrik

<p>GLOBE CORNED BEEF TAPER 340gr <b>K2.79</b> INO DIA TUMAS ABUS LONG POT MOSBI</p>			
Tablebird Kwikkai 900 gr	K5.25	Roots Rice 1 kg	K1.37
Tablebird Twin Pack	K11.80	Weet Bix 375 gr	K3.45
Roots Rice 10 kg	K12.63	Wopa Biscuit 125 gr	K .50
		Flame Plain Flour 1 kg	K1.11
		Maggi Noodles 85 gr	K .50

**Planti moa kaikai prais i go daun long en!**  
Ph: 325 7566, 325 0863 Fax: 325 7096





# MADANG NIUS



## Plis het kota tokaut long hevi long Madang

Plis het kota long Mosbi i tokaut olsem em i tru wanpela man i bin dai long ka eksiden long Madang long Sande nait we Madang Gavman Jim Kas i bin stap wantaim.

Deputi Plis Komisina bilong Operesen Sam Inguba i tokaut olsem dispela bikman ya i bin dai long ka eksiden long Sande apinun taim olsem hap pas 7 (7.30pm) taim ol i ron long rot lusim Bogia i go bek long Madang taun.

Mista Inguba i tokaut olsem dispela man husat i dai em Alois Kiangua, krismas bilong em 54 na em i hap Simbu na Bundi we papa i Simbu na mama i Bundi long Madang provins.

Mista Inguba i tok i gat 5-pela lain insait long dispela ka na bikman ya i dai taim ka i bungim eksiden na ol arapela i stap laip wantaim ol liklik bagarap long skin bilong ol.

Ol i go kisim marasin long Madang haus sik na go long haus. Mista Inguba i tokaut tu olsem dispela man i dai em wanpela bisnisan long Westen Hailans provins.

Em i singaut i go long ol famili na lain bilong dispela man long larim ol plisman i mekim wok

bilong ol long dispela hevi.

Em i mekim dispela toktok

bihain long ol lain famili bilong bikman ya i wok long kamap planti long Madang taun.



• Dispela em 4-pela man bilong Hagahai, husait i save stap long bus bilong Madang provins klostu long boda bilong Isten Hailens. Ol dispela pipel i bin kamaut i no long taim i go pinis bihain long ol NRI wok lain painim ol.

## Asples stapim timba kampani

OL papagraun bilong Kumil timba projek long Bogia, Madang provins i strongim tingting long stapim Korea timba kampani ol i kolim Hyatsho long noken go katim diwai long hap bilong ol.

Maski ol lain bilong ples i kamap wantaim dispela tingting bilong ol, kampani i gat timba pemit pinis long katim diwai long hap.

Dispela timba kampani i bin gat ripot long las mun long mekim hait pasin wantaim sampela takis wokman we em i givim hait mani long ol long abrusim takis em i mas baim i go long gavman. Wanpela wokman bilong kisim takis i bin lusim wok bilong em na sampela moa bai bihainim em.

Kampani i bin kisim masin bilong katim diwai i kam long ovasis long wok lokgn Kumil TRP eria na em i gat ripot long baim ol wokman bilong takis hait long daunim impot diuti takis em i mas baim.

Ripot long palamen i tok kampani ya i baim K100,000 we em i inap long baim stret K600,000 long impot diuti takis i go long gavman.

Ol asples i tokaut olsem kampani i bin traim long go insait long eria bilong ol long las mun long mekim wok tasol ol asples i stapim kampani.

## Wanpela i dai na 4-pela lain i orait


... Gavana Jim Kas i bin wantaim ol

PLIS long Madang bai sanapim rot blok long haiwe long sekim gut ol lain bilong man Simbu husat i bin dai long Sande taim em i ron long ka wantaim Madang Gavana Jim Kas na ol i kapsait na kisim bagarap long not kos Bogia rot.

Sinia Inspekta James Kupa husat nau em ekting Provinsal Plis Komanda i tokaut olsem ol i pret dispela, man Simbu husat i dai bai ol kain kain ausait lain bai yusim dispela hevi long go insait Madang provins na mekim kain kain askim nabaut. Olsem na ol i laikim lukim olsem ol lain stret bilong dispela man i dai tasol i ken kam. Ol tasol i ken kam askim long kompensesen bikos nogut ol arapela moa trabel o hevi i kamap taim ol ausait lain olgeta i kam insait. Olsem na ol bai sanapim rot blok na larim tasol ol famili tru bilong bikman ya long go long Madang na toktok long ol kain toktok olsem kompensesen samting.

Mista Kupa i tok dispela man Simbu em Alois Kiangua bilong ples Apa Simbu, krismas bilong em 54 na em i bos bilong Sine Wage kopi fektori long Kudjip long Westen hailans provins.

Mista Kupa i tok Madang Gavana Jim Kas wantaim tripela wokman bilong em na dispela bikman ya i bin ron long dispela ka taim ol i laik go bek long Madang taun na ka i bin ron spit tumas we em i tanim tanim i go long sait na kamapim bagarap na dai long ol lain insait long ka. 5-pela lain olgeta i stap insait long dispela ka



• Madang Gavana Jim Kas. taim ol i bungim bagarap.

Mista Kas na ol wokman bilong em i kisim bagarap na go long haus sik tasol ol i go long haus bikos bagarap i no bikpela tumas tasol dispela bisnisan bilong Simbu tasol ya i dai stret long taim bilong birua.

Plis tok i luk olsem dispela ka i bin ron spit tru bikos bagarap long ka i ken soim olsem.

Mista Kupa i tok bihain long ol plisman i pinisim wok painimaut bilong ol na stretim olgeta ripot gut, ol inap sasim Madang Gavana Jim Kas long dispela hevi bikos Mista Kas i bin draiva long dispela taim.



## TOK SORI

Ekting Siti Menesa, ol wokman na ol pipel bilog Lae i laik salim bikpela tok sori na wari i go long famili na ol lain bilong leit:

## Mr. PAMA ANIO, OBE

Em i bin dai long Julai 3, 2000 long Angau haus sik bihain long em i bin sik sotpela taim.

Leit Pama Anio i bin wok olsem ilekted Kaunsil long 1971 inap 1980 wantaim Lae Siti Atoriti we em i bin Lod Meya long tupela krismas.

Leit Pama Anio i bin kamap olsem namba wan Interim Primia bilong Morobe Provins.

*"God i givim na God yet i kisim bek"*  
(Job 1:21)

*Sol Bilong Em I Ken Kisim Gutpela Malola*

**MR STEVEN PETERS**  
Ekting Lae Siti Menesa



# RON BILONG KA - Saplimen

## Kongo Motors stretim wari bilong ol kastoma

THEO THOMAS i raitim

SINGAUT bilong ol kastoma igo long Kongo Motors long stretim wari bilong ol i wokim na Kongo Motors i opim wanpela nupela hap ples bilong wok long Kundiawa pinis.

Dispela nupela hap i bringim namba bilong ol ples we Kongo Motors i stap long en i go long tri na i soim tru olsem planti ol manmeri i laikim tru Kongo Motors.

Menesing Dairekta bilong Kongo Motors, Mista Pol Kongo tok dispela nupela hap em ol opim long Kundiawa i stap klostu long Wara Simbu na dispela ples bai i gat hap bilong salim ol nupela na sekon han ka na tu ol spe pat.

Mista Kongo tok dispela nupela hap em bilong stretim tasol wari bilong ol kastoma bilong em long Simbu na lusim Simbu na ol narapela ples longwe long Simbu.

"Gutpela nius bilong ol kastoma bilong mipela husat i stap long Simbu, Hagen, Wabag na long Sauten Hailans Provins em olsem stat long nau, yupela i no gat as long kam olgeta long Goroka long kisim ol sevis.

"Wanem kain samting yu laikim, long nau yet yu ken kisim long Kundiawa," Mista Kongo tok.

Em tok long nau yet Kongo Motors i wok long wetim ol nupela kar bilong ol yet.

"Taim ol nupela kar bilong mipela i kam kamap long hia, mipela bai muvim ol i go long Kundiawa."


Mista Kongo tok ol kain ka we Kongo Motors i save salim em ol kainkain Toyota, Mitubishi, Mazda na Isuzu ka.

Mista Kongo tok Kongo Motors i no save salim ol rikondisen ka. Ol i save salim tasol ol nupela o gutpela sekon han ka.

"Mipela i no save salim ol rikondisen ka. Tru mi yet mi no save laikim dispela ol ka.

"Mipela i save salim tasol gutpela sekon han ka na ol nupela ka stret," Mista Kongo tok.

Na tu em tok olsem ol kain ka we ol i save salim em ol ka we ol yet i ken stretim taim i bagarap o ol ka we ol yet i save salim ol pat bilong ol. Em tok ol i no save salim ol ka we ol yet ino inap stretim o ol i nogat pat bilong ol.



• Menesing dairekta bilong Kongo Motors, Paul Kongo.

Mista Kongo tok taim Kongo Motors i bin stat, bikpela as tingting bilong ol em long halivim ol manmeri long baim ol gutpela ka we i kos liklik mani. Na long dispela taim i kam inap nau, Kongo Motors i wok long go bikpela na dispela i soim olsem ol pipel i amamas long ol.

Tasol Kongo Motors ino save salim ka tasol. Ol i save sevisim ol ka em ol save salim na tu ol save salim ol pat bilong dispela ol ka.

Wanpela gutpela rot em ol i save bihainim long wokim dispela wok em long taim ol lain husat i baim ka long ol i painim sampela hevi long ka na toksave long ol long dispela, Kongo Motors yet i save go long ples we ol kastoma bilong ol i stap long en long halivim ol. Ol i no save singautim ol kastoma long kam long woksap bilong ol.

"Mipela yet i salim ka long ol olsem na taim ol i painim hevi, mipela pilim olsem mipela yet i mas go lukim ol long stretim wari bilong ol," Mista Kongo tok.

Narapela samting Kongo Motors i gat long halivim ol manmeri long baim ka em long gutpela wokbung wantaim em ol i gat wantaim ol lain long Nambawan Fainens.

Mista Kongo tok ol lain husat i nogat inap mani long baim ol ka i ken go lukim Nambawan Fainens long kisim halivim long ol.

"Long kisim halivim long ol, ol kastoma i mas i gat olsem 60 pesen na Nambawan Fainens i ken halivim ol long 40 pesen we ol i



• Mista Kongo sanap arere long ol ka em i gat long woksap bilong em. Aninit: Ol wokman meri bilong Kongo Motors.



ken kisim olsem lon," Mista Kongo tok.

Han bilong Kongo Motors long Kundiawa i gat tenpela wokman.

Tasol sapos yu laik askim ol long prais bilong ol ka, yu ken ringim Jon Komboli, Samuel Kumo na Daniel Aigal. Dispela ol lain wok long Ka Sels. Long woksap, yu

ken ringim Linus Kono na long Spe Pat, Aisaia Henry na Wili Ape i stap. Ringim ol long dispela namba 732 1369 o salim feks long ol long 732 1972.

# Land Rover kamap tru

Long 1990 i kam inap klostu long 2000, wanpela bikpela rot we Rover Australia i bin kisim mani long en em long ol Land Rover Discovery ka.

Prais bilong dispela ol kain ka i wankain olsem ol ka we i save kam long Japan. Tasol dispela ka em ol wokim long Yurop. Na taim em i wokim gut long dispela taim, em i hapim tru namba bilong ol kain ka we i save kam long Yurop.

Ol lain husat i save baim ol fowil ka stat long lukluk long dispela kar taim strong bilong mani bilong ol Japan i wok long go antap na prais bilong ol i wokim i wok long go antap tu.

Ol lukim olsem ol wankain ka em ol wokim long Japan olsem ol Patrol, LandCruiser o Pajero i kos bikpela mani tumas na ol i ken baim dispela ka em ol wokim long Briten long liklik mani.

Olsem na taim dispela ka em ol i bin wokim liklik senis long en long wokim em luk gut i kam kamap long Australia long stat bilong yia 1994, prais bilong em i go antap liklik tasol.

Ka ya i gat ol samting wankain olsem ol Range Rover olsem ol ea bek, leta trim na entilok brek.

Taim Rover Australia toksave long kamap bilong dispela ka, dispela Discovery ES i bin kos liklik mani long Holden Jackaroo, Mitsubishi Pajero na toyota LandCruiser.

Wanpela ka em prais bilong em i tamblo long dispela em Patrol Ti.

Ol samting em ol wokim long stretim dispela ka i stretim wokim ron bilong em i isi na nogat planti nois i kamap long em.

Ol stretim V8 enjin bilong em na dispela tu i bin halivim em long ron long rot we ol i laikim em long en.

Dispela i wokim na dispela Discovery Es i nau kisim ples bilong range Rover.

Ples we ol masin i save sindaun olsem ol mita na ol kain samting i save stap long en em ol wokim gut tru. Dispela wantaim ol narapela samting em ol i wokim i mekim na ka ya i

kamap narakain olgeta.

Sapos yu ron insait long dispela ka, bai yu pilim olsem ka ya i wankain olsem ol teksi na ino olsem o fowil bilong ol Briten.

Ol sampela samting we ol i putim insait long ka long wokim em kamap olgeta em tupela windua we i wok long pawa antap long het bilong ka, ples bilong pleim CD na hap bilong putim ol Cd wantaim rimot kontrol dua na alam.

Ol samting em ol putim insait long kar tu i wokim na planti nois tumas i no inap kamap long ka.

Ka ya traipela tru tasol ol i wokim gut tru na taim em ron long katim ol kona, em i ken katim isi tasol maski taim em i spit.

Long ol rot we i save taim tanim tumas, yu bai ron isi tasol bilong wanem bodi bilong ka ya em bikpela.

Wankain olsem ol nogut rot we em i ken ron, em i ken ron tu long gutpela rot na dispela i wokim Discovery olsem wanpela ka we yu ken

yusim long kainkain ples maski taun o bus.

(Long ol nupela Discovery yu baim, noken bisi, olgeta samting i ken stap orait.

Tasol sapos yu laik kisim sekon han ka, traim na sekim em gut.)

Tasol sampela samting em i no stret long dispela ka em ka ya i save painim hevi long pawa, ol oil bilong em i save lus na taim em i sensim gia, yu ken harim noise bilong dispela.

Sampela taim spring bilong ol i ken slek and bus bilong ol lapun.

Dispela V8 enjin bilong em i nambawan stret, tasol sapos yu laik baim wanpela sekon han, askim ol lain husat i salim dispela ka long ol taim em i bin go long sevis long en.

Sampela bilong dispela ol ka i no bin ron long ol rot we i nogat kolta long en olsem na long sekim dispela, hapim tasol ka na lukluk long aninit bilong en.

Dispela stori em mipela kisim long *The Courier-Mail* niuspepa.



# KONGO MOTORS

Spare Parts & Sales Office



REPAIR TOOLING  
WHEELS TYRES ETC.  
LUBRICANTS CAR AND TRUCK  
MIRROR TYRES ETC.

WHEELS TYRES SPARE  
SAND SERVICE  
BRAKE  
PADS BRAKE SHOES  
CLUTCH PLATES  
PRESSURE PLATES

*\* Millennium Sales at real affordable prices!!*



**KONGO MOTORS for HIGHLANDS**

**Spare Parts & Sales office**

P.O. Box 1634 Goroka, E.H.P

Phone: 732 1369, 732 1972 Fax: 732 1972

*Come and see us now!!*



# Lae Nius

## Saonu pulim wara saplai long ilektoret

MEMBA bilong Kabwum Ginson Saonu i go het yet long kamapim moa wara saplai na sanapim ol haus lotu long ilektoret bilong em. Em i bin kamapim planti wara saplai na haus lotu insait long ilektoret bilong em taim em i kamap memba bilong palamen.

Long Mande Julai 3, 2000 Mista Saonu i opim Makua ples wara saplai long Dinangat Wod long Yus lokol gavman kaunsil eria long Kabwum distrik. Dispela wara saplai em Yus lokol gavman kaunsil na memba yet i bungim mani long kamapim.

Long opim dispela wara saplai, Mista Saonu i tokim ol pipel olsem, bipo yupela i save go longwe long kisim wara saplai. Dispela em wanpela bikpela sevis ilong gavman i kam long yupela na yupela lukautim na yusim gut bai wara i stap gut na helpim yupela. Sapos yupela kros long graun o bkhet pasn na bagarapim em bai mipela nogat moa mani long stretim. Long wokim nupela pro-

jek em mipela bai helpim tasol long stretim ol olpela projek bai nogat mani, Mista Saonu i tokim ol pipel bilong Makua na Dinangat wod eria.

Long dispela taim tu Mista Saonu i givim K5,000 long ol lida bilong ples Dinangat long pinisim nupela haus lotu bilong ol.

Dinangat Wod kaunsil Alex wantaim wantaim sios lida Mista Nare i makim ol pipel bilong ol na tok amamas i go long memba.

Ol i tok ol memba bilong bipo i no save raun i go lukim ol na luksave long hevi bilong ol. Tasol nau Mista Saonu i kam lukim mipela na karim hevi bilong mipela wantaim we em i gutpela lida.

Ol i tok taim bilong ileksen i kam, ol kain kain kendidet i save go na mauswara long ol pipel. Olsem na ol pipel i mas tingting gut long makim ol lida husat inap kam na lukim ol na helpim ol long ol liklik projek olsem wara saplai, haus lotu, elementri skul na ples balus.

## Raskol hensapim MAF balus long Garaina

### YAKAM KELO i raitim

TRIPELA raskol man i bin hensapim MAF balus long Garaina ples balus long Mande dispela wik na ronawe wantaim K200 na ol marasin samting we i kos olsem K1000.

Tripela raskol man ya i karamapim pes bilong ol na holim tripela sotgan tru tru na hensapim ol pasindia na pailot bilong dispela MAF balus. Ol i sutim katres i go antap na pretim ol pasindia long slip long graun. Pailot tu em ol i hensapim em na mekim em i slip long graun na ol igo het long sekim balus sapos i gat mani.

Morobe Provinsal Plis Komanda, Suprintenden Peter Nasset i tokaut olsem tripela raskol ya i sekim balus tasol i nogat mani na ol i stat long sekim ol pasindia na kisim mani mak olsem K200. Dispela em mani bilong baim balus. Bihain long ol i kisim dispela mani, ol i kisim tu ol marasin saplai na ol samting bilong stretim ol sikman we i kos olsem K1000 olgeta.

Mista Nasset i tok dispela

raskol pasin i kamap stret long namba wan de bilong nesenel senses insait long distrik.

Mista Nasset i tok tripela raskol man ya i kisim ol samting pinis na ronawe i go long ti plentesen klostu tasol long ples balus. Wanpela man i bin go toksave long plisman tasol taim plisman i kamap, tripela man nogut ya i go pinis. Ol arapela lain i laik helpim plisman ya tasol i gat bikpela pret tu long dispela.

Mista Nasset i tok i gat tripela plisman long Garaina tasol tupela i wok wantaim ol wokman bilong senses long kaunim ol manmeri. Olsem na wanpela plisman tasol i stap taim dispela trabel i kamap.

Suprintenden Nasset i tok em i gat bikpela wari tru long ol plisman bilong em long Garaina bikos planti samting bilong helpim ol long wok bilong ol i no stap sambai. I nogat plis ka na ol radio o telefon samting bilong toktok long ol arapela plisman taim ol i stap long bikpela hevi na i laikim helpim.

Mista Nasset i tok dispela em bikpela wari na em bai rausim ol plisman bilong em long Garaina

sampela taim sapos ol dispela sapat i nogat.

Em i tok ol plisman i gat bikpela wok bilong kantri long strongim na lukautim lo na oda tasol sapos i nogat helpim o sapat long wok bilong ol, bai wok bilong ol i no inap kamap gut long stapim hevi bilong lo na oda.

Mista Nasset i tok nau yet em bikpela wok bilong nesenel senses i kamap na ol plisman insait long olgeta distrik bilong Morobe provins i wok klostu wantaim ol senses opisa. Sampela i wok-about bihainim ol senses lain na sampela hap em ol senses lain yet i karimaut wokabout bilong ol.

Em i tok ol plisman tu i stap insait long dispela wok bilong senses na givim sapat long wanem hap ol i ken mekim long helpim wok bilong senses insait long provins.

I nogat wanpela spesel opere-sen o wok. Ol plisman i mekim wankain wok tasol we ol i save mekim olgeta taim long wok bilong ol long raun na karimaut wok bilong lo na oda insait long wanwan distrik bilong Morobe provins.



• Mista Saonu opim Makua ples wara saplai na Kaunsela Alex wantaim ol manmeri i kam long bung i lukduk.

## Maining opis i no kotim ol man brukim lo

DIPATMEN bilong Maining i save long ol ausait lain i brukim lo long mekim wok gol insait long Morobe provins tasol dipatmen i no save mekim wanpela strongpela eksen long ol. Ol i save salim pas tasol.

Dispela em luksave Wantok i kamap wantaim taim Rejistra bilong Tenamens Neillie James i tokaut olsem dipatmen i save painim hat long salim ol wokman bilong ol i go aut long sekim ol kain wok we i brukim lo. Bikos dipatmen i save sot long mani bilong baim helikopta long salim ol wokman igo insait long ol bus na longwe ples.

Mis James i tok ol asples i gat luksave aninit long lo ol yet i mas mekim wok gol arere long wara na graun bilong ol yusim ol sawol na bokis. Na wanem ol ausait lain i laik painim gol arere long wara na graun bilong ol asples em brukim lo.

Tasol sapos ol i yusim masin na ol bikpela samting bilong brukim graun na pulim wara, ol i mas gat laisens wantaim Maining opis, Mis James i tok. Dispela laisens em ol i kolim Aluviel Maining Laisens (AML) na ol i save senisim olgeta 5-pela krismas o sapos wok i bikpela tumas, laisens i save kisim olsem 20 krismas.

Em i tok ol i gat luksave long sampela wok gol insait long Wau Bulolo eria we i brukim lo. Tasol ol i laikim opis bilong ol long Wau long mekim ripot long dispela.

Tasol Mis James i tok bikpela samting em ol asples i mas komplek bai dipatmen i ken save olsem sampela

ausait lain i wok long mekim wok gol long graun bilong ol. Bikos insait long Morobe provins, dipatmen i gat maining opis long Lae na tu long Wau we ol wokman bai i go na sekim ol dispela komplek, em i tok.

Tasol Mis James i tok sampela taim ol asples yet i no save sanap wantaim na komplek wantaim. Sampela i save wok klostu na sapat wantaim ol ausait lain husat i go wok gol long hap bilong ol na arapela i save sanap ausait na komplek. Olsem na i save mekim hat bikos ol asples yet i save bruk tupela hap.

Maining opis long Morobe i tok ol i save long sampela hevi bilong wok gol insait long Wau Bulolo eria. Na ol wokman i bin go sekim pinis na stapim ol dispela ausait lain long lusim dispela hap eria ol i painim gol long en.

Morobe opis i tok ol i save salim olgeta ripot i go bek long Mosbi het opis na em i wok bilong het opis long sasim o kotim husat i brukim lo bilong wok gol aninit long lo bilong Maining.

Mis James i tok wanem ripot ol i kisim long ol wokman bilong ol long provins ol bai mekim eksen long en.

Tasol sampela asples long Bulolo eria i tok Maining dipatmen i mas mekim eksen long ol ausait lain husat go painim gol long wara na graun bilong ol. Bikos sapos i nogat eksen olsem long kotim o sasim ol lain olsem bai ol i go het yet. Na tu bai i hat long dipatmen long stapim ol ausait lain i brukim lo bikos sampela ples i no klostu.

## Ol bikman i amamas long ol Makam i wok didiman

OL ples insait long Makam Veli i kisim bikpela tok amamas long wok bilong ol long agrikalsa long sait bilong planim kaikai.

Dispela gutpela wok bilong ol i mekim na Dipatmen bilong Agikalsa na Laivstok (DAL) wantaim Food and Agriculture Organisation (FAO) i givim ol wanpela bikpela masin bilong brukim rais. Dispela masin bilong rais i kos moa long K50,000. Ol

Makam pipel long ol ples olsem Intoap, Naratumua na Sivating i kisim dispela rais masin.

Seketeri bilong Agrikalsa na Laivstok Miri Setae i makim dipatmen na givim dispela rais mil masin, wanpela jenereta na tres masin i go long ol pipel ya. Morobe Gavana Luther i makim pipel na kisim dispela masin long han bilong Mista Setae.

Ol bikman bilong DAL na

Morobe Edministreta Aine Sengero wantaim ol bikman bilong ROC Taiwan agrikalsa misin na ol komyuniti lida i kamap long witnessim dispela samting.

Mista Setae i tok em i amamas tru long lukim wok bilong ol asples lain long wok fama na i gat isi rot i go long rais mil, ol pipel i ken planim na kamapim moa rais long ples bilong ol.

**PHONE:**  
(675) 472-3912

**FAX:**  
(675) 472-3919

- COREFLUTE SIGNS
- METAL SIGNS
- BUMPER STICKERS
- T-SHIRTS
- STUBBY COOLERS
- BILLBOARDS
- BUNTINGS
- POINT OF SALE

**FOR ALL YOUR PRINTING NEEDS**

P.O. Box 3705, Lae, M.P., 411, Papua New Guinea • Email: impact@global.net.pg

## Ol papmama mas skulim pikinini long beten, Asbisop Hesse i tok

WENCESLAUS MAGUN i raitim

OL papmama i mas skulim ol pikinini long beten, Asbisop bilong Rabaul asdaiosis, Karl Hesse i tokim ol bilip manmeri long selebresen bilong tingim Santu Peter Torot long Rakunai.

Asbisop Hesse i tok, planti ol pikinini long dispela taim i no save long beten long wanem ol papamama na famili bilong ol i no skulim ol long beten.

Em i tok planti taim insait long wokabaut bilong em i go long ol skul insait long Is Niu Briten na Wes Niu Briten, em i save lukim ol sumatin i save paul long beten.

"Kirapim prea insait long famili. Skulim ol pikini-

ni long prea. Ol pikinini i nogat i nogat bilip. Yupela olsem ol liklik sios.

"Sapos yupela i no mekim wok maski askim tisa. Yupela i gat wok." Asbisop Hesse i tok.

Asbisop Hesse i tok ol papamama i noken sutim tok long ol tisa, katekis, diken, bruder, sista na pater long i no skulim pikinini bilong ol long beten.

Em i tok namba wan wok bilong ol papamama em long skulim ol pikinini long God triwan.

Olsem na ol papamama i noken sutim tok long ol arapela lain.

Em i tok insait long nupela pes bilong peris program bilong Katolik Sios, sios i laikim ol famili i mas holim strong bilip bilong God triwan.

## Santu Peter Torot helpim planti sik manmeri husat i beten long kisim helpim

PLANTI ol sikmanmeri na pikinini husat marasin bilong haus sik i no inap long pinisim sik bilong ol i bin kamap orait bihain long famili bilong ol i beten na askim Santu Peter Torot long beten long God papa i helpim ol..


Asbisop Hesse i tok i gat planti ol kain stori olsem i stap.

Sampela ol kain stori em yet i bin kisim i go long Rome na givim long Pope Jon Pol II. Sampela ol stori i no kamap ples klia yet.

Long dispela as, em i tokim ol bilip manmeri long Rakunai olsem ol i mas askim Santu Peter Torot long beten long ol sikmanmeri long wanem em i

santu bilong helpim ol lain i gat sik na hevi long tingting o ol arapela pen bilong bodi.

Long ol sikmanmeri na pikinini Asbisop Hesse i strongim tok bilong Pop na i tok, "Givim laip bilong yu i go long Peter Torot. Em yet i ken helpim yu."



• Ol memba bilong Katolik sios i soim piksa bilong Santu Peter Torot long taim Pop Jon Pol II i bin kam long PNG na tokaut olsem Katolik Sios i luksave long Peter Torot olsem wanpela santu.

## Santu Torot i soim mak ol yangpela bilong tude i ken bihainim

SANTU Peter Torot em i model bilong ol yut, Pop Jon Pol II i bin autim dispela toktok taim em i tokaut long Peter Torot olsem wanpela santu, Asbisop Hesse i tok.

Em i tok Santu Torot i sanap strong long bilip na wok bilong em na i no harim tok bilong ol Japan long namba tu wol woa.

Maskim meri bilong em i krai i kam na tokim em olsem ol pikinini bilong em (Santu Torot) i wari long em na tu em yet i wari long em na olsem i askim Santu Torot long harim tok bilong ol Japan.

Asbisop Hesse i tok Santu Torot i tok em bai harim tok bilong God wanpela tasol na long dispela as ol Japan i kilim em.

Olsem na Asbisop Hesse i askim ol yut long: "Yupela i noken tingting long yupela yet."

Asbisop Hesse i tok strong long ol yut long luksave tu olsem ol i no bosim laip bilong ol yet. Em i tok God papa wanpela tasol i bosim laip bilong yumi olgeta na olsem ol yut i mas tingim ol arapela tu.

## Ol katekis i stat long stap witnes bilong Jisas Krai

ASBISOP Hesse i strongim tok bilong Pop na i tok ol Katekis i bin go pas long kirapim Katolik Sios long Papua Niugini stat long namba wantaim Katolik Sios i kam long kantri long 1882.

"Mi amamas moa yet bilong lukim planti katekis i stap witnes bilong Krai. Yupela i stap evanjelaises." Em i tok.

Asbisop i tok strong bilong wan wan komuniti i

stap long han bilong ol katekis long taim sios i bin statim wok misin long PNG.

"Wok bilong sios long PNG i stap long han bilong yupela," Asbisop Hesse i tok.

Em i tok stat long 1982 i kam inap tude, long nem bilong sios em i tenkim olgeta katekis.

"Mi tenkim yupela long wok yupela i mekim na wok long mekim," Asbisop Hesse i tok.

## HIV/AIDS bagarapim gut-pela lukaut sistem long bodi

VERONICA HATUTASI

TAIM sik HIV/AIDS i wok long go antap, sik TB tu i wok long go antap, Sinia Medikal Etwaisa wantaim AIDS Kaunsil Dokta Ninkama Moya i tok.

Mista Moya i tok dispela em bikos taim ol binatang nogut bilong sik HIV/AIDS i go insait long bodi bilong man, ol save bagarapim ol gutpela binatang we i save lukautim bodi long ol sik olsem TB na ol narapela strongpela sik moa. Dispela gutpela binatang em ol i kolim long CD4 sel.

Dokta Moya i tok HIV/AIDS i save laikim dispela gutpela lukaut binatang na em i save kaikai long ol na gro na bagarapim ol.

Ol dispela CD4 lukaut binatang i olsem ol alam belo we taim ol strongpela sik i kamap, em i salim signal i

go long bodi long paitim ol binatang nogut bilong ol strongpela sik. Tasol taim HIV/AIDS i kam insait, binatang nogut bilong ol i save bagarapim CD4 sels na bodi i no inap long lukautim bodi long sikTB na ol arapela strongpela sik.

Dokta Moya i tok olsem na sik TB i wok long kamap bikpela tu long wankain taim wantaim sik HIV/AIDS.

Ol arapela strongpela sik we i kamap long wankain level olsem TB na binatang nogut bilong sik HIV/AIDS i bagarapim lukaut binatang we i save paitim ol binatang nogut i kamapim ol em long meninjaitis, ol sua nabaut long maus, ol strongpela kus, sampela kain kensa olsem kaposi's Sarcoma na ol arapela moa sik olsem.

Dokta Moya i tok olsem na sik HIV/AIDS i birua tru we i wok long bagarapim laip bilong man.

## Ol Katolik long Vanimo laikim sakramen bilong marit

DAVID SCOULLAR i raitim

KATOLIK daiosis bilong Vanimo i amamas long tokaut olsem ol Katolik bilong daiosis bilong ol i go pas long promotim sakramen bilong marit.

Insait long kongres bilong Yukaris long daiosis bilong Vanimo, 85 papamama i putim long alta long taim ol i mekim promis olsem ol bai sapatim ol pikinini bilong ol long statim famili laip wantaim sakramen bilong marit long sios.

Dispela em i namba wan taim kain samting olsem i bin kamap long PNG. Bipo long dispel pasin i kamap, Vanimo daiosis i bin skelim 400 kontrak i go long ol Katolik bilip manmeri bilong ol peris insait long daiosis.

Bisop bilong Vanimo, Cesare Bonivento i tok em i bin tingting planti long wanem samting bai kamap long dispela de, long wanem, long PNG, liklik namba bilong ol pipel i save statim marit bilong ol wantaim sakramen bilong marit.

Tasol em i tok wanem samting i bin kamap em i naispela tru na i gutpela tru.

Em i tok long mekim promis em i wanpela samting, tasol long mekim promis long pablik em i gat bikpela mining tru," Bisop Bonivento i tok.

Em i tok tu olsem planti lain i luksave long sakramen bilong marit em i wanpela santu samting. Em i tok ol pipel i wok long save gut long dispela.

## Ol famili mas sindaun wantaim na stretim marit

OL famili i no stretim marit yet i mas stretim marit bilong ol, Asbisop Hesse i tokim ol bilip manmeri long Rakunai.

Em i tok, Santu Peter Torot i gat gutpela tingting tru bilong ol famili.

"Em i no pret long autim tok long ol lain manmeri i no stretim marit bilong ol. Peter Torot i difendim sakramen bilong marit i go inap em i dai," Asbisop Hesse i tok.

Planti ol bilip manmeri na pikinini bilong Papua Niugini i bin go long Rakunai long selebretim dispela pestode.

"Tude, yumi tingim bek Pop i kam long tokaut long yumi na wol olsem Peter Torot em i wanpela matir na wanpela santu," Asbisop Hesse i tok.

Asbisop Hesse i tenkim Pop long autim dispela tok.

Em i tok Santu Torot em i wanpela namba wan sain o mak olsem sios i sindaun tru long Papua Niugini.

"Em i kamap mak tru bilong sios i stap wantaim ol pipel. Em i sain o mak bilong yumi laikim God. Na bai yumi kamap wankain olsem Peter Torot," Asbisop Hesse i tok.

## 400 pipel kisim sakramen bilong Konfemasio long Wewak

HELEN REI i raitim

KATOLIK daiosis bilong Wewak i bin givim sakramen bilong Konfirmasio long 400 pipel insait long las tri wik i go pinis, Bisop Raymond Kalitsz i tok.

Bisop Kalitsz i tok 150 bilong 400 pipel i kam long Karau eria bilong Marianber peris long Is Sepik provins.

Em i tok em wantaim tim bilong em i plen long go long Mukem insait long Murik Leik eria bilong Sepik Wara, tasol bikos ol wel gras i pasim rot ol i senisim tingting na i go long Karau.

Ol pipel i no bin ting Bisop Kalitsz wantaim tim bilong em bai i go long ol, tasol taim ol i go kamap, ol pipel i go het na kisim sakramen long wanem ol i bin redi longpela taim pinis.

Rijinel Memba bilong Is Sepik na Minista bilong Bogenvil na Mining, Sir Michael Somare i bin kamap tu long dispela selebresen.

Sir Michael em i kam long Murik Leik eria.

Bisop Kalitsz i tok samting olsem 250 pipel planti bilong ol em ol sumatin bilong Bisop Leo Arckfield hai skul tu i bin kisim sakramen bilong Konfirmasio long Wirui peris.



• Sapos yu ron long Hoskins-Kimbe rot bai yu bungim ol hip pikinini bilong oil pam arere long rot ol lain long ples na blok i save salim. Ol lain long poto em long Mista Barry Raka, Misis Susan Anis na yangpela Andrika Barry long ples (blok) Kwala Kesi namel long Kimbe na Hoskins. Foto: EDDIE SAUNDERS.

## Konstitusen Komisn laik mekim klia nupela lo long ol lida na pipel.

Konstitusenel Developmen Komisn (CDC) bai karimaut awenes kempen i go long ol pipel long toktok wantaim ol long lo bilong Intagriti ov Politikel na Kendidet na sistem bilong vot we Komisn i givim i go long kabinet na palamen long pasim.

Mista Riyong i tok olgeta man-meri long kantri i mas save long as tru na wok bilong dispela lo bai ol i ken save long dispela lo bai wok olsem wanem. Olsem ol pipel bilog dispela kantri, ol pipel i mas save long dispela lo na tu

ol lida long nesanel, provinsal na eben atoriti na lokol level gavman i mas save tu. Ol pablik sevans husat bai karimaut dispela lo i mas save gut tu.

Komisn i redi long go aut long ol provins nau long toktok wantaim ol provinsal Gavana na ol asembli memba, ol provinsal edministreta na pablik sevans, komyuniti lida na ol pablik tu wantaim long ol wanwan provins. Komisn i makim sampela provins pinis long statim dispela kempen wantaim na

bihain bai go long ol arapela provins long mekim wankain kempen i go.

Ol dispela provins em Komisn i makim long karimaut ol awenes kempen:

Niugini Ailan em: Rabaul Julai 11 i go long 14, Kavieng em Julai 14 i go long 17 na Manus provins em Julai 17 i go long 19.

Long Momase rijon em: Madang Julai 11 i go long 13, Wewak Julai 13 i go long 16 na Vanjimo Julai 16 i go long 18.

## Pas i kam long Wales

JOE KANEKANE i raitim

Gritings i kam long Cardiff, biktaun bilong Welsh (Wales) wanpela bikpela provins bilong kantri Ingran. Nau em sama o taim bilong san long hia tasol ples i kol yet long mipela ol lain bilong hotples. Long wanpela de yu ken gat tripela kain de bilong ren, san na strongpela win. Olsem na taim mi kisim taim tru. Mi bin sik long wanpela de long wanem skin bilong mi i no save gut long dispela ples. Ol sampela niusman olsem Isaac Nicholas bilong National niuspepa, Leo Wafiwa na James Kila bilong Word Publishing kampani na Sorariba Nash bilong Yunivesiti ov Papua Niugini (UPNG) i bin stap long dispela siti bipo na ol i klia long dispela.

Ples Wales em wanpela olupela ples tru, na i gat bilip olsem long taim bilong Jisas dispela taun i bin stap. I gat ol stori olsem ol man i bin stap long hia taim Jisas i stap long ples graun.

Planti ol lain Welsh em ol waitman tasol i gat planti ol blakman, ol Asia na arapela kantri tu i stap long hia. Tude long wol i gat kain kain lain we ol i bin kamap long dispela ples. Olpela presiden bilong Amerika Abraham Lincoln, biknem musikman Tom Jones, ragbi lig pilaia Jonathan Davies (Canterbury Bulldogs) na planti ol arapela lain tu i bin kamap long dispela ples Welsh (Wales).

Ol lain long hia i save laikim tru ragbi yunien, na olgeta hap yu go em sapot i stap tasol siti i gat wanpela soka tim i save pilai long FA Kap resis. Long sait bilong pasin, ol lain long hia i save lukautim ol arapela gut tru. Ol bai toktok gut wantaim yu, helpim yu long wanem kain samting yu laikim na tu ol i gat intres long yu.

Mi wok long painim wanpela beng longpela taim tru na wanpela lapun

meri i bin helpim mi long wanem em i luksave olsem mi bin gat hevi na tu sapos yu raun long planti hap, planti lain bai helpim yu.

Siti i stap arere tasol long solwara, long Cardiff Bay. Bipo i bin gat ol bikpela kol maining i pulap tru long Wales na dispelea i bin sapotim Ingran taim ol i bungim hevi long mani bilong ol. Tasol nau ples i nais tru. I gat ol gutpela ples bus i kisim ples bilong ol maining na ol raunwara i kamap na sampela hap long maunten i luk olsem ol kain ples bilong mipela antap long Daulo na Kassam Pass o Bulolo tu.

Pikinini bilong Kwin Prins Charles em Prins bilong Wales na Ledi Diana tu em Prinses bilong Wales.

Tokples bilong Wales i olupela tru moa long 500 yia olgeta na ol lain long hia i save tok Inglis na tok long tok Wales. Tok Inglis bilong ol i narakain liklik long ol lain bilong Ingran long wanem em i save bihainim tokples bilong ol.

Wales i gat wanpela haus ov palamen we i gat wanpela Minista i go pas long em na dispela man i olsem Gavana we em i mas go long London long makim maus bilong Wales. I gat 100 memba long dispela palamen we ol i makim kain kain kausil long siti bilong Wales. Sapos yu bungim ples olgeta em i wankain olsem Morobe provins wantaim Kainantu. Em i no longwe long London, biktaun bilong Ingran. Na yu ken kamap long hap insait long tripela aua tasol.

Mi no painim sampela poroman long hia yet na ples i narakain long Australia olsem na mi wok long traim long lainim ol kaikai bilong ol lain long hia. Nogat sampela lain long Pasifik long hia tu.

Cardiff i gat planti ol ples na samting bilong bipo bipo tru i stap. Olsem na sampela taim bihain bai mi stori tasol nau mi mas go. Bai mi kam bek wantaim moa long neks wik.

## Gavman i no tok tru long pipel, Skate i tok

YAKAM KELO i raitim

OPOSISEN i bilip olsem Gavman i no tok tru long ol pipel bilong Papua Niugini.

Oposisen lida Bill Skate i tokaut olsem Gavman bilong Sir Mekere i wok long sanap tasol long senis we i kamap long strong bilong mani (Kina) insait long kantri. Tasol dispela senis long strong bilong mani i no em tasol i makim wok na ol samting bilong kantri.

Mista Skate i tok taim Gavman i wok long lukluk tasol long strong bilong mani (Kina), arapela bikpela hevi i wok long bungim kantri olsem ol sosel sevis, lo na oda, rot na bris na planti bikpela sevis wok insait long kantri i bungim hevi tru.

Em i tok Gavman i no luksave tru long prais bilong ol kaikai long stua we i bikpela na dia tumas long ol liklik manmeri long baim. Na dispela em ol sampela bikpela hevi Gavman i no opim ai na lukim, em i tok.

Mista Skate i tok olgeta taim, Gavman i wok long sutim tok long em olsem Gavman bilong em bipo i bin as bilong planti bikpela bagarap na pundaun bilong mani long kantri. Tasol mi askim dispela Gavman sapos em i toktok tru long olgeta wok bilong em bai i klia na ron gut tru, orait ol i mas kirapim ICAC (Independen Komisn Agens Korapsen). Na ICAC bai tokaut husat tru i gat bikpela asua tru long ol hevi

na bagarap long dispela kantri.

Mista Skate i tok ICAC inap tokaut tu long wanem Gavman i save mekim ol hait pasin na putim ol lain bilong ol yet long ol wok na ol bagarap we i kamap long kantri.

Em i tok tu olsem long lukluk bilong Gavman tude, Praim Minista Sir Mekere Morauta i no holim strong ol memba bilong em long Gavman.

Oposisen lida Bill Skate i tokaut olsem dispela Gavman i no sanap strong olsem na Praim Minista i mekim strongpela toktok long givim hat taim long husat lain i no wok gut.

Mista Skate i tok dispela kain tok-tok i soim olsem i gat hevi insait long Gavman wantaim ol Minista na membas bilong ol.

Em i tok Praim Minista Sir Mekere Morauta i no soim tru pasin bilong lida long rausim ol memba bilong em husat i no wok gut. Em i bin larim ol i stap longpela taim wantaim em inap nau tasol em i laik mekim dispela eksen.

Em i tok palamen kibung tu i save nogat namba bilong ol Gavman memba long palamen bung i ken go het na tu ol kabinet miting i no bin kamapim klia ol polisi na plen bilong Gavman long ronim kantri.

Toktok bilong Mista Skate i kamap tu bihain long sampela toktok i bin kamap pinis olsem Gavman i lukluk long mekim sampela senis long Minista na tu long sia bilong Deputi Praim Minista.

## PAPUA NEW GUINEA'S SILVER JUBILEE

# School Essay Competition



## About the Competition

<b>Category 1:</b>	ALL STUDENTS IN GRADE 3 & 4.		
<b>Essay Topic:</b>	"Who was the Prime Minister 25 years ago?" Tell us more about him.		
<b>Essay Length:</b>	200 Words		
<b>Prizes:</b>	1st prize: K300.00	2nd prize: K100.00	3rd prize: K50.00
<b>Category 2:</b>	Level 1 ALL STUDENTS IN GRADE 5 & 6 Level 2 ALL STUDENTS IN GRADE 7 & 8		
<b>Essay Topic:</b>	"What is Independence and what it means to me?"		
<b>Length of Essay:</b>	500 words minimum		
<b>Prizes:</b>	1st prize: K500.00	2nd prize: K250.00	3rd prize: K125.00
	awards to each level		
<b>Category 3:</b>	Level 1 ALL STUDENTS IN GRADE 9 & 10 Level 2 ALL STUDENTS IN GRADE 11 & 12		
<b>Essay Topic:</b>	"How would you see PNG's Growth in the next ten (10) years?"		
<b>Essay Length:</b>	1000 words minimum		
<b>Prizes:</b>	1st prize: K1000.00	2nd prize: K500.00	3rd prize: K250.00
	awards to each level		

Send entries with full contact details including the name of your school and current grade to:  
National Events Secretariat  
Morauta Haus, P.O. Box 639, WAIGANI, NCD.

Entry into the competition will be deemed as acceptance of the terms and conditions. The Judges' decision will be final.

All entries to be received by 25th August, 2000 no later than 4:00pm on the date.

Winners will be notified by the National Events Secretariat.

# POSEF

## NIUSLETA

Namba 2, Julai - Septemba, 2000

### Pas i kam long OPIS BILONG MENESING DAIREKTA

#### Dia ol manmeri husat i memba long POSF;

MI HAMAMAS tru long bungim yupela gen long dispela namba tu niusleta bilong yumi.

Long dispela niusleta mipela i bekim ol askim planti bilong yupela i save mekim olsem long wanem kain kaikai (long Inglis ol i kolim "benefit") bai yupela i kisim taim yupela i stap nau long internet. Sapos yu i gat komputa orait kam lukim mipela long websait bilong mipela. Dispela websait bai i gat ol kaitkain toksave long halivim yupela. I no long taim i go pinis mipela i kamapim wanpela buk we bai i ken toksave long yupela ol memba long wanem kain kaikai yupela bai i ken kisim long POSF. Dispela buk i fri na yupela ol memba i ken kisim wanpela long opis bilong POSF long Pot Mosbi o long ol rijinel opis.

Long tupela mun bhain, long Septemba 16, Papua Niugini bai hamamasim na tingim 25 yia bilong independens bilong en. Namba tri niusleta bilong yumi bai i kam bhain long dispela taim olsem na nau mi laik tok hamamas long gavman na olgeta manmeri bilong Papua Niugini. Hepe 25 yia anivesari! Yumi wokabaut longpela rot tru olsem wanpela independen kantri. Mi sanap wantaim het bilong mi antap, olsem ekting menesing dairekta bilong POSF, long tok olsem POSF i save wokbung wantaim ol manmeri na gavman bilong PNG long kirapim gutpela sindaun. Mipela i sanap strong yet na i gat bikpela bilip long kamapim gutpela sindaun bilong yumi long nau na long bhain taim.

Sapos yu i gat sampla askim bhain long yu ritim dispela niusleta orait plis kam lukim mipela long opis bilong mipela na mipela bai i hamamas long halivim yu. Wantaim dispela mi tok gen, hepe 25 yia anivesari!

Tenkyu!

**Mr John Ban**  
Ekting Menesing Dairekta

Long dispela taim olsem na nau mi laik tok hamamas long gavman na olgeta manmeri bilong Papua Niugini. Hepe 25 yia anivesari! Yumi wokabaut longpela rot tru olsem wanpela independen kantri. Mi sanap wantaim het bilong mi antap, olsem ekting menesing dairekta bilong POSF, long tok olsem POSF i save wokbung wantaim ol manmeri na gavman bilong PNG long kirapim gutpela sindaun. Mipela i sanap strong yet na i gat bikpela bilip long kamapim gutpela sindaun bilong yumi long nau na long bhain taim.

Sapos yu i gat sampla askim bhain long yu ritim dispela niusleta orait plis kam lukim mipela long opis bilong mipela na mipela bai i hamamas long halivim yu. Wantaim dispela mi tok gen, hepe 25 yia anivesari!

Tenkyu!  
**Mr John Ban**  
Ekting Menesing Dairekta

## Kontributa Sevis Dipatment

### 1999 Kontributa Akaun Stetmen

Mipela i pinisim wok long kamapim 1999 stetmen na bai salim ol dispela i go long yupela. Olgeta kontributa i mas sekim ol pos opis bilong ol o wantaim ol opis long wok ples bilong ol. Sapos yu i no kisim stetmen bilong yu, plis kam long opis bilong mipela long Pot Mosbi o go long ol rijinel opis long Lae, Mt Hagen, Rabaul na sekim.

### Takis

Moni yu kisim long POSF i kam long tripela we. Em ol mani yu yet i bungim; Win moni long moni bilong yu; na moni dipatmen yu wok long en i putim - em ol i kolim stet sea.

Taim mipela i stretim moni bilong yupela, gavman i save kisim takis long tupela hap tasol long moni bilong yu. Takis save kam antap tasol long win moni bilong yu na moni dipatmen yu wok long en i bungim wantaim POSF long nem bilong yu. Gavman i no save kisim takis long moni yu yet i bungim wantaim POSF.

Gavman bai i kisim tu pe sen (2%) takis tasol sapos yu lusim POSF bhain long 15-pela yia long publik sevis o taim yu kisim ritrensmen. Gavman bai i kisim takis long win moni na stet sea sapos yu lusim publik sevis bipo long 15-pela yia o lusim publik sevis long narapela as.

### Tebol ananit i soim ol takis long moni yu bai kisim long POSF:

As bilong lusim POSF	Yia bilong memba wantaim POSF	Takis (%)
Risain	1 - 14-pela yia	32%
	15-pela yia na i go antap	2% tasol
Ritrensmen	1 - 6-pela yia	32%
	7-pela yia na i go antap	2% tasol
Ritaiamen	-	2% tasol
Dai	-	2% tasol

### Nupela lukaut buk bilong ol kontributa

Long kirapim gutpela sevis long ol memba POSF i kamapim pinis wanpela buk bai i ken halivim ol memba long luksave long wanem kain sevis i stap insait long POSF. Dispela buk i isi long rit na kisim save. Em bai i tokim yu bilong wanem sampela hap pe bilong yu save go long POSF. Em bai tokim yu wanem samting bai i kamap long moni bilong yu. Em bai tokim yu wanem kain halivim yu bai i ken kisim long POSF, wanem kain pasin bai yu bhainim long kisim bek moni bilong yu long POSF na planti samting moa. Ol memba i ken kisim wanpela fri buk long opis bilong POSF long Pot Mosbi o long ol rijinel opis.

your guide to the Public Officers



### Pensen

I bin i gat planti askim long ol memba husat i kisim pensen nau long kisim olgeta moni bilong ol long wanpela taim tasol (tok Inglis ol i tok long "lump sum"). POSF i laik tokaut stret long ol kontributa olsem dispela wok long peim pensen i bilong gavman - POSF i lukautim dispela wok tasol bilong gavman. Aninit long POSF Ekt i gat tok orait tasol long kisim wan-ted (1/3) long moni bilong yu long wanpela taim ("lump sum"). Em i olsem, sapos yu i gat K15,000 i stap wantaim POSF long pensen bilong yu orait bai yu inap long kisim K5,000 tasol. Mipela laik toksave olsem i gat gutpela kaikai sapos yu kisim pensen long olgeta polnait. Sapos yu kisim pensen long olgeta polnait bai yu inap long kisim moa long moni yu gat insait long pensen wantaim POSF.

Mipela laik askim ol memba husat i kisim pensen na i nogat beng akaun long opim wanpela tasol. Mipela i wok long peim pensen bilong wanwan memba i go insait long beng akaun. Dispela pasin bai i abrusim stil pasin o stopim ol moni i go lus long pos opis.

### Hausing advens

POSF i pinisim olgeta moni mipela i makim long hausng advens bilong 1998. Mipela i laik toksave long ol memba husat i bin askim long kisim advens insait long 1999 olsem taim gavman i gimim tok orait bai mipela i lukluk long askim bilong yupela. Dispela tok orait bilong gavman i bhainim tok na pasin insait long Publik Fainens Menesmen Ekt. Mipela i askim ol memba bilong mipela long bel isi wantaim mipela na sekim wantaim Kontributa Sevis Dipatmen bilong POSF long wanem taim bai mipela i ken stretim wari bilong yu.

### Insurens

Olgeta memba bilong POSF i stap aninit long laip na sik insurens. POSF i peim primium bilong wanwan memba wantaim ol insurens kampani. Ol pesenel seksen bilong dipatmen husat i gimim wok long ol memba i mas tokim mipela hariap tru sapos wanpela memba idai. Taim mipela i kisim toksave bai mipela i ken toksave gen long ol insurens kampani. Aninit long polisi o kontrak wantaim insurens kampani, i gat 12-pela mun long tokaut long dai bilong wanpela memba. Sapos toksave i kam bhain long dispela 12-pela mun orait insurens kampani bai i no inap long peim insurens moni.

### Moni i stap yet wantaim POSF

POSF i putim toksave pinis long ol niuspepa olsem i gat planti moni bilong ol memba i stap yet wantaim mipela. Ol memba o femili bilong ol memba ("next of kin") husat i gat nem long kisim moni mas kam na kisim moni bilong ol. Ol lain we nem i no stap long dispela toksave long niuspepa tasol i wet long kisim moni mas hariap na sekim wantaim pesenel seksen bilong POSF.

### Rijinel wokabaut

Ol sinia menesa bilong POSF wantaim nambawan bos yet, Mista John Ban i bin mekim wokabaut raun i go long ol narapela rijin we POSF i gat opis long en. Dispela raun i strongim gen na mekim ol memba i luksave olsem mipela long POSF i wok tasol long gimim gutpela sevis long ol wanwan memba. Long dispela raun mipela i bungim ol planti memba na bekim planti askim ol i bin i gat.


## RIPOT BILONG MONI

### Invesmen i kamap bikpela


Invesmen bilong POSF i kamap bikpela insait long dispela 6-pela mun - stat long Jenuari na pinis long Jun 30. Long Jenuari moni long invesmen i olsem K497.7 milien. Long Jun 30 dispela i go kamap olsem K527 milien.

Dispela i soim olsem POSF i wok orait na stap long rot bilong mekim moa win moni bilong yupela ol memba.

Kamap bilong invesmen potfolio olsem:



KAMAP BILONG 6-PELA MUN



Invesmen Potfolio i kamap long Desemba 31, 1999 em

**K497.7 milien**

Invesmen Potfolio i kamap long Jun 30, 2000 em

**K527 milien**


### Taim bilong kamap memba wantaim POSF

Mipela laik toksave gen long olgeta gavman dipatmen long stat rausim moni long olgeta wokman o meri husat i ken kamap memba bilong POSF na peim i kam long mipela. Seksen 26 bilong POSF Ekt 1993 i tok olsem wanpela man o meri husat i publik sevan mas bungim moni wantaim POSF taim em i winim 12-pela mun wok wantaim gavman. Seksen 26 (a) na (b) i tok moa olsem wanpela man o meri husat i wok wantaim wanpela gavman dipatmen olsem wanpela kesuel ("casual") na winim 12-pela mun long wok bai em yet i tok orait long bungim moni wantaim POSF o nogat. Lo i tok olsem olgeta wokman o meri bilong publik sevis na ol kesuel husat i stap long kainkain wok, mas bungim hap moni bilong ol sapos ol i winim 12-pela mun wantaim wanpela gavman dipatmen.

### Gutpela internet sevis

Ol memba ken kisim moa toksave long POSF sapos ol i gat komputa wantaim internet. Mipela i gat websait pinis na yu ken lukim na kisim ol dispela toksave na planti narapela halivim.

Sapos yu laikim mipela long salim dispela niusleta o ol narapela toksave pepa i kam long yu orait emolim mipela long [lstery@posf.com.pg](mailto:lstery@posf.com.pg).



Sinia POSF menesmen wantaim sampela memba bilong POSF Bod husat i bin raun long ol rijin na toktok wantaim ol memba. Long lephan i go long han sut: Mr Kiff Umezo - Ekting GM-CS; Mr Joe Wingia - GM - Investments; Mr Michael Malabag - POSF dairekta; and Mr John Ban - Ekting Menesing Dairekta.

### Hepe 25 yia anivesari PNG

Bod, menesmen na wok manmeri bilong POSF i laik tok hamamas long ol manmeri na gavman bilong PNG long 25-yia anivesari bilong kantri long taim em i kisim independens. Mipela long POSF i hamamas olsem mipela i wokbung wantaim ol pipel na gavman bilong PNG long halivim kantri i kamap strong. Mipela bai i wok yet wantaim ol pipel na gavman bilong Papua Niugini long kirapim gutpela sindaun nau na long bhain taim.



### POSF TOKSAVE PEPA

Dispela tupela pes POSF i kamapim long toksave long yupela ol memba long ol samting i kamap long POSF. Mipela long POSF i save wok long painim we bai mipela i ken lukautim gutpela sindaun bilong yupela nau na long bhain taim tu.

Dispela pepa bai kamap bhain gen long toksave long yupela long wanem kain sevis bai i kamap long POSF.

Sapos yu laik kisim moa toktok orait rait i kam long mipela long:  
P.O. Box 483  
Port Moresby  
National Capital District

O telefon long: 3095200

O bungim mipela long komputa websait bilong mipela long:  
[www.posf.com.pg](http://www.posf.com.pg)



## Koiari bai pinisim sisen propa

### KOIARI LIG RIPOT

#### KENNEDY EDENE i raitim

KOIARI ragbi lig bai holim las gem bilong sisen propa bilong em long dispela wiken.

Bihain long Koiari i pinisim namba wan na namba tu raun, ol bai malolo inap long wanpela wik na bihain statim

fainels bilong ol. Sampela ol tim i wok long pilai gut long train bagarapim sans bilong on arapela tim.

Dro bilong las gem istap olsem, Hooks Tigers bai train strong bilong ol taim ol i bungim Sogeri Choice. Ol boi long Kakaruk fam i wok long go pas long poin lata ya.

I tru Choice i gat olge-

ta sans long win, ol boi Koiari em long train skin bilong ol tasol sapos ol i nap long win.

Long 3 kilok long apinun, Crystal Eels bai bungim ol Sirinumu OPs. Ol boi OPS i stap long as bilong poin lata.

Ol Eels i gat rekot long winim OPs tasol sapos nogat sindaun bilong ol Eels bai bagarap.

Na long bikpela gem bilong apinun bai kamap namel long IBS Pukpuk na Trek Warriors.

Dispela gem bai wanpela strongpela gem bikos tupela wantaim i save kamapim gutpela gem tru ya.

Warriors i gat wanpela biknem NCD City Cowboys husat i stap long SP Kap inta siti kompetisen bipo Patrick Belesi. Em bai go pas long ol boi bilong Warriors. Belesi bai kisim gutpela sapat i kam long wanpilai bilong em Douglas Aoti.

## Souths i holim namba wan posisen

### PRL RIPOT

**DOWNER Construction Souths** i holim yet namba wan posisen bilong Pot Mosbi ragbi lig kompetisen bihain long em i kisim isi poin long fofit.

Souths i fofitim Gerehu United husat i nogat inap pilai long putim wanpela tim las wik Sarere.

Souths nau i go pas long lata wantaim 26 poin, na Brothers i sindaun long namba tu ples wantaim 23 poin. Brothers i lus long Defence 26-34 tasol i holim yet dispela posisen.

Paga husat i lus las wik i kamapim strongpela gem na wilwilim stret ol boi Bomana, Tarangau 34-18. Ol boi Panthers i lusim planti ol gutpela pilai i long Kone Tigers tim olsem Chris Lome na James Yali.

Royals i lus tasol em i holim namba faiv ples. Ol plisman i no laik turias na Kone Tigers i kaikaim ol 18-16.

Post Puma i daunim Waliya 20-17 long holim namba foa ples. Waliya i gat sampela ol gutpela pilai olsem Dickson Sibia, Soga Daberna husat i trena bilong klab na tu planti arapela ol pilai.

Waliya i nidim tru ol bikpela na hevi fowat long winim ol gem. Trena Daberna husat i wanpela strongpela pilai bilong Tarangau bipo i senisim tim na joinim asples tim bilong em bilong Westen provins.

Win bilong Kone Tigers egensim Royals nau i helpim ol long surik i go long namba 8 ples long lata.

Tigers i gat ol sampela ol gutpela

pilai husat i ken kamapim gutpela na strongpela gem.

Defence em i olsem wanpela slek dok tim. Ol i save wet long las minit na bihain ol i save brukim bun long train winim fainel spot.

Dispela win bilong Defence egensim Brothers 34-18 i mas salim strongpela toktok pinis i go long arapela tim olsem ol i gat strong yet long stap long fainel bilong Pot Mosbi ragbi lig.

Tarangau husat i rekotim tripela win i kam inap las wiken. Long Sande long Lyod Robson oval, ol i mas lukdaun long ol boi bilong Paga Panthers olsem na ol i lus. Sapos ol i pasim tingting yet na pilai, ating Warders bai kisim yet tupela poin.

Hawks husat i save kamapim ol gutpela stail pilai i no olsem tim bilong bipo. Ol gutpela pilai i no stap bikos long hevi bilong klab.

Kosa Philip Boge wantaim ol lain bilong em i mas tingting long train kamapim na strongim dispela klab gen.

Magani i bin wilwilim ol boi Hanuabada 60-20. Ol boi Hanuabada i ting em wanpela kriket skoa tasol nogat, ol boi long Magi na Kupiano Haiwe i waraim ol stret ya.

Pawa bilong Wests i pinis. Wests tim bilong Galp provins i no wankain olsem taim bilong Henry Miro - Father Crocodile, Jimmy "White Crocodile" Moore, Tati Ivvara, Celcius Kose, Gideon Kouoru, Hoada Kouoru, Joshua Kouoru, Isa Mai, Poka Kila na Michael Toivita husat i save kamapim gutpela gem.



• Pilip Welia bilong Royals (holim bal) i laik train long ranawe long takol bilong ol Tigers mangi las Sande insait long Pot Mosbi ragbi lig resis. Tigers i win 18-16. Foto: ISSAC

## Asosiesen i mas rejista wantaim nesenel bodi

### MOROBE DATS RIPOT

**OL MEMBA** bilong Morobe Rurel Dats Asosiesen husat i tingting long stap insait long nesenel sempionsip long Septemba i mas afiliet stret i go long nesenel bodi, PNG Dats Federesem.

Ahi Dats Asosiesen bai holim dispela nesenel sempionsip.

Ol tonamen komiti i laik tok klia olsem ol rurel dat klab bilong Morobe i mas afiliet na stap insait long dispela sempionsip.

Ol komiti i tok i gat rot i stap we olgeta memba klab i mas bihainim. MRDA tu i mas bihainim na

baim ful afiliesen na rejistresen fi bilong ol.

Ol memba bilong MRDA em Ramu, Morobe Saut, Bulolo, Wau, Yabo na Bukawa. Ol dispela asosiesen i mas afiliet na baim K125 long pasbuk bilong PNG Dats Federesem. Akaun namba em 0144578, PNGBC bren long Goroka.

Na komiti i pasim tok olsem nominesen fi bilong K100 na K30 pilai rejistresen fi i mas go long PNGBC Akaun namba 006181386 - Lae.

Insait long arapela stori, olgeta provinsal na distrik sempionsip i mas kamap bipo long nesenel

sempionsip. Dispela em long givim moa taim long ol lain long stap insait long nesenel sempionsip.

Morobe Asosiesen bai stretim fainels bilong singles na dabols long Julai 23 long Rememberance Day. Rejistresen fi bilong ol Morobe long stretim fi long resis dats em K10 wanwan pilai.

Husat man o meri i laik kisim moa toksave i mas ringim sekretari long telepon namba 472 3651. Dispela provinsal tonamen ya em long redim ol tim long nesenel sempionsip we bai kamap long Lae yet.

## LFA tingim Pama Anio

### LFA RIPOT

**LAE Futbol Asosiesen (LFA)** stapim olgeta gem bilong em las wiken long soim las rispek bilong ol long Pama Anio.

Pama Anio em papa bilong soka long Lae taim em i statim dispela asosiesen olsem Natives Soka Asosiesen na bihain em i senisim i go long Lae Futbol Asosiesen.

Vais presiden bilong Lae Futbol Asosiesen (teknikel) John Peka i tok Anio em i wanpela man i go pas long kirapim soka na asosiesen insait long Morobe provins.

Peka i tok "Em i tokim olgeta memba klab

bilong LFA olsem bai i nogat gem las wiken long soim rispek long Anio who i statim, na wanpela strongpela sapota na tu namba wan primia bilong provins."

I tru olsem i bin gat bikpela ren i bagarapim sampela wiken gem, Peka i ting, gem i mas stap tu long tingim bikman bilong soka.

Anio em bilong ples Bosadi viles long Morobe Saut Kos i wanpela papa bilong Native Soka klab.

Em i bin senisim nem i go long Lae Futbol Asosiesen na tu i kamap namba wan presiden bilong LFA long 1968.

Anio i bin go pas long planti developmen

bilong soka long Morobe provins. Long makim maus bilong ol pilai, sapota, opisel na ol eksekutiv bilong LFA, Peka i salim bikpela tok sore i go long famili bilong Anio.

Peka i tok olsem namba wan primia bilong provins, em i statim as bilong gutpela gavman bilong Morobe. Em tu i bin go pas long statim Bugandi Boys Haiskul long 1962 na em i stat olsem siaman bilong PCA bilong skul.


Long dispela taim, Anio i go bikpela stret long wok bilong soka. Maski em i lusim wok politiks, Anio i save painim taim long kam lukim fil long lukim ol soka gem bilong LFA long olgeta wiken.






• **Lephan:** Sampela oi yangpela studen bilong Pom Grammer i soim staff bilong oi long kung fu las wik bipo oi i go malolo.

• **Daunbilo:** Gewa Raula bilong Paramana i sut long netbal kompetisen egensim Mermaids. Paramana win 47-45 long Pot Mosbi netbal kompetisen.



• **Lephan namei:** Tupela susa bilong IBS PS United (lephan) na Wikila Tarangau i sekim bodi tasol oi i wok long painim bal long wimens soka long Pot Mosbi las wiken.



• **Winga bilong Telikom Frederica Siwin** i train hat long rausim bal long pilaia bilong Difens long Pot Mosbi wimens soka. Telikom win 3-0. Potos: ISSAC IKUAVI.

• **Raithan:** Pilaia bilong Royals mas painim ples bilong takolim pilaia bilong Tigers na givim stret long nek. Tigers win 18-16.



**IKEN WOKIM GUTPELA SAMTING LONG YU**



## Strong bilong Nelson i kamap olsem ston

### TAEKWANDO RIPOT

YANPELA Nelson Stone i wok long kamapim nem olsem wanpela gutpela paitman insait long Osenia rijon.

Insait long taekwando resis i kamap long Pot Mosbi las wiken, Stone i autim tiket bilong Faiz Zarini bilong Fiji insait long weltaweit divisen.

Dispela pait long Pot Mosbi em i namba 9 intanesenel pait bilong Nelson Stone. Nelson em pikinini bilong wanpela biknem kung fu man, Jamuga Stone.

Arapela gutpela paitman i wok long kamapim nem nau em Raymond Kaola. I tru em i gat liklik saiz tasol em i wok long kamapim gutpela pait wantaim ol birua pilaia bilong em.

Insait long taekwando resis, Kaola i winim Lai Bogi, husat i wanpela sempion paitman long Saut Pasifik Gems. Bogi i winim silva medal long taekwando long namba 11 Saut Pasifik Gems long Guam.

Tupela arapela paitman Andrew Stone na Simon Ohue tu i kamap gutpela salens egensim ol paitman bilong Nu Silan olsem Mark Anderson na Shane Reid.

Sif jas bilong dispela PNG Wol Taekwando Asosiesen em Master Robert Fitton bilong Noten Teritori. Masta Fitton yet i statim dispela PNG Wol Taekwando Asosiesen long 1986.

Masta Fitton i amamas tru long ol paitman i soim kain save bilong ol. Dispela tripela de taekwando sempionsip i pulim moa

long 200 paitman na meri. Na 20 paitman long wiken ya em ol meri.

PNGWTA nau i redi long holim namba 5 PNG Open Taekwando sempionsip long Goroka, Isten Hailens. I lus olsem planti ol paitman bilong arapela kantri olsem Fiji, Nu Kaledonia, Westen Samoa, Solomon Ailans, Nu Silan na Australia bai kamap long dispela sempionsip.

Insait long arapela stori, PNGTWA i makim pinis 55 paitman long stap insait long trening kem long go pilai long Brisbane, Sydney na Goodwil tonamen long Melbourne, Australia. Dispela ol tonamen bai kamap long Septemba 24 i go long Oktoba 2.

## Anda 18 bai stap long nesenel klab sempionsip

### PNGFA RIPOT

PAPUA Niugini Futbol Asosiesen bai amamasim anda 18 wimens tim bilong em long larim ol i stap insait long nesenel wimens klab sempionsip.

Dispela anda 18 tim bilong PNG sapos long pilai wantaim ol meri Solomon Ailans las wiken tasol hevi bilong pait i bagarapim gutpela sans bilong tupela kantri i skelim strong bilong ol.

PNGFA i kamapim planti tingting na i laik larim PNG Anda 18 tim long kamap long dispela pilai wimens

nesenel sempionsip.

Ripot i kam long PNGFA i tokaut olsem 11-pela senta i givim nem pinis long dispela sempionsip na Anda 18 wimen bai mekim 12. Olsem na tonamen dairekta Moses Demas bilong Lahi bai pulim tim long tupela pul.

Wantok i bin traim long kisim toktok bilong sekretari jenerel bilong PNGFA Ivan Ngahan long painim nem bilong tim tasol em i no stap. Mista Ngahan i gat opis long Lae tasol em i save wiken long Pot Mosbi.

## Warriors bomim Lae Bombers

### SP KAP RIPOT

SIMBU Warriors i kamapim narapela kain stail stret na wilwolim stret Lae Bombers 30-14 long namba 6 raun bilong SP Kap resis las Sande. Dispela gem i bin kamap long Dickson oval long Kundiawa.

Warriors i kisim gutpela sapot i kam long ol sapota na skorim 6-pela trai. Ol boi Morobe i putim tupela trai tasol.

I tru Warriors i win, posisen long poin lata i no senis. Ol i stap namba tri las. Waghi Tumbe na Goroka Lahanis em las tru.

Ol boi Simbu i brukim kiau taim smok balus bilong ol Grai Sine i skorim trai. Namba tu trai i kamap long Thomas Kale. Hapbek bilong ol,

Randall Kaupa i no kikim gut tupela konvesen na skoa i sanap 8-0.

Bombers i skorim namba wan poin i kam long Eddie Mark taim referi i ketsim ol lain Warriors opsait. Skoa nau i sanap 8-2.

Dispela tupela poin ya i kirapim stret skin bilong Lae Bombers na ol i skorim namba wan trai bilong ol. Mark i abrusim konvesen na skoa i sanap 8-6.

Winga Sine i kamapim gutpela gem stret na skorim namba tu trai bilong em aninit long gol pos. Kaupa i kikim konvesen na skoa i go antap 14-6.

Long hap taim nau, bikpela ren i pundaun na mekim ples i wel stret tasol tupela tim i

brukim bun yet.

Warriors i no wari bikos ol i save long stail na ples bilong pilai long ples malumalu na ol i skorim 4-pela trai na Bombers i putim tupela. Na Bombers i kikim wanpela penalti long helpim dispela skoa bilong ol.

Ol lain i pilai gut long Warriors em Sine Grai, Randall Kaupa, Nime Dua na Onguglo Nuglai na Mark, Paulus na John Dai i pilai gut tru long helpim Bombers.

In Mt Hagen, ren na pait i bagarapim gutpela gem namel long Mt Hagen Eagles na Waghi Tumbe. Insait long dispela gem, ol boi Tumbe i kamapim gutpela gem tru long stat bilong pilai i go inap long pinis.

Long haptaim, ol

Eagles i go pas wantaim skoa 18-0. Na pait i kirap long namba tu hap taim ol pilaia bilong Tumbe i laik mekim spila takol long pilaia bilong Eagles Abraham Henao - boi Gabagaba ya.

Referi Collin Balio i stapim gem. Tasol kepten bilong tupela tim wantaim i tok ol bai i no inap pait tasol ol i giaman. Gem ya i wok long go rap tru we pait bai klostu kamap na em i stapim gen 7-pela minit bipo long fultaim.

Kosa bilong Tumbe Gabriel Kiluwa na tim menesa Joseph Appa i tok ol bai i no inap apil bikos dispela gem em Mt Hagen Eagles i mekim klia win. Dispela lus i mekim Tumbe i no gat poin long poin lata.



### MT HAGEN EAGLES RIPOT

nau i taitim difens na ol fowat i stat long mekim ol strongpela takol bilong ol.

Ol Royals i mekim go na Komb Kimbi i kisim wanpela gol.

Sampela minit bipo long haptaim, ol fowat bilong Brothers, Elli Annis, Joseph Kuli, Pora Dom na Pepsi Bak i wok long kamapim strongpela pilaia long traim brukim difens bilong Royals.

Tasol hapbek bilong Royals Magi Pai i no laik ol i mas win isi. Em i kamapim wanpela strongpela takol long wanpela pilaia bilong Brothers na bal i lus, orait winga bilong em Daniel Gearson i kisim dispela bal na givim siksti long 40 mita mak na go skoa.

Insait long namba tu hap, Brothers i kamapim strongpela gem na larim ol lain Royals i pilai insait long 20 mita mak long eria bilong ol yet. Taim ol i lukim olsem senta bilong Brothers Lucas Kentj i mekim wanpela sip-kik long namba faiv takol.

Orait fulbek bilong Royals Bain i no holim gut bal na lus, seken rowa bilong Brothers Tepp i kam tasim na trai. Skoa i kamap gutpela na Brothers i go pas long skoa 8-4.

Tasol las minit trai na fil gol i mekim Royals i holim yet namba wan posisen long Mt Hagen lig. Tupela pilaia olsem Kange Kot na Magi Pai i kamapim strongpela gem long las minit na win.

## Muruks stapim win bilong Mioks

### SP KAP RIPOT

MENDI Muruks i stapim win bilong Enga Mioks wantaim gutpela skoa 9-4 long Aipus oval long Wabag las wiken.

Mioks i winim olgeta gem i kam inap las Sande na Muruks i kamautim olgeta pawa bilong em long daunim ol.

Gem namel long Muruks na Mioks i wanpela strongpela gem stret. Ol Muruks i laik soim olsem Mioks i stiliim Raymond Karl, tasol ol boi Mioks i tok ol i gat strongpela fowat long winim gem.

Insait long namba wan minit bilong pilai, referi John Ropa bilong Mt Hagen i givim penalti long Muruks long ol Enga i takolim wanpela pilaia na holim em longpela taim long graun.

Timon Mosebuya i no abrusim penalti kik na skoa bilong Muruks nau i sanap 2-0.

Mioks i no pilai gut tumas long dispela opening minit, olsem na referi Ropa i givim penalti gen i

go long Muruks taim ol boi Enga i opsait. Timon i kikim gen dispela penalti na skoa i surik i go 4-0.

Dispela skoa 4-0 i stap i go na pinis bilong namba wan hap.

Insait long namba tu hap, Mioks i statim strongpela gem tru na laik bekim stret dispela gol.

Ol fowat bilong Enga olsem Andrew Kanamon, Paul Minape, Nathan Anjo na Leo Kondai i kamapim strongpela gem tru.

Ol i pilai i go na referi i givim namba tri penalti long Muruks taim em faiv-et bilong Mioks Tuksy Karu i mekim sampela kain asua. Dispela taim nau ol sapota bilong Mioks i no amamas long disisen bilong referi na mekim planti nais stret.

Insait long 20 minute, wanpela strongpela fowat bilong Muruks Cedric Kengi i kikim wanpela pilaia bilong Mioks na Tuksy Karu i kikim skoa.

Wari Sengiso i kisim wanpela fil gol na dispela i helpim skoa bilong Muruks long stap 5-2.

Samting olsem 5-pela minit i stap, kepten bilong Muruks Ruben Riung i kikim wanpela bom na Petrus Ikam i skorim trai long win.

Kosa bilong Muruks Mark Yangen i tok em i amamas long difens bilong tim bilong em. Ol boi bilong em i kamapim strongpela difens na winim dispela gem.

Mioks i lus tasol em i holim yet namba wan ples long poin lata. Win bilong Muruks nau i surikim em i go antap long namba foa ples.

Rabaul Guria husat i winim namba tu gem long asples long Kokopo i sindaun long namba tu ples. Ol boi Rabaul i nekim Goroka Lahanis 26-6. Na dispela win em bekim bilong gren fainel las yia.

Pot Mosbi Vipers husat i bai las wik i stap long namba faiv posisen. Ol arapela tim bhain long Vipers em Lae Bombers, Simbu Warriors, Goroka Lahanis na Waghi Tumbe husat i no winim yet wanpela gem.



**IKEN WOKIM GUTPELA SAMTING LONG YU**

# OFC bagarapim vot bilong Saut Afrika

**FIFA RIPOT**

**MAUSMAN** bilong Osenia Futbol Konfederesen (OFC) long FIFA husat i kamapim bikpela nius long i no sapotim Saut Afrika i tokaut olsem em bai pinis long September long dispela yia.

Charles Dempsey i tok em i no sapotim Saut Afrika long vot long husat bai holim Wol Kap long 2006 bikos em i gat ol risen bilong em. Jemani i winim Saut Afrika long 12-11 vot.

Mista Dempsey i tokaut olsem em i kisim planti grisman na tok-tok long sapotim Jemani olsem na em i no vot.

"Mi tingting planti tru na hevi media (niuspepa, redio na TV) i mekim long mi, mi gat wanpela tingting tasol em long risain."

Sapos Dempsey i tromoi vot bilong em, olgeta bai dro 12-12, na presiden Sepp Blatter bai tromoi vot na i luk olsem Saut Afrika bai win. Blatter em wanpela strongpela sapota bilong

Saut Afrika.

Taim em i kam long Singapore, em i tokaut olsem em i gat bikpela presa olsem na em i no vot.

Ol arapela bikman i stap long miting bilong OFC long harim ekskyus bilong Demsey em Basil Sarsella (Soccer Australia), Johnny Tinsly Lulu (Vanuatu) na jenerel sekretari bilong OFC Josephine King. Ms King em pikinini meri bilong Mr Dempsey.

# Pairets winim Knights

**LAE YUNION RIPOT**

**BRIDGESTONE** Pirates i kamapim gutpela gem long wiken taim em i winim 1-40 Tent City Knights 23-8 long ragbi yunion las wiken.

Pirates i putim ol nupela pilaia bilong husat i lusim Defence klab na join. Ol fowat bilong olsem Jeff Lung, Warren Teno na John Timan i wok long brukim difens bilong Knights planti taim na setim beklain bilong ol long skoa.

Long stat bilong gem, Pirates i kikim gutpela penalti gol

Knights i strong na i no larim Pirates i skoa long namba wan hap. Na dispela i kirapim tru skin bilong ol fowat olsem Lung, Teno na Timan, John Matawai na Mathias Kunit.

Dispela strongpela gem bilong ol i larim skram hap Joseph Wamapiri, Steve Malum long setim ol autsait beklain olsem Lidi Tande, Ilaima, Jack Warkurai na Michael Stevens long putim tripela trai long win.

Knights i gat ol pilaia olsem Hilford

Pissae, Paulus Tambul, Wilfred Mota na Henry Kundiwa husat pilai fulbek i bekim wanpela samting strongpela pilai. Tasol ol i sotwin bikos Pirates i wok long pilai hariap tru.

Greyhounds i winim sempion tim, Lae Bottling Harlequins 39-12 na go pas long poin lata bilong Lae Ragbi yunion.

Ol lain i skoa long Greyhounds em John Korowa, Biran Bibiken na John Teine kikim tupela konvesen. Ol representativ pilaia bilong Greyhounds olsem Bernard Noibano na Norman Tokunai i go pas long setim dispela win.

Harlies i mas krosim ol yet bikos ol i no pilai gut tumas. Ol bikman bilong Harlies olsem Anthony Agi, Sam Kedeke na Harold Lohia i mekim planti wok long fran wantaim beklain pilaia olsem Hendricks Kafur tasol ol i no kisim gutpela sapot tumas i kam long arapela ol wan pilai.

Poin lata nau i sahap olsem Greyhound 22, Harlequins 18, Royals 16, Unitech 12, Telikom 12, Knights 9 na Pairates 8.

# Joseph gat bilip long winim spes long Nu Silan skwat

**RAGBI YUNION RIPOT**

**BIKEM** PNG Pukpuk pilaia Paul Joseph i gat bikpela bilip long winim spes insait long seken divisen tim bilong Nu Silan.

Em i mekim dispela toktok bihain longem i kisim bagarap long lek bilong tupela wik i go pinis.

Nem bilong Paul Joseph i stap namel long 40 pilaia i stap long trening skwat bilong seken divisen nesene provinsal sempionsip.

Dispela boi PNG i skorim 20 trai pinis na i save pilai long win na fulbek wantaim Kahukura kla bilong Rotorua. Em i tok em i

bin pilai gut egensim North Harbour na i bilip olsem ol selekta i putim ai pinis long em.

Paul Joseph bai save long dispela wik sapos em i ken stap insait long Nesene Provinsal sempionsip na tu pinis sisen bilong em wantaim klab long mun Oktoba.

"Mi bai save long dispela wik sapos mi stap long Bay of Plenty skwat o nogat.

"Mi ting fom bilong mi long namba wan trail i gutpela na dispela inap long helpim ol selekta long makim mi.

"Mi holim namba wan trening bilong mi wantaim Bay of Plenty long dispela wik, na bagarap long lek bilong mi i gutpela stret.

Mi bin pilai fulbek long trail tasol nau yet, mi wanpela utiliti beklain pilaia bilong Bay," Paul i tok.

Na long klab level, Kahukura klab i stap namba tri long poin lata, na i gat tupela gem i stap yet long painim husat bai kwalifai long fainel. Kahukura i mas winim wanpela gem long go insait long fainel.

Paul i tok wanpela man Tonga husat i pilai long namba wan faiv bilong Nu Silan i stap wantaim Bay of Plenty. Em i tok sapos em i stap long Stringers skwat, ol bai kem long Auckland bipo ol i go bungim Counties Manukau long namba wan gem long mun Ogas.



**Ol studen bilong Sen Peters Erima i so-op long ol Trukai Fan Ran T-Shirt bilong ol. Word Publishing kampani i sponsorim ol long fan ran long Julai 23. Foto: ISSAC IKUAVI.**

# Wok sensis i bagarapim Kiunga lig pilai

**KIUNGA LIG RIPOT****IAN KAKARERE i raitim**

**OL SAPOTA** na pilaia bilong Kiunga ragbi lig i guria stret taim olgeta gem bilong las wiken i stap.

Presiden bilong Kiunga lig Yangem Katie i putim pablik notis long las Fraide olsem bai i no gat ragbi lig resis bikos long sensis o wok bilong kaunim man.

Em i tok ol gem i stap bikos planti pilaia na opisel bai wok long senis.

Sekretari bilong Kiunga Lig Roger Gwapit i tok em i no save long dispela disisen bikos Kiunga soka asosis-esen i holim yet kompetision ol las Sarere na tu bai holim gen long dispela wiken.

"Olsem lig sekretari, em i no save tru long dispela disisen," Gwapit i tokim Wantok long Kiunga.

Pilaia na kosa bilong Kiunga Tigers

Joe Kirinam i tok klab bilong em i no kisim wanpela toksave long stapim gem. Wanpela pilaia long klab bilong em Mara Kubu tasol i stap long sensis na Tigers i gat inap pilaia long holim gem.

Kepten bilong Kiunga Storms Nelson Gamai i tok em tu i guria long wanem, arapela tupela raun em i no save wanem samting tru bai kamap.

Airports Norths em i gat planti ol pilaia i wok kontrak na tu wok wantaim OK Tedi main na ol i ken kamap long putim tim. Sapos toktok bilong ol i stap long wok sensis bai i no gutpela bikos ol i no wok long kaunim man.

Kiunga Junia Lig kompetisen bai i no inap holim kompetisen bikos planti ol skul mangi i stap long holide yet. Planti ol studen i go long ples bilong ol long kankain hap bilong Westen provins.

Presiden bilong Junia Lig Api Philip i tok planti ol skul mangi long junia kompetisen i save skul long tripela bikpela skul long Kiunga yet.

# Pawa bilong Yunivesiti i no dai

**PMSA RIPOT**

**ANZ Yunivesiti** i soim tru strong bilong em taim ol i winim IBS PS Yunaited 2-0 long primia kik resis long Pot Mosbi las wiken.

IBS PS Yunaited i wok long kamapim gutpela gem stret long dispela sisen. Namba wan ol birua em Rapatona na Yunivesiti.

Yunivesiti i kamapim gutpela na strongpela gem long stap antap long poin lata. Ol i winim tru ol birua pilaia long lukautim gut win bilong ol.

Golkipa bilong Yunivesiti Willie Bera i was gut long umben bilong en na sevim foapela gutpela gol bilong PS Yunaited.

Tupela tim wantaim i kamapim gutpela wan-tas futbol, na ol tektik ol i yusim i mekim planti ol sapota i no sindaun gut. PS Yunaited na Yunivesiti i strong tru long namba wan hap na nogat wanpela gol i kamap.

Insait long namba tu hap,

Yunivesiti i stap long opim gem. Pilaia bilong ol Paulo Patterson i kamapim gutpela pilai na i save stap long olgeta hap bilong fil.

Gutpela tingting bilong em na em i pulim difens bilong IBS Yunaited i kamaut long fil na setim Batman Furiig long skoa.

Dispela gol i kirapim bel paia long PS Yunaited na ol i traim skoa long umben bilong Yunivesiti. Golkipa bilong Yunivesiti, Willie Bera i strong tru na stapim olgeta strongpela straik bilong PS Yunaited.

Ol i pilai i go na long fultaim stret, Joe Aisa i kikim namba tu gol na Yunivesiti i win.

Insait long arapela ol gem, Wikila Tarangau i wilwilim stret Blu Kumuls 3-0. Blu Kumuls i winim Yunivesiti 4-0, tasol ol i no pilai gut egensim Babaka na lus 4-0, las wik ol i win na aste tasol ol i lus long Tarangau.

Kosa na pilaia Steven Mune i mas skelim nau sapos em i laik kamap kosa o pilaia. I gat planti

ol yangpela pilaia i stap ya.

Tarangau i kamapim gutpela gem na mekim ol boi Blu Kumuls pilai ovataim. Ronal Wakere i skorim namba wan gol. Em i kisim wanpela gutpela bal long Isaac Yanuwe na pairapim umben bilong Blu Kumuls.

Ol i holim dispela skoa inap haptaim 1-0.


Long namba tu hap, Blu Kumuls i traim olgeta strong bilong em. Tasol ol boi long Bomana i no wari, ol i kisim taim.

Yanuwe i skorim narapela gol. Dispela em i kisim helpim i kam long poro straiika bilong em Paul Umbio na sutim dispela ol gol.

Kosa bilong Tarangau Emmanuela Pani i tok em i amamas long gutpela win.

"Mipela i senisim ol straiika wantaim fulbek na mekim trening na dispela i karim kaikai. Olsem na mipela i tingting long traim holim sem tim taim mipela i bungim Babaka long wiken," Pani i tok.

**MILO IKEN WOKIM GUTPELA SAMTING LONG YU**



# Masalai kaikai pik bilong tupela kandre

LONG bipo bipo tru long Simbu tupela man i stap. Nem bilong tupela em Kanage wantaim ankol bilong em Tamagu. Sait bilong tupela Kanage na Tamagu tupela i go pas long stilim gaden kaikai o kilim pik tupela i go pas tru na papa bilong gaden na pik i wok long painim i go nogat tru.

Yu save pinis Kanage Tamagu wokim long we bilong tupela na ol i no painim ol i go i go wanpela taim. Tupela i kilim wanpela traipela pik tru.

Tupela i karim i go long wara manki. Arere long wara i gat wanpela haus nogut i stap. Kanage na Tamagu putim putim pik arere long haus na kisim win gut tru hia.

Na bihain Kanage i go insait long haus long sekim gutpela o nogut. Long sem taim em harim long aninit long bet em pilim olsem wanpela man i stap.

Em i no tokim Tamagu wanem samting em i pilim. Tamagu i tokim Kanage long kukim ston long mumu pik. Nau Kanage i helpim Tamagu long kukim ston pinis nau.

Kanage kirap na tokim Tamagu mi tupela i kukim ston pinis. Yu was long ston i stap i go painim sampela lip kumu i kam long mumuim pik. Kanage save pinis long aninit long bet. I gat wanpela man nogut i stap. Aste yet em stap pinis long haus. Trangu ankol bilong em Tamagu i ting Kanage i go painim ol lip i stap na em wet i stap i go nogat tru.

Tamagu em stap i go na lukim ston i laik ret nogut tru. Em i go ausait long haus na singautim Kanage long kisim ol lip i kam hariap na singaut i go i go nogat tru.

Tamagu i ting Kanage i go longwe hap long painim lip. Orait Tamagu lukim ston i ret

nogut tru olsem na em i go ausait arere long haus na kisim ol gras i kam na mumuim pik pinis.

Em i go ausait gen na singautim Kanage long kam hariap bikos klostu tudak. Tasol Kanage i no bekim liklik. Tamagu em go insait na rausim mumu pinis nau em go ausait gen na singautim Kanage wan moa taim tasol nogat bekim bilong em. Trangu Tamagu i no save. Kanage long taim pundaun pinis long bet pinis. Trangu Tamagu i ting mi tupela wantaim i wok.

Sapos mi kaikai hap liklik mit Kanage bai kros. Olsem na mi bai kisim olgeta pik i go long haus na mi tupela wantaim bai kaikai. Em ting olsem na olgeta pik em laik pasim. Sem taim em harim wanpela pairap aninit long bet. Em lukim wanpela meri nogut tru i sanap stap pinis long dua na tokim Tamagu olsem. Dispela pik yu noken kaikai karim i go long

haus. Olgeta yu katim na tromoi i go long maus bilong mi tasol. Nogat toktok bilong Tamagu em bihainim olsem meri i tok long en i go olgeta pik i pinis na tupela lek na het tasol i stap.

Tamagu i kirap na tokim meri olsem olgeta pik yu kaikai pinis. Tupela lek na het tasol i stap.

Nogut Kanage i ting olgeta pik mi kaikai pinis na em bai kros. Dispela tupela lek na het tasol i stap. Mi bai karim i go long haus na kaikai wantaim Kanage.

Tasol meri nogut i tok katim tasol na tromoi long maus bilong mi tasol. Taim em harim bekim bilong masalai em pret nogut. Tupela lek na het tasol i stap.

Em katim lek i go pinis na het tasol i stap.

Em hapim het na tromoi i go aninit long bet na meri wok-abaut krangi i go insait.

Trangu Tamagu i no krungrtim graun. Tupela lek bilong em i

stap pinis long as bilong em. Em ron olsem smok balus i go klostu long ples nau em singautim Kanage opim dua mi kam hia.

Tasol Kanage i tok olsem yu kisim sampela pik i kam mi bai opim dua. Nogat pik yu slip ausait.

Tamagu go klostu na singaut namba tu taim. Mi kam Kanage opim dua. Kanage bekim sem toktok gen. Trangu go givim wan tu long dua na dua i bruk i go insait na em pait wantaim Kanage i go i go painim tulait.

Nau tupela i tambu tru long stil na nau tupela i kamap strongpela man tru na lukautim pik na wokim gaden na ol man i pret long tupela.

Yu save long Hailans ol save kaikai pik gris na lukautim pik strong em long dispela as tasol.

**Wapia Tamagu**  
Simbu, Mt Wilhem.



**Nem:** Ronie Nakia  
**Krismas:** 16 meri  
**Adres:** Hawain Technical High School, P.O. Box 856, Wewak, East Sepik Province.  
**Save laikim:** Gospol musik, go long lotu, harim stori, ritim baibel, pilai volibal, mekim prensip, raetim pas i go kam, salim poto i go kam.

**Nem:** Ian Lio  
**Krismas:** 19 man  
**Adres:** Heldsbach Viles Laip Trening Skul, P.O. Box 217, Finchhafen, Morobe Province.  
**Save laikim:** Ritim baibel, serim tok bilong God, pilai gita na singim gospol singsing, pilai soka, basketbal, volibal, stadi long skul wok na mekim pen pren wantaim arapela insait long Papua Niugini.

**Nem:** Philip Jekonaiah  
**Krismas:** 23 man  
**Adres:** Eastern Rock, P.O. Box 662, Kavieng, New Ireland Province.  
**Save laikim:** Harim ol gospol musik long olgeta saba o Sarere, mi save i go lotu, wok gaden, helpim papamama, helpim ol lapun bubu. Na mi laikim tru mekim penpren wantaim ol yangpela manmeri bilong narapela provins o kantri mi promis long bekim gutpela pas bilong yu.

**Nem:** Leonnie Awor  
**Krismas:** 16 meri  
**Adres:** Tokarara Primary School, P.O. Box 5614, Boroko, NCD.  
**Save laikim:** Raun wantaim prens, danis, pilai netbal, ritim stori buks, senisim ol poto wantaim ol pren.

**Nem:** Joyce Aips  
**Krismas:** 18 meri  
**Adres:** Stop 'n' Shop Steamships, P.O. Box 1, Boroko, NCD.  
**Save laikim:** Musik, pilai volibal na basketbal, pilai gita na singsing, watchim muvi, senisim poto wantaim penpren.

**Nem:** James Bakisa  
**Krismas:** 16 man  
**Adres:** Kateloma Primary School, P.O. Box 1600, Mt Hagen, WNB.P.  
**Save laikim:** Pilai ragbi tas, volibal, basketbal, harim lokol musik na go sios olgeta taim.

**Nem:** Mercy Gborglah Kafui  
**Krismas:** 19 meri  
**Adres:** Nunqua Secondary School, P.O. Box 66, Nunqua, Accra - Ghana, West Africa.  
**Save laikim:** Musik, pilai gems.

**Nem:** Kelvin Apa  
**Krismas:** 19 man  
**Adres:** P.O. Box 15, Boroko, NCD, Misse Top Up School.  
**Save laikim:** Salim pas na poto wantaim pren na harim tok na bihainim mamapapa ol susa brata na pilai wantaim ol liklik manki na i stap isi, helpim mamapapa pulumapim wara na pilai suga na harim tok.

**Nem:** Grant  
**Krismas:** 25 meri  
**Adres:** P.O. Box 834, Oguua Capital, Ghana W/A.  
**Save laikim:** Kuk, raun, laikim ol pikinini, kisim poto, pilai musik, salim pos kats, kolektim mani, lav na marit.

**Nem:** Veronica Dadzie  
**Krismas:** 26 meri  
**Adres:** P.O. Box 49, Oguua Capital, Ghana W/A.  
**Save laikim:** Kuk, raun, laikim ol pikinini, kisim poto, pilai musik, salim pos kats, kolektim mani, lav na marit.



**Dia LAIPLAIN,**  
Mi gat wanpela krismas i stap long pinisim hai skul bilong mi tasol mi no wari long dispela.

Mi pilim wari na sem bikos mi gat planti gras long skin na bodi bilong mi. Bai mi rausim olsem wanem?.

**HAIRY**

**Dia PREN,**  
Mipela i klia long wanem kain tingting bilong yu taim yu skelim ol arapela wanlain bilong yu wantaim yu yet na luksave olsem yu i gat planti gras long bodi bilong yu.

## Planti gras long bodi i kamapim wari long studen

Dokta i tokim mipela olsem ol man i no save wankain taim yu skelim wantaim ol gras long bodi bilong ol. Ating yu i gat planti gras long bodi we i no wankain long ol arapela.

Ating yu bin lainim long skul, long taim bilong wanwan manmeri aninit long 20 krismas, bodi kemikol (hormones) i save kamap bikpela tru we i save kamapim kain kain senis long bodi bilong wanwan manmeri.

Wanpela bilong ol dispela senis em gras i kamap long ol hap bilong bodi (kain olsem gras i kamap aninit long han na long ol arapela hap tu) we i bin nogat gras bipo.

Ol yangpela manmeri i save tingting strong na planti tru long ol hevi bilong ol. Ating tingting bilong yu i strong tru long senis i kamap long bodi bilong yu na yu ting ol arapela bai lukim na toktok long en.

Tasol nogut ol arapela i no save luksave olsem yu gat planti gras long skin bilong yu winim ol. Planti taim ol manmer i save tingting planti long ol hevi na wari bilong ol yet.

I gat sampela krim marasin long chemist o pharmacy stua we yu ken baim na rabim long skin na bai rausim ol gras long skin bilong yu. Tasol ol i save kos bikpela mani na tu yu bai wok long yusim marasin long rausim gras long oltaim taim long laip bilong yu. Na dispela em yu bai tromoi mani olgeta taim.

I luk olsem groa bilong yu long kamap bikpela man i kamap hariap pinis. Sapos yu traim toktok isi wantaim sampela gutpela wan skul bilong yu, yu inap painimaut olsem nogut sampela studen i lukim na laikim dispela sain yu gat we hariap tru yu laik kamap olsem bikpela man.

Sapso bodi bilong yu i nogat ol sik nabaut, mipela i tok stret olsem i gutpela yu mas putim tingting bilong yu long skul wok bilong yu na stadi gut nau. Tasol sapos yu gat wari yet, traim toktok wantaim wanpela dokta, helt woka o wanpela bikman long famili bilong yu we yu gat bilip long em.

**LAIPLAIN**

# KANAGE



em i stap klostu long bilong Kanage. 'San op a blis, yu kat mai feveret, watpo? Lapun man ya i no surik long Kanage na i bekim 'feveret wat' na Kanage i tok 'suka ken.' Saspek o sans, I don't care.' Kanage i belhat nogut tru. 'Yu kolim ol pikinini bilong mi raskol yah.' Lapun man ya i les pinis tu long toktok. Kanage yu go pinis nogut mi

kam paitim yu. Na Kanage i bekim sori mai dia. Bipo yet mi stap nogat man i paitim mi.

## Mango Klab Is Boroko

Kanage em manki Is Sepik provins. Kanage wanpela bikman bilong Hausing Komisn long Mosbi. Wanpela bik moning Kanage i ron i go na pekpek i kilim em stret. Kanage i pilim as bilong bel i hat nogut tru na boi siksti stret long toilet bilong em long opis. Taim Kanage i kamap long opis. Trangu baga ya i no laik isi na go antap em hariap hariap na hai il su bilong em i wel na boi kapsait antap na kamdaun. Taim em i kam daun bos bilong em i stap tambilo em i harim olsem wanpela drai kokonas i pundaun. Taim bos i spai long windo em i lukim baga ya ai bilong em i kamap wait pinis na pekpek wantaim i sut. Bos i pasim windo na ringim ambulens na kisim Kanage. Taim em i go long haus sik Kanage i kamap gutpela na ol i stori long taim em dai na pekpekim trausis. Na Kanage i askim ol husat i lukim em. Na ol tokim em bos bilong yu i lukim yu. Taim Kanage harim dispela hap tok olsem boi i no wanbel tru long bos bilong em. Kanage i kalap long bas na go long opis na tokim bos bilong em yu noken kolim mi nat. Pikinini bilong man ya i no kokonas i karim mi. Mi kamap long man ya. Neks taim don't say that! Na Kanage tekov.

## Wogi One Dagua

Kanage em bilong ples Amele na long wanpela nait em sindaun long haus bilong em na haus bilong em i nogat lam i lait olsem na em i singaut long tupela pikinini meri bilong em bilong laitim lam. Taim tupela pikinini meri bilong em laitim lam pinis na tupela i no putim lam long we papa bilong ol sindaun long em, nogat ol i karim lam i go insait long rum bilong ol. Ol i karim lam i go insait na ol i wok long pasim gras bilong ol na trangu papa Kanage sindaun tudak na em i singaut long lam. Taim em i singaut long lam, ol harim na tok papa Kanage yu wet mipela pasim gras yet na papa Kanage pasim maus. Papa Kanage singaut planti taim long lam na ol i tokim em sem toktok, wet mipela pasim gras yet. Kanage i belhat nogut tru long wanem em i sindaun tudak, olsem na em i kirap tasol na tokim tupela pikinini meri bilong em olsem, yu tupela pasim antap na pasim tambilo na larim lait i lait long tambilo.

## Frank Madua Madang

Kanage bilong ples Masawen long Finsafen. Wanpela taim Kanage i go long wara na pasim na painim kingdam na em painim ples bilong putim kingdam na em putim sampela long poket na wanpela em putim long iau na go long haus na lukim papy dok bilong

Kanage idai. Na ankol Kanage hariap tasol kisim spet na planim dok ya baga man Kanage i sori nogut tru na sindaun na kukim kingdam kaikai na bel bilong Kanage tait na em wok long sindaun stap na tambu meri bilong Kanage i kam na askim Kanage tambu olsem wanem? Na Kanage i tok tambu mi kaikai kingdam ya bol bilong mit tait ya. Na tambu bilong Kanage askim Kanage tambu yu tok wanem Kanage tok sori mi laik tok bel bilong mi tait na mi tok bol bilong mi tait. Man Kanage sem pipia stret.

## Ajax Sago Finsafen

Kanage i bilong ples Imonda long hap bilong Vanimo. Kanage i bilong bus klostu long Vanimo taun. Yu save ol i kolim ol yet olsem manki bilong bus. Wanpela taim Kanage i laik raun i go long Jayapura. Em i go bukim wanpela hotel na em i putim ol samting bilong em i stap. Kanage i go raun long Jayapura taun. Taim em i wok long raun i stap na em bungim wanpela meri Kotaraja. Taim ai bilong Kanage i pas long meri ya meri i kirap na tokim em. Bai mi kam kisim yu na bai mi tupela i go danis long hotel.

Taim Kanage i harim na bekim em i tokim olsem Catch Up! Kanage i go bek long hotel na em i tingting planti bai mi tok wanem taim em i kam kisim mi go. Kanage i no save long tok Bahasa na Inglis. Meri ya i kam kisim

Kanage na tupela i go long danis. I no long taim wanpela feveret namba bilong Kanage i pairap. Kanage i go kisim meri ya na wok long danis i stap. Kanage i tingting planti bikos em i no save long Bahasa na Inglis. So em i redi na stap nogut meri i tromoi wanpela strongpela tok long em. Ai bilong Kanage i pas long meri ya. Taim meri i laik kus na Kanage i ting meri i laik toktok so. Kanage hariap i kirap na tok, I love yu! Na meri i bekim, I love you too! Na Kanage i kirap gen na bekim. I love yu three na meri ya i askim em what for na kas manki bus ya i bekim gen what five, ol lain i save long Inglis ol i danis wantaim ol i harim na ol i kilim skin stret long lap.

## W. Bonn Vanimo

Wanpela soka tonamen i kamap long distrik bilong Kanage na ol wanwan viles i kam long bikpela stesin wantaim ol tim bilong ol. Ol manki long ples bilong Kanage i go tu na em tu i bihainim ol i go. Long nait taim kosa bilong tim i toktok niting. Kanage i kirap na tok-tok tu. 'Yes, boys, tumora em taim bilong kil de rol. Yupela ol pilaias long ol lain long pran. Yupela ol pran lain i noken wet a lilibit givim hat wan long gol maus. Pilaias olsem na bai yumi i go long gren fainal.

## Mango Klab Is Boroko

Kanage em i bilong ples Pamba Paka insait long Westen Hailens provins. Wanpela taim Kanage i go raun long Kundiawa taun. Apinun pinis na Kanage i wok long raun nating na painim sampela wantok long go slip. Kanage raun pinis na i go sindaun long wanpela as bilong diwai i stap na lukim wanpela meri Simbu wokabaut i kam long ples Kanage i stap long en. Meri ya i tok apinun long Kanage na Kanage i kisim pilings na tokim meri ya olsem PX3

bilong Pamba Paka ya kam raun tasol na westim taim long haia. Meri ya lukluk long Kanage. Na Kanage tokim meri ya olsem. Mi painim sampela wokmeit ya, meri tokim Kanage olsem. Go long ples na wokim wok wantaim ol meri bilong yu. Kanage i bekim na tokim meri ya olsem 16 ya traim tasol. Meri yu tokim Kanage traipela papa ya yu laik konim husat. Kanage kisim taim na wetim bas long bas stop long go.

## Anis Moia Mt Hagen

Kanage em bilong Aitape na poro bilong em long Warapu. Wanpela taim long traipela san tupela i stap. Mekim save long fani stori. I no long taim poro bilong em i lukim ol lo bilong bus na poro bilong em i tokim em long redim lo bilong bus long tok pisin na poro bilong em i redim long Inglis.

Nau tupela i stat long redim taim tupela stretim olgeta pinis. Na las wanpela taim poro bilong em i laik rit stret. Em laik rit em i paul na rit olsem lukautim our forests, trangu poro bilong em i lap nogut tru long em. Kanage em bilong Aitape na poro bilong em long Pes. Wanpela Fraide nait ol manmeri i go lukim vidio long hotel.

Na Kanage wantaim poro bilong em tu i go. Na ol i lukim i go i go na poro bilong em i hot na em i go ausait long kisim win. Na Kanage em kilim skin long lukim i go na piksa i tanim i go long ol i pait long gan stret. Em i lukim na em pret. Em i ting bai ol i sutim em na em pret na go ausait. Na poro bilong em i askim em bilong wanem na yu kam ausait. Na Kanage i tokim em olsem ol i sut long gan.

## Donatus Api Aitape

Kanage bilong Domut ples insait long Kawum, Morobe provins. Kanage sik na i no go long haus sik em i save go long bus na dring bus marasin na sik bilong em save pinis. Wanpela taim Kanage kisim bikpela sik na em i no i go long bus painim bus marasin em i slip tasol long haus i stap ol pikinini bilong em lukim na wokim bet karim i go long Etep haus sik na nes ol askim em papa yu sik olsem wanem. Kanage slip long sik bilong em belhat kukim mi i go antap het pen, as pen.

Nes ol stretim kat pinis na tokim Kanage yu noken i go long ples nau yu stap long haus sik. Kanage harim na amamas wantaim i go kisim marasin na sut kisim pinis i go ausait liklik marasin kikim em ai raun na pundaun sutim nus hap idai. Na holim em i stap kirap i no isi long ol nes yupela i no kilim sik yupela kilim mi. Husat bai slip long haus sik yupela laik kilim mi idai long nait gam menek min asem kam kisim mi raun olsem gutpela man kilim skin i go. Kanage hap dai long nait.

## Elem Amut Nowan Kimbe

Kanage em bilong Sepik Wara long Angoram stret. Na em save sekyuriti long Angoram Helt Senta. Man em i no yangpela man, lapun ya tasol pes bilong tromoi tok pisin na kain ol eksen nogut long ol mama save kam kisim marasin. Em save ekting olsem A.P.O stret taim ol i no stap, em save givim sut na marasin long ol sik meri. Ol man em save les. Na taim ol kros long em, em i no bisi pes tu bilong tromoi tokpisin na kolim belhat bilong ol man. Wanpela fotnait wik Fraide,

em wok nait pinis na long Sarere moning em go long Angoram maket. Ai bilong em tu wok long slip na em tu em pes bilong kaikai tapiok mumu stret. Na em lukim wanpela pes bilong haiwe i salim tapiok mumu stap. Na em askim em. "Susa hamas long mumu tapiok bilong yu." Na em tok K1.00 tasol na Kanage tromoi han long poket long kisim K1.00. Tasol boi i kamautim mitnait kauboi long poket na tromoi long kisim mumu tasol em lukim hariap na tok sori long susa ya na tok. "Em samting bilong was long hangre bilong mi.

## Bench Hem Angoram

Kanage em bilong Bogia, tasol em i go raun long Karkar Ailan na stap long hap. Wanpela taim em kam raun long nambis klostu long Waglon plantesen. Em nau tupela waitman, man na meri kam kamap long em.

Tupela, em ol lain bilong tanim ol tokples ol kolim SIL. Na ol tok, "apinun tru papa. Yu bilong we?" Kanage kirap na tok, "Mi bilong hia tasol strongpela manki long bik ples." Na i askim em, "Inap yu kolim nem bilong ol sampela samting long tokples Karkar?" Na Kanage em tok Okay. Em nau Kanage kisim buai, daka, na kambang na em tok. "Buai long tokples em jeb, kambang long tokples em kau, daka long tokples em ful, tasol long Inglis mi no save, ol sampela man save kolim ol daksas."

Man Kanage tokim waitman olsem na waitman em paul tru long harim. Taim waitman i kisim diksineri buk bilong em long painim dispela hap tok 'daksas.' Das manki, Kanage em lus wantaim bodi. Waitman tanim long lukim paps Kanage em i no stap moa wantaim tupela. Em nau waitman em tok, "tru, tru, tru em i no asples man, em strongpela manki long bikples olsem na em lus wantaim bodi.

## John Dee Wavnada Bogia

Kanage bilong Simbu na em save wok olsem wanpela foremen bilong boila long Pukpuk fam long 8 Mail. Wanpela taim em wok i stap na tingting ples i kisim em. Em tingim tambu bilong em, em wokabaut i go long haus na tokim meri bilong em. "Mi go long opis, mi laik ringim tambu bilong mi long ples." Taim em i go long opis liklik bebi bilong em i krai. Kanage kisim liklik bebi wantaim na go long opis. Taim Kanage i go sanap long ai bilong waitman, waitman ya i lukluk strong long Kanage na askim em yu gat wari. Kanage tokim bos inap mi ring, waitman ya tokim em telipon i stap.

Kanage wantaim bebi bilong em i stat long ring. Taim Kanage ring i go na tambu bilong em bilong em toktok wantaim em tupela mekim save toktok i go, kam amamas nogut tru tokples pinis nating em holim bebi bilong em long rait han bilong em, taim tupela toktok yet bebi bilong Kanage sem taim pekpek i kam daun. Kanage lukim olsem taim telipon i stap yet long maus bilong Kanage em kirap na tokim bebi bilong em, yu stupit. Taim tambu bilong em harim olsem, em mas ting olsem tambu Kanage i mas krosim em ya. Em lusim telipon na go long haus na tingting mi toktok gut wantaim Kanage, mi no pinisim gut toktok yet na em tok stupit long mi. Kanage tu em wari nogut tru na lusim opis na wokabaut i go lusim

• I go moa long pes 22

**K**anage em bilong ples Namatanai. Na wanpela taim Kanage i mekim nupela toilet. Na olgeta taim ol pos insait long toilet i save pulap long mak bilong pekpek. Olsem na wanpela taim papa Kanage i askim ol pikinini olsem husat tru i save mekim dispela wok na em i save paitim ol pikinini nogut tru. Orait wanpela taim las bon pikinini bilong Kanage kirap na putim lombo long ol pos na em i tok nau bai yumi save husat tru em dispela man. Tasol samting tru em papa yet i wokim. Eli long moning, Papa Kanage kirap na go pekpek. Em rabim as long pos tasol wanpela samting i wok long kaikai as bilong em. Long taim bilong kaikai papa i wok long lukluk long husat pikinini i wok long mekim dispela wok. Taim em lukluk long ol pikinini em lukim olsem las bon tasol wok long kaikai na lap. Taim papa Kanage lukim olsem em kirap na askim olsem wanem kala? Pikinini kirap na tok grin. Tasol papa Kanage kirap na tok bulsit ret ya. That's why it make my bottom ache.

## Leo Wandau Namatanai

Kanage bilong Simbu, long hap bilong Kerowagi. Em save wok long 8 Mail Pukpuk fam, na save wok olsem wanpela supavaisa. Wanpela taim em wok i go na em tokim ol boi bilong em. "Mi laik ringim susa bilong mi long Australia. Em lukim taim olsem 11 kilok, em tekov long opis: Taim em go insait long opis em tokim waitman. "Bos mi laik ringim susa bilong mi long Australia. Waitman ya tokim em. "Yu ken ringim em." Kanage wokabaut i go long ples ol telipon na pawa kalkuleta i stap. Kanage i no wet liklik, em i no lukluk, em kisim telipon na stat long paitim namba long kalkuleta nau em traim putim yau. Telipon i no ring em sanap i go ating 20 minits samting em ring gen, nogat olgeta sem namba em paitim antap long kalkuleta, namba i stop sem taim wanpela wokman i kam insait na askim Kanage. "Olsem wanem, inap mi helpim yu?" Kanage tokim em. "Mi ring i go na telipon i no ring." Wokman ya i tokim em, "Lukim yu holim telipon na yu wok long paitim kalkuleta, olgeta namba pinis nating. Kanage yu sem nogut tru na em lusim opis na wokabaut i go long ol bois na ol askim. "Bos, yu ring pinis?" Kanage trikim ol bois, "Mi ring pinis. Susa ya toktok wantaim mi." Samting tru em Kanage sem nogut tru na raun i stap.

## Samuel Malasan Aloyse Lae

Kanage i kamap lapun na em i save hat hat nating. Wanpela moning em i go long gaden bilong em na i lukim olsem, suga ken, em i save laikim, i no moa stap. Ol man i katim olgeta pinis. Em i bel kaskas na i kam bek na hatim wanpela lapun. Em gaden bilong

# KANAGE



## • I kam long pes 21

bebi long haus.

Samuel Malasan Aloyse  
Lae

Kanage em bilong Ramba rot long Mt Hagen. Wanpela taim em wantaim poro bilong em pikim kopi na kisim mani na stap long ples.

Long wanpela fotnait wik Fraide, wanpela skul tisa i kisim pas mani na laik go pilai kas wantaim Kanage na poro bilong em. Taim bilong pilai poro bilong em wantaim tisa i pilai kas na Kanage i stap boskru long poro.

Pinis long pilai tisa i lusim olgeta pas mani bilong em. Taim tisa laik go em askim K2.00 tasol long poro bilong Kanage long baim bas bilong em long go long haus. Em askim faiv pela taim na poro bilong Kanage i no givim na tisa i tok, "Anyway forget it," na em kirap na go.

Poro paul na tingting planti i go na askim Kanage. Kanage kirap na tokim poro olsem yu wanpela pik long ples. Tisa krosim yu nogut long tok Inglis na yu no laik bekim

sem toktok long em. Poro i belhat na siksti i go na tokim tisa olsem, "Anyway forget it." Na tisa i lap na tekov.

Michael Pato Wimp  
Mt Hagen

Kanage em wanpela boi Kandrian. Wanpela taim em i kisim Airlink balus i kam pundaun long Hoskins eapat.

Orait em i kisim bas rout 3 na tekov i go long Kimbe. Trangu em pes taim tu ya long lukim taun olsem na em i go insait long haus kaikai i stap. Na yu save plawa pis i swit na Kanage i les long wokim hap i pundaun olsem na baga i kaikai i go na Kanage i laik kisim dring long dring.

Na han bilong em i wokim na traipela hap pis plawa i pundaun na baga i lukluk long ol meri save wok long haus kaikai, nau isi isi tru han bilong baga i go daun long kisim hap pis i pundaun na ol meri i wok long haus kaikai i singaut. "Papa just leave it alone." Na baga i tok ples na em tok olsem. "Tavom wa na ngo." Na meri ya i tok Inglis na askim paps, "Can you repeating you question again.?" Na baga i kros nogut tru na em i kaikai tit bilong em na em i tokim meri ya long bruk Inglis na em i tok, "Hey! Hey! susa you know that I am coming with leaves of Malas. Na meri ya i tok. "Your face looks like tekov."

Na Kanage i kisim hi-filings na em i tokim ol manmeri insait long haus kaikai olsem. "Meri i mas dai pinis long mi ya," na em i smail na tekov.

Paul Kumbo  
Kandrian

Kanage bilong Sandaun Wes Sepik. Nesenel palamen ileksen i kam insait long Sandaun provins. Olsem na Kanage tu i go painim nominesen fi bilong en tu long resis. So baga ya, em wanpela pablik sevis wok man ya.

Em i no man nating tu ya lakai so Kanage insait long wok bilong em na em i kirap patim das long sia insait long opis na go raunraun i stap long ples inap wanful ya olgeta. Em nau taim tru tru long ileksen i kam insait long provins nau. Kanage i wok long raun na setim ol kempen menesa na ol komiti bilong em tu bai ol i kari-maut wok kempen bilong em go aut long wanwan ples. So ating Kanage tu i no sindaun gut long bet haus bilong en gut long wanem.

Em i wok long ples i kamap long bai em i mas winim dispela ileksen. So em i wok hat tru long go painim ol kempen menesa na ol komiti bilong em long olgeta ples.

Oke em wok long raun long ples bung na em i singaut bikmaus long ai bilong olgeta manmeri pikinini. Em i tok, hai Kanage save i kilim gut ya laka i nogat wanpela man long Sandaun save kilim em olsem mi. Nogat, em mi tasol mi save kilim mi tu, laka. Em i singaut na tok olsem.

Em nau olgeta manmeri pikinini tu i wok long sapatim em na singaut yes ya, yu tasol. Save em yu ya. Okey Kanage i tok mi nogat tok sapos mi wihim dispela sit, em as tingting bilong mi i stap long rot, haus sik, skul, noken wari mi bai

bihainim rot long Sandaun.

Gabriel S. Aduwor  
Sandaun

Kanage em bilong Kubex em i save laikim tru wanpela kaset. Na em i silp long PMV 3-6 Pohvans na go long taun. Taim PMV i dropim em. Na em i go long olgeta stoa na painim dispela kaset long olgeta nogat. Las tru em go insait long R na A Seto na em lukim dispela kaset i stap. Orait em tokim dispela yangpela stoakipa. Mi laikim dispela kaset ya. Na yangpela askim em wanem kaset yu laikim? Na Kanage i tokim em ya dispela kaset ya. Na yangpela meri askim em yet. Kanage na tokim isi tru. Tokim mama noken pasim dua bai mi kam long lukim yu. Na taim yangpela i harim olsem em belhat. Na tokim em yu ting yu smat ya.

Bees Kofalk  
Wewak

Kanage em i man Simbu bilong Gembogl. Wanpela taim em wantaim poro bilong em Kura, tupela laik karim lek long haus meri na tupela i go kamap long wanpela wara i tait tumas na Kura i tokim Kanage, wara i tait tumas rausim taget na malo bilong yu i kam mi bai kisim i go pas na putim long hapsait long ston bihain yu kam na kisim.

Na Kura em i swim i go long hapsait pinis na em i kisim taget bilong Kanage na tekov i go long haus meri pinis. Na em i tok olsem long ol meri, mi save go long em ol sanguma i save bihainim mi tumas. Nau mi kam long em ol bai

i kam kilim mi ya na pasim dua na kukim taro. Kanage i kam painim taget i go nogat.

Em i ting Kura bai wet long hapsait na Kanage em i siksti tru i kam tasol Kura em i kam stap long haus meri. Kanage i harim Kura toktok i stap nau Kanage i kam isi na tok Kura na Kura harim long salt i stap na em tokim wanpela meri i kam harim long em na Kura kirap na tokim ol, sanguma i kam long kilim mi ya. Laitim bombom, nau ol meri i singaut na laitim bombom i go ausait. Na trangu Kanage i bin kalap long salat gaden na salat i kukim em long pes i kam daun long liklik. Kanage ya. Sore tru liklik Kanage na bikpela Kanage tu i bagarap tru wantaim na tupela silp long Gembogl haus sik olsem wan mun olgeta. Man, Kura bagarapim Kanage stret.

Kugi Indaun Womatne  
Simbu

Kanage i go raun long taun na putim ai long ol meri i stap na i no long taim wanpela meri Sepik i kam bungim em. Na tupela i raun i stap. Olgeta kona long taun i pinis nating.

Tupela i laik bruk nau, Kanage i askim meri ya, "Yu bilong wanem hap stret ya?" Na meri ya kirap na tok, "Mi bilong Saut Pasifik. Na yu? Na Kanage kirap na tok, "Mi bilong Guam ya, ples bilong ol waitman." Samting tru em meri ya em Sepik ya na brata Kanage ya em bilong Buang insait long Mumeng, Morobe provins.

Anuaya Jembok  
Lae





### Morobe Provinsal Gavman

Morobe Provinsal Gavman em i was papa bilong Morobe Sevings na Lons Soaiti;

• Em i givim mani long Sosaiti long karimaut wok olsem:

(a) Peim ol wokmanmeri long lukautim wok bilong sosaiti.

(b) Peim Opis Rent bilong Sosaiti.

(c) Peim ol arapela ekspens bilong Sosaiti olsem ol pepa bilong opis, opis masin na ol tebol na sia.

(d) Peim wok long bringim wok bilong Sosaiti we bai i ken kamap klia long ol manmeri long asples.

(e) Gavman bai peim wok long bringim na kamap benk klostu long ol asples.

### Wok kamap long Sosaiti Stat long mun Mas 99 inap Mas 2000

Namba bilong ol memba long Ssoaiti 2,526. Sea mani ol memba bungim K802,000.00

Namba long ol dinau Sosaiti givim K1,671

Hap dinau mani stap long han bilong ol memba K 457,652.00

Strong bilong mani ol memba bungim K1,013,109.00

Sosaiti tokaut long wok bilong givim dinau:

Brukim ol dinau stat long man Jan 99 i go Mas 2000

(a) Ekonomik Developmen - 1020 lons K 371,365.00

(b) Sosel Developmen 425 lons

K154,735.00. (c) Ol arapela wok- 226 lons K2,841.00

Bungim olgeta dinau Sosaiti givim long Mas 99 inap Mas 2000 K 618,941.00

Rausim bekim dinau long mun Julai 99 i go Disemba 99 (K 44,713.00)

Rausim bekim dinau long mun Januari i go Mas 2000

(K 116,576.00) Hap dinau mani stap long han bilong ol memba 457,652.00.

# Morobe Sevings na Lon Sosaiti

## Stia tok "A2000" na kaikai bilong tingting

Mipela ol Bod ov Dairekta bilong Morobe Sevings na Lons Sosaiti i makim pinis Edukesen Komiti. Tripela dairekta na Pablik Rilesen Opisa bilong Sosaiti i kamapim ol memba bilong dispela komiti. Dispela komiti bai mekim na karim aut wok long tok save na givim stia long ol memba. Bai o i mekim dispela wok na yusim redio, niuspepa na TV na tu ol bai yusim stia tok "2000" niuspepa bilong sosaiti long toksave na tu skulim olgeta memba na ripot long Morobe

provins.

Edukesen komiti bilong sosaiti i laik ol memba i mas kisim stretpela na gutpela tok klia long wok sosaiti i wok long mekim long dispela taim stat long Mas 1999 i kam inap long Disemba 1999. Toktok bilong stretim tu bel o tupela tingting bilong sampela manmeri i stap tu long Stia Tok pepa wantaim tingting o plen bilong ol wok bai Sosaiti laik wokim long yia 2000 na ol yia i kam bihain.

## Projek na wok plen bilong yia 2000 na ol yia i kam bihain em long:

- Lukluk na bringim benk i go klostu long ol sosaiti memba isnaht long ol wanwan distrik;
- Lukluk long helpim ol memba long helpim ol yet long kamapim na strongim wok long Sosel na Ekonomik Developmen long ol asples;
- Lukluk long skulim ol memba long stretpela pasin long ronim bisnis, bihainim pasin na astingt-

- ing bilong God hsuat i papa long olgeta hap graun na ol manmeri;
- Mekim moa wok long skulim ol memba long gutpela rot na stretpela pasin long kisim na bekim dinau;
- Lukluk long helpim ol Sosaiti memba long kamap gut ol Ikonmik projek bilong ol long Agrikalsa Komtes na Bisnis Developmen.

## Toksave long wok bilong mani long mun Januari i go Mas 2000

### Mani i kam insait

Memba putim sia mani  
Memba bekim dinau  
Olgeta mani kam hait  
K384,540.00  
K116,576.00  
K501,116.00

### Mani i go ausait

Memba kisim sia mani  
Memba kisim dinau  
Olgeta mani go ausait  
K 79,572.00  
K349,238.00  
K428,810.00

## Ol polisi bilong sevings na lons Sosaiti

Hia em haphap polisi bilong Sosaiti long helpim ol manmeri husat i laik kamap memba.

### Membasip

Membasip em i op long ol manmeri i stap long Morobe na ol manmeri bilong Morobe husat i stap long ol arapela provins.

- Fi bilong kamap memba

K 2.00

- Mak bilong mani long opim nupela akaun K20.00

### Toksave long Sevings

- Memba bai kisim pasbuk.
- Pe didaksen long ol wokmanmeri.

Kisim dinau long wanem as?

- Baim skul fi.
- Kago bilong tred stua.
- Baim kopra, kakao na kopi.
- Kisim pis.
- Ol samting bilong wokim haus slip.
- Ol kos bilong planim ol daiman.

- Ol kos bilong baim ol ka na trak.

- Wokim kakaruk banis.
- Ol kain samting bilong wok didiman.
- Bekim ol dinau.
- Baim meri na kos bilong marit.
- Dokta na marasin samting.

## Benk bilong Papua Niugini

Benk bilong gavman bilong Papua Niugini (Benk of PNG) em i olsem glasman bilong olgeta benk na haus mani bilong kantri. Em i bin tok orait long Morobe Sevings na Lons Sosaiti long kamap olsem benk na haus mani bilong ol manmeri bilong Morobe provins na Lae siti benk ov PNG tu i wok long glasim (audit) ol buk na wok bilong Morobe Sevings na Lons Sosaiti na em bin helpim Sosaiti tu long taim wanpela ka bilong ol wokman long yusim na mekim wok bilong sosaiti.

## Toktok bilong stretim man i gat tupela tingting

Menesmen bilong Morobe Sevings na Lons Sosaiti i stap nau long han bilong tupela eksprens opisa husat i bin wok wantaim Benk ov PNG na tu Federesen ov Sevings na Lons Sosaiti.

Mista Basanu em i Intarim Menesa na Mista Passangan em i Maketing na Pablik Rilesen Opisa Gavman i bin luksave long tupela na makim ol long lukautim wok bilong Sosaiti, em tupela projek aninit long Komes Divisen long gavman bilong Morobe provins.

Tupela opisa i no bin menesa long ol olpela sosaiti long Morobe husat nau i slip i dai pinis. Mista Basanu i bin traim long helpim Lae Industri Sevings na Lons Sosaiti long kamap gut gen, tasol sik bilong dinau nogut i bin kilim idai olgeta wok.

Wok bilong Basanu na Pasingan long Federesen ov Sevings na Lons Sosaiti i kam inap long 1984 na 1985. Long dispela taim tupela i save glasim wok bilong ol sosaiti insait long Papua Niugini. Wok bilong wanwan Sosaiti long PNG i bin i stap long menesmen bilong

wanwan sosaiti yet na bod ov dairektas bilong ol

Pundaun bilong ol olpela sosaiti long Morobe provins na PNG i bin i stap long han bilong menesmen bilong ol yet. Mista Basanu i bin askim Benk ov PNG long pasim olgeta sosaiti long Morobe provins long 1986, ol olpela Sevings na Lons Sosaiti long Morobe provins bai stat long yia 2001.

Dispela em bai namba tu hap bilong kirapim nupela sosaiti na stretim ol olpela sosaiti long provins. Namba wan hap bilong dispela projek em nau Morobe Sevings na Lons Sosaiti i sanap pinis na mekim wok. Olsem na ol memba bilong ol olpela sosaiti na husat i wok long i gat tu bel long kamap memba bilong Morobe Sevings na Lons Sosaiti i noken sutim nating tok long Mista Basanu na Mista Passangan long bagaram-pim wok long ol olpela sosaiti.

Ol dairekta yet na ol memba husat i no bin bekim dinau bagaram-pim wok bilong ol olpela Sevings na Lons Sosaiti.

## Toktok bilong dinau

PLANTI askim na toktok i wok long kamap long pasin na we nupela Sevings na Lon Sosaiti long Morobe provins i wok long mekim. Planti i wok long amamas olsem ol i wok long pulpapim aplikesen pepa bilong kisim dinau na wen tu tasol ol i kisim mani na wokabaut i go long mekim wok bilong ol.

Ol i no save wet planti wik na mun na kisim dinau olsem ol i save mekim long ol bikpela benk. Tu ol bikpela benk i no save givim dinau long ol kastoma bilong ol sapos dinau mani ol i askim long en i wankain olsem mani ol i gat long benk.

Sampela i wok long askim long wanem taim bai Morobe Sevings na Lon Sosaiti bai apim mak bilong kisim dinau.

Ansa bai mipela givim long dispela tok piksa: I olsem: nau yet sapos memba i putim K600.00; em i ken kisim dinau long K600.00; na wanem taim bai sosaiti bai litimapi mak bilong kisim dinau; olsem Sevings i sanap long K600.00 na dinau bai sanap olsem K1,200.00 na antap moa long dispela mak long wan (1) tu wan (1).

Sosaiti i laik tok klia long ol memba na ol man na meri husat i laik kamap memba long Morobe Sevings na Lon Sosaiti, olsem:

(1) Sosaiti i wok long wokabaut yet long wok developmen o mekim ol wok long mekim na kamapim Sosaiti bai

kamap bikpela. Laip bilong dispela wok boi faivpela yia, stat-long dispela yia 2000 na bai i go pinis long yia 2005.

Long dispela taim Sosaiti bai lukluk na wok long lainim ol memba bilong em long luksave long gutpela pasin long kisim dinau bai famili "o" mama papa na ol pikinini bai ken kisim gutpela skul long dispela dinau mani papa "o" mama i bin kisim long sosaiti.

Sosaiti i mekim dispela tok long wanem lukluk long piksa bilong ol. Olpela sosaiti i no bin kamapim gutpela kaikai. Olgeta olpela sosaiti i bin dai pinis long wanem papa i bin save kisim dinau long laik bilong em yet na famili i no bin kisim kaikai long dispela dinau mani. Pasin nogut tu bilong dispela graun i bin pulap insait long ol dispela dinau ol memba i bin save kisim.

Long ol dispela pasin nogut bilong bipo; dispela nupela sosaiti bai glasim gut ol kain dinau ol memba i wok long kisim; insait long dispela taim bilong wok developmen.

(2) Sosaiti tu i bin lukluk long hevi bilong mani; kantri bilong yumi i wok long bungim long dispela taim.

Olsem na menesmen bilong sosaiti i no bin laik long hariap long putim mak bilong dinau i go abrusim mak bilong mani memba i putim long sevings akaun bilong em.

(3) Sosaiti menesmen i bin luksave tu; long hevi bilong ol olpela sosaiti long pasin bilong givim dinau we mak bilong dinau i bin abrusim mak bilong sevings long ol bikpela namba. Dispela pasin tasol long givim bikpela dinau long memba we sevings bilong em i no bin givim em gutpela as bilong strongim dispela dinau; i bin mekim na olgeta olpela sosaiti i bin pundaun na dai pinis.

(4) Planti memba long ol olpela sosaiti na planti moa memba long sampela bikpela sosaiti long dispela taim i wok long mekim pasin sin long ai bilong God; long kisim dinau long wokim samting olsem peim Skul Fi bilong pikinini; na ol go lusim mani long mekim narapela wok olsem "Hos Reis na pilai long Beting Shop."

Sapos sampela memba long dispela nupela sosaiti i wok long mekim dispela pasin; menesmen bilong sosaiti i mas givim yupela strongpela tok lukaut olsem God papa i wok long lukluk long pasin sin ol dispela kain memba i wok long mekim.

Dispela kain pasin sin bai brukim poket bilong ol na bai i nogat mani long bekim dinau bilong ol.

Blesing bilong God bai lusim man na meri husat i wok long giamanim wok mani bilong em yet.

### Pasin bilong sevings

As wok bilong Morobe Sevings na Lons Sosaiti em long kirapim tingting na helpim yu long sevim mani. Na sapos yu wantaim famili bilong yu i bungim o painim sampela hevi, dispela mani yu sevim i ken helpim yu taim hevi i kamap. Ol kain samting osiem skul fi bilong pikinini na haus sik na ol marasin na wok bisnis o haus slip em yu laik stretim na kamapim gut.

Dispela kamparti yu wok long en inap helpim yu long kratim pe long olgeta insait na salim stret long sosaiti.

Ol wokmanmeri bilong sosaiti bai i ken givim yu stia na gutpela tingting long sevim gut mani bilong yu. Wanem mani yu laik putim long sosaiti em stap long laik na tingting bilong yu yet. Gutpela pasin na tingting em long redim yu yet long kainkain hevi we bai i ken kamap long yu long bihain taim.

Morobe Sevings na Lons Sosaiti em i no benk. Em i wok bung tasol bilong ol manmeri husat i memba.

### Dinau

Ol memba husat i soim gutpela pasin long redim em yet, em tasol inap long kisim dinau mani long sosaiti. Hamas dinau memba i laik kisim em i wankain tasol long sevings memba yet i bungim pinis long sosaiti. Yu noken tekewe sea na sevings bilong yu. Kisim tasol dinau na bekim long mak yu ting yu inap. Larim sevings bilong yu i wok long sosaiti na yu i ken kisim dividan o win (interes) mani.

Interes o liklik pe bilong bekim dinau em wan pesen long wanwan mun. Bilong wanwan yia em i 12 pesen (12 pesen).

Nau yet Mamba Sevings na Lons Sosaiti i wok long givim planti helpim i go aut long ol pipel husat i wok long kamapim ol gutpela projek long ol komyuniti insait ong Morobe provins. Ol helpim olsem lukautim na kamapim ol laipstok samting olsem kakaruk na pik, helpim i go long liklik tred stua na tu sapatim long kamapim wanpela skul projek.

# Rausim setelmen long Tabubil

**Dia Edita,**  
 Mi wanpela manki Not Flai, Westen provins nau mi stap long Ningeram ples Kanaka. Mi laik autim wari bilong mi long pas bilong brata.

Nuke Sakik ya bin rait long Wantok Me 18, 2000.

Em tok rausim Hailans setelmen long Tabubil. Yes brata mi sapot long dispela. Ok Tedi Mining i bin kisim ol wokman i kam long wok na ol 19 provins insait long kantri ol bung na wok.

## Rot bilong Nuku Dreikir i bagarap

**Dia Edita,**  
 Mi wanpela manki Sandaun. Mi laik autim belhevi bilong mi i go long memba bilong Nuku na Dreikir olsem.

Tupela memba i no bin lukluk long haiwe rot i go long Nuku na Dreikir mekim na ol kastoma bilong yumi long ples ol painim hat tru long kam daun na baim ol samting. Stat long Dreikir na i go olsem long Nuku rot em i bagarap tru i nogat gutpela lida long lukluk na stretim dispela rot bilong yumi. Nogat tru.

Trai hat nating i nogat luksave tru kaikai mani na raun long balus

## Fi bilong sip i antap tru long ol liklik manmeri

**Dia Edita,**  
 Mi wanpela mangi Morobe nau mi i stap long Wes Niu Briten provins. Na mi laik autim komplem bilong mi long Wantok niuspepa.

Na ol manmeri i ken lukim. Mi no save amamas long sip kampani. Bikos prais save go antap na go daun.

Mi lukim na i no gutpela long mi. Yu laik kisim sip long Lae na i kam olsem long Niugini ailan olsem Kimbe na Rabaul em prais i go

## Ol bos mas peim mi hamas?

**Dia Edita,**  
 Mi wanpela mangi Sauten Hailans tasol nau mi stap wokkim ol pipia wok long Pot Mosbi. Mi raitim dispela pas long askim ol minimam wages bod long wanem taim bai ol stretim wok bilong ci na olgeta liklik wokman meri i ken kisim bekim bilong hatwok ol i save mekim.

Sampela taim mi save mekim bikpela wok tru tasol ol i save peim mi liklik mani olsem K100 o sampela taim i kam daun liklik long K50, K60 o K70. Prais bilong kaikai i go antap tru na dispela pipia mani i hat tru long wokim bas fea, baim kaikai na haus rent, klos, insait long tu wiks, dispela mani mi makim pinis i save hat tru.

Planti manmeri i kirap na tok

## Papamama no laik skulim pikinini gut

**Dia Edita,**  
 Mi no wanbel long lukim ol drag bodi raunim strit long biknait. Ol i raun na stilim planti klos i stap long lain, brukim ol haus na liklik stua nabaut.

Inap long plis sutim i dai o holim pasim dispela ol man husat i nogat wanpela rait long pretim ol gutpela lain bilong bhainim lo. Ol plis i kisim pei bilong ol long han bilong ol pablik. Wok bilong ol em long lukautim olgeta manmeri. Mi kisim

Ol wokman tru long OTML i gat lo bilong kampani na ol i aninit long en.

Na mi laik tok egensim tok bilong brata Patrick Pape Toparas. Brata gutpela save yu bin putim long pas ya?

Na tok salens i go long papa-graun Tabubil na Telefomin pipel. Pas bilong yu long Jun 15, 2000. Brata yu tok Tabubil na Telefomin i no save long wanpela wok.

Brata papa God i givim inap save na God papa i bosim laip na

na tu dring spak wantaim ol meri long lods em ol save.

Helpim ol pipel long ples. Nogat tru. Traim na tingim ol lapun manmeri long ples. Strong bilong yupela yet bai yupela no inap stap olsem memba.

Em bai yu lus. Maus bilong ol lapun yet yu kamap olsem memba. Traim na tingim pastaim.

Em tasol husat brata o susa i laik agensim o sapotim em orait tasol.

**Francis Akama**  
**Nuku, Sandaun provins.**

**Kundip Hingi**  
**Bialla**

daun. Na yu laik kisim sip long Kimbe na i go long Lae em prais i go antap.

Na mi no amamas. Plis mi tok olsem inap long sip kampani mas putim sem pe o prais o nogat. Em tasol liklik wari bilong mi. Yu husat brata o susa yu laik sapotim o egensim mi em orait tasol. Mi hamamas long lukim.

kantri bilong yu i pulap long raskol em tru. Sapos yu hatwok na mani yu kisim long pei de i no inap lukautim yu insait long narapela tupela wik, bai yu dai long hangre. Dispela pasin i save mekim na planti pipel i save igo na stil nabaut.

Mi laik askim ol bikman long gavman i mas haraip na lukluk long dispela hevi.

Sampela pablik sevans na wokman bilong kampani i save kisim planti tausen kina na dispela pipia mani mi save kisim i mekim mi i no wanbel stret.

Mi ratim dispela pas long Wantok niuspepa bikos mi i no bin go long skul na i no gat save long

wanpela tokwin olsem sampela pikinini bilong plisman i stapo insait long sampela stil pasin. Dispela i soim olsem dispela ol plisman i no save skulim pikinini bilong ol. Ating ol plis yet tu i mas helpim ol mangi long stil tu.

I gat planti gutpela plisman i stap na yu wanpela o tupela i bagarpim stret nem bilong ol gutpela man. I mobeta dispela papa bilong pikinini i mas raus long plis fos. Em i no givim skul long pikinini i bhainim

olgeta samting.

Dispela nem Hailans em i makim 5-pela provins. Sapos yu bilong Tari yu mas lukim pasin bilong yu gut yu yet save gut long ol lain bilong yu. Tari stap na mekim na bagarapim nem Hailans.

Yu husat laik bekim pas bilong mi o egens mi bai mi amamas tasol long lukim.

**Ike Ningerum**  
**North Fly, WP**

## Sepik na hailans em ol man tru

**Dia Edita,**  
 Mi wanpela mangi Sepik. Mi laik sapotim toktok bilong wanpela wantok Sepik marit long Madang na mi laik egensim yu Oremtop Bauwilin.

Sapos yu go long Madang plis. Yu askim sampela lain olsem mi laik save long ol Sepik bilong Madang i holim bikpela posisen.

Tru tru kas, bai ol tokim yu stret na het bilong yu bai hop na bai yu save long ol Sepik.

Long sait bilong bisnis mi ken tokim yu stret olsem yu no fit. Hailans em ol man tru. Yu wok bilong yu long holim stik na digim hol bilong singapo.

Taim singapo redi bai yu kamautim na givim meri o susa bilong yu long go maket, na yu bai kam kisim mani tasol. Em hap wok bilong yu. Sepik na Hailans em ol man tru save kilim ol wansait nating tru yu yet save pinis. Kaikai kay!!

Maski long daunim poin yumi olgeta wan kain man tasol ya!! Pas bilong yu Oremtop Bauwilin i bin kamap long Wantok niuspepa bilong Fonde 6 April 2000.

Em tasol na yu husat laik sapotim o egensim mi putim tasol long flo bilong PNG.

**Trii Nine Gainty**  
**Kimbe**

rait long Inglis. Dispela i no min olsem mi save long Minimam Wages Bod.

Ol i mas hapim pei bilong olgeta liklik manmeri na planti pipel i ken pilim orait long stap na wok long ples olsem Pot Mosbi siti.

Mi pilim olsem gavman i no mekim gutpela samting long hapim takis na givim liklik peim long ol manmeri husat i hatwok long olgeta dei bilong lukautim famili bilong ol.

Em tasol, gavman plis hariap na stretgim dispela hevi.

**Greg Kome. Mangi Kero.**  
**Pot Mosbi.**

lo. Em yet tu mas i no inap bhainim lo tu.

Mipela ol lain bilong bhainim lo i stap gut na i no mekim trabel, hau na pikinini bilong plis i mekim bikhet pasin na papa i larim.

Mi les pinis na nau bai mi mekim save long wanem stilman i kamap long haus bilong mi. Em tasol.

**Les Pinis.**  
**Michael P Cowboy.**  
**Gordons.**

# Edministreta bilong Wes Niu Briten i no mekim wok gut

**Dia Edita,**  
 Mi wanpela mangi nating tu bilong ples, na mi laik sapotim pas bilong brata Rex Kutik bilong Kimbe. Brata Rex i toktok long ol wok bilong edministreta bilong Wew Niu Briten provins Mista John Maela.

Yes mi laik sapotim ol tingting na singaut bilong brata Rex, long askim Prais Minista Sir Mekere Morauta long rausim John Maela long wok bilong Mista Maela olsem edministreta.

Mi laik tok olsem, mipela ol pipel long WNBPN i les pinis long lukim ol

lida olsem, i slip tasol, na i no opim ai long lukim ol bagarap i kamap long Kimbe taun, ol pablik sevans i lusim opis na raun nambaut. Gavman i no ken westim nating ol bikpela mani long baim ol kain les man olsem John Maela.

I gutpela tru long John Maela i mas risain na minista i makim nupela man, bai em i ken lukautim gut WNBPN, helpim ol pipel na kamapim gutpela nem bilong WNBPN.

**Peter Bai Volame**  
**Cenaka Zone**

## Noken komplem tumas long membaGison Saonu

**Dia Edita,**  
 Mi laik rait na tok olsem mi no amamas long pas brata Mugan Ori Tiemengte bilong Kabwum hauslain i bin rait na egensim memba bilong Kabwum long Me 25, 2000.

Brata, mi laik tok olsem, maski long westim taim komplem long memba bilong Kabwum bikos nogat man i bin votim em, em yumi pipel bilong Kabwum i bin votim em. Olsem na maski long westim taim komplem.

Na tu i luk olsem brata Mungen Ori Tiemengte yu wok long westim ink bilong pen bilong yu na givim planti toktokna tu westim taim bilong yu.

Olsem na wanpela isipela pasin yu mekim em olsem, yu bungim mani bilong yu na baim nominesen fi na sanap long 2002 o painim hat long baim nominesen fi orait, sapos long 2002 memba bilong Kabwun, Saonu i laik sanap long ileksen, long taim bilong vot, brata Tiemengte, yu go antap long fran pasim ai tasol na put mak o X long box bilong Saonu na givim namba na em mas winim 2002 ileksen.

Em tasol, liklik komplem bilong mi.

**Escoh Acegal**  
**Lae**

## Wok bung na klinim Kimbe

**Dia Edita,**  
 Mi wanpela mangi Wanex bilong Morobe provins tasol nau mi i stap long Kimbe WNBPN.

Na mi laik sapotim wanpela pas bilong ol meri asples long Jun 20, 2000. Dispela pas bilong ol i bin toktok long maket buai taim Kimbe taun atoriti i muvum buai maket i go long Gigo.

Na ol meri long Hoskins na ol meri Talasia ol i no laikim bai taun atoriti muvim ol i go i kam ausait long ol liklik maket.

Olsem na mi laik tok olsem bai ol i ken maketim ol buai long taun maket.

Na taun atoriti em i mas kisim 10-pela sikyuriti bilong rausim ol buai simuk ol i save salim long taun.

Na ol dispela sikyuriti bai ol i gat ful yunifom bilong raun long taun na rausim buai simuk long Kimbe taun.

Na tu mi askim yupela ol asples long wok bung wantaim ol sikyuriti bilong Kimbe taun atoriti i mekim em.

So wanpela samting mi save lukim long ol mangi long asples taim ol turangu ol wokman bilong Kimbe taun atoriti.

Ol i save rausim buai o simuk bilong ol Waira sindaun maket long ai bilong stua.

Bai ol mangi long ples ol bai tok larim ol samting bilong ol i stap.

Olsem na bai yu lukim spet buai bai bagarap stret long taun Kimbe so yumi mas wok bung wantaim na klinim taun bilong yumi.

Sapos yu laik egensim mi o sapotim pas bilong mi, rait tasol long Wantok niuspepa na bai mi lukim. Tenkyu.

**Jacob Joe**  
**Kimbe**

## Noken maket long Sande na lus tingting long Papa God

**Dia Edita,**  
 YES mi laik sapotim tru tok bilong Tano Wati long ol manmeri save maket long Sande. Sande em i de bilong God long malolo. Bilong wanem yumi ol manmeri maket long malolo de bilong God.

Mobeta yumi lusim maket na malolo lotu long God em wanpela tasol em i God bilong yumi.

Yumi gat longpela taim long maket. Stat long Mande i go inap long Sarere.

Sande yu ken larim maket bilong yu i stap long haus bilong yu.

Ol manmeri laikim wanem samting ol i kam long haus na baim. Stua ol i no karim ol samting i go long pab-

lik ples na maket nogat i stap long stua na yu go baim.

Yu mas bhainim wanpela pasin, yu hatim long haus dua bilong yu. Husat manmeri laikim larim em baim, nogat yu larim Mande yu maket i go inap long Sarere.

Bikos Sande em i de bilong God na yu stop long maket na lotu long God em wanpela tasol em i God bilong yumi.

Em tasol mi laik sapotim tok bilong Tano Wati. Husat manmeri yu laik sapotim o egensim mi, plis mi laik lukim long Wantok niuspepa. Tenkyu God bles yu.

**S BBM Kanae**  
**Kimbe**

# Usino Bundi memba i stap we?

**Dia Edita,**  
Mi laik save long wanem hap tru dispela memba bilong Usino Bundi ol i kolim George Wan i stap nau?

Em memba bilong Usino Bundi na nau em stap olsem

tupela tem o 10 yia long palamen na i no nogat wanpela liklik developmen i kamap long Usino Bundi eria. Ol dispela mani bilong ol pipel long Usino Bundi long EDF fan i stap we? Sapos ol pipel bilong Usino

Bundi i stap nau long ples inap tok klia long mi sapos i gat sampela wok em George Wan mekim long ples. Nogat okei rait i kam long Wantok niuspepa na mi lukim.

Long 2002 ileksen dispela

kain man mas go na ol obudsmen komisen tu ken sekim em.

**John Rop  
Koi Mangiai Viles  
Bundi**

## Mao Zeming mekim Tewae Siassi pipel amamas

**Dia Edita,**  
PLIS inap yu larim ol prinim pas bilong mi long wanpela hap kona long pas seksen long Wantok niuspepa. Pas bilong mi i go olsem.

Memba bilong Tewae Siassi ilektoret na Deputi Praim Minista Hon. Mao Zeming i soim ol Morobe pipel olsem em i no pret long mekim wok politik long Waigani Nesenel Palamen na kisim deputi praim minista posisen. Ol pastaim long haus palamen olsem ol meri.

Ol i wok kagoboi nating long ol memba bilong narapela provins i kisim praim minista na deputi praim minista. Olsem na nau Mao Zeming i mekim yupela ol pipel bilong Morobe i kisim biknem. Tru tumas politik

long Waigani i hat tru na tu ol strongpela man i stap tasol Mao Zeming i no surik bek o pret na em kisim deputi praim minista.

Yupela ol Morobe kisim biknem na filings nating bikos long hatwok bilong ol Tewae Siassi pipel. Save pasim bilong yupela ol Tewae Siassi i karim gupela kaikai long yupela olgeta Morobe.

Dispela gupela kaikai yupela larim i go raun gut tru bai orait. Nogut man givim haphap kaikai na yupela kaikai na tromoi nabaut. Em bihain bai nogut so mi putim toksave i go pas. Yupela pikinini man ya skelim.

**Paul Minga  
5 Mail Setelmen  
Erima, Pom.**

## Kabwum mas komplem long rait bilong ol na noken pasim maus i stap

**Dia Edita,**  
Mi wanpela pikinini Kabwum nau wokim grade 10 long Busu hai skul na mi lukim toktok bilong brata Glesie Ciford long niuspepa, na mi laik egensim toktok bilong em.

Brata yu tok, maski long komplem tumas long memba Ginson Soanu, tasol, mipela pipel votim em long karim hevi bilong mipela pipel.

Insait long dispela 5-pela yia nogat wanpela sevis kam long ol ples. Wanem taim bai memba tingim ol pipel na helpim?

So ol Kabwum pipel lukluk gut na givim vot long rait man na bai em karim wok na Kabwum bai kirap.

Husat laik sapatim o egensim em welkam tasol.

**Kange Mote  
Mangi Kadwum. Lae**

## Nondugul pipel amamas long wok bilong memba Pok

**Dia Edita,**  
MIPELA bilong Not Wagi tasol mipela i stap long kona tru na boda bilong Simbu na WHP.

Bipo ol Not Wagi memba i go long Waigani Nesenel Palamen tasol ol i no karim wanpela sevis.

Nau mipela i amamas long bikpela sevis i kam long Not Wagi na mipela amamas long memba bilong mipela Dokta Fabian Pok Minista bilong Petroleum na Ges. Yu wanpela

strongpela man tru na yu karim sevis i kam.

Nau mipela Kona man na meri pikinini mipela i tok yu wanpela rait lida i stap long palamen.

Bipo yumi save, sampela provins ol i kolim Not Wagi longlong na bus kakana nau nogat.

Nau mipela i lukim wok bilong Dokta Fabian Pok na mipela amamas long em.

**Malbana Nalkes  
Nonkul**

Sapos yu laik salim pas bilong yu i kam long dispela niuspepa.

Salim i kam long dispela adres:

THE EDITOR  
WANTOK NEWSPAPER  
P O BOX 1982, BOROKO, NCD.

## PNG FM redio i kisim salens

**Dia Edita,**  
Mi wanpela mangi Telefomin long Sandaun provins tasol nau mi stap long Westen provins long Tabubil. Mi wanpela regula lisina long '93' Yumi FM na 96 FM tu.

Long lukluk bilong mi, mi luksave olsem dispela tupela redio stesen i gat asua i stap. Ol i save mekim dispela asua we mi wanpela regula lisina i no save fil orait.

Dispela asua em olsem long taim bilong komesel '93' Yumi FM wok long yusim ol toktok na ol singsing bilong 96 Yumi FM na wankain tasol '96' FM i wok long yusim bilong 93 Yumi FM.

Long mekim klia em olsem tokpisin stesen i save yusim ol Tok Inglis singsing long taim bilong komesel na tu wankain pasin 96 FM tu wok long yusim Tok Pisin singsing long taim

bilong komesel.

Dispela tasol i save mekim mi i no save fil gut. Wanem samting mi laikim em ol mas yusim Tok Pisin singsing keset long 93 redio Yumi FM tasol, i noken putim ol Tok Inglis singsing taim bilong komesel.

Wankain tasol long 96 FM ol mas yusim Tok Inglis singsing tasol long komesel taim.

Sapos yu wanpela regula lisina i stap orait yu laik sapatim o egensim em tingim na save i stap long yu.

Em tasol pas i kam olsem long stret wari, na filings na sindaun bilong regula lisina bilong 93 na 96 redio stesen Yumi FM insait long Tabubil taun na kantri PNG tu.

**Philemon Sasim  
Telefomin, Sandaun**

## Frieda main i gat hevi

**Dia Edita,**  
LONG makim maus bilong Momase rijen. Mipela pipel insait long Telefomin i no wanbel tumas. Sir Mekere na Sir Michael Somare mekim asua o John Talu Tekwie i mekim ol papa graun i mekim.

Long sainim na tokorait long Frieda River Copper Mine tasol i srukim taim i kam i kam nau na mipela i les tru. Long taim bilong kisim gupela sindaun i kam i go pinis. Em taim bilong go long heven i stap redi pinis.

Long sampela wik i go pinis, Gavana bilong Sandaun i bin tromoi

dispela toktok i go long Sir Mekere wantaim Sir Michael long kikov taim bilong Frieda Copper Mine na tupela Sir Mekere wantaim Sir Michael i mekim bikpela promis olsem Frieda Mine bai kikov long yia 2002.

Mipela pipel i laik bai promis i noken popaia em i mas karim kaikai. Dispela i ken bringim gupela sindaun bilong pipel na kantri tu. Yupela gavman i mas save olsem mipela Momase rijen i gat wanpela gol mingem long Frieda River tasol.

Mipela i laik lukim eksen bilong ol gavman stret. I no bilong pilai pilai,

## Rausim ol setelmen long Lae

**Dia Edita,**  
Mi wanpela mangi Morobe nau mi stap long Tent Siti long Morobe provins.

Mi laik autim bel hevi bilong mi. Nau mi lukim ol Sepik save bagarapim siti bilong yumi Morobe. Ol Sepik i gat as graun bilong ol o nogat? Yu save olsem yu i gat as graun mama karim yu i stap, orait plis yu i ken go bek long asples bilong yu ken.

Nau bikpela hevi wok long Tent Siti nau. Hevi kamap long 5 mile na bihain kamap long Uni, PTC nau kamap long Tent Siti, em las hap ya em kamap. Nau plis Gavana, yu noken slip, kirapim maus Morobe sekyuriti kwik.

Mekim samting kwik. Yu husat laik egensim o sapatim plis welkam.

**Michael MKS, Lae.**

## Kanaka pes bihainim memba bilong Aitap Lumi

**Dia Edita,**  
Mi wanpela man we mi save laikim tru long ridim pas i kam long ol pipel. Inap long yupela givim mi liklik spes bai mi ken putim kamap wanpela wari bilong mi.

Wari bilong mi em i go olsem. Mi wanpela sapota na vota bilong Eddy Saweni memba bilong Aitape Lumi, na tu mi wanpela komiti bilong memba.

Wari bilong mi i no i go long memba nogat, wari bilong mi i go long kanaka pes i save bihainim memba.

Mi gat wari long lukim memba long sampela toktok tasol mi sem

long toktok wantaim em, bikos ol kanaka pes i pulap.

So mi nogat taim long toktok wantaim em. Planti taim mi save lukim, taim memba i kam na kisim wanpela pul ka long raun em nogat sans long mipela ol sapota o vota nau i laik raun wantaim em. Mi save les olgeta long lukim ol kanaka pes bilong Miwaute, i save pulap nating long ka na raun wantaim memba.

Taim memba i laik go raun long wanem hap ol kanaka pes tu i mas i go. Em wanem kain pasin ol kanaka pes i save mekim.

Ating mi lukim olsem ol pikinini kakaruk i save bihainim mama

kakaruk long wanem hap mama kakaruk i go. Plis mi askim yupela ol kanaka pes bilong ples Miwaute inap long yupela larim memba i mas fri liklik bai mipela ol sapota o vota tu raun long ka na toktok o stori liklik wantaim memba?

Em askim bilong mi i go long yupela. Ating yupela kanaka pes tasol votim memba ya a? Yusim het na tingting gut mas soim rispek plis. Em tasol wari bilong mi na mi bai amamas long bekim o sapatim pas bilong mi.

**Original Yoweri  
Sandaun**

## Teptep pipel i tok Madang yu i stap we bipo

**Dia Edita,**  
Mi laik mekim liklik toktok em i bin kamap long Wantok niuspepa long Jun 1, 2000. Na mi lukim het tok i kamap olsem. Madang kotim Morobe long lukautim Teptep. Dispela komplem em Mista Doi Essing long Lae i raitim long Wantok niuspepa na mi lukim na mi sapatim em na mi raitim. Na mi laik tok olsem Madang yu i stap we bipo inap yu kisim Teptep long taim na nau em yu laik kisim. Ating yu em olsem bebi ya na tit bilong yu

kamap na yu laik kisim Teptep.

Yu Madang tu leit long Teptep memba bilong Kabwum em bilong dispela hap yu ting Gimson Soanu em bilong we em man bilong Teptep na mipela save Teptep em Kabwum na Teptep em Morobe.

Yu husat man toktok tumas long Teptep rarim Teptep i stap fri long laik bilong em.

Bipo Madang inap kisim Teptep na Kabwum bikos Kabwum em i stap insait long Madang tasol

Madang gavman i no fit long kisim nau na Finchhafen kirap i kisim Kabwum na Teptep so yu laik toktok long Teptep em tu leit so yu mas pasim maus bilong yu na i stap na Morobe kisim Raikos. Madang gavman yu slek tumas.

Em mi sapatim brata Doi Essing na raitim husat man laik sapatim o egensim em yu yet na yumi lukim em tasol.

**Dickson Pama Y. Rasta  
Port Moresby**

## Tin mit bilong PNG nogat swit

**Di Edita,**  
Mi wanpela man long Morobe provins long Lae na mi raitim dispela wari bilong mi i go long Wantok.

Olgeta samting kamap long Papua Niugini i orait tasol swit bilong olgeta tin mit i no gut long Papua Niugini. Olsem na mi raitim dispela pas.

Harim gut bipo ol tin mit bilong ol waitman em i gupela na swit moa yu kukim kumu na opim mit i go daun long kumu, kumu i swit moa na yu bai pinisim olgeta kaikai o kumu. Nau tin mit bilong Papua Niugini em i orait tasol i go daun long kumu yu no inap pilim swit, nogat. Olsem na mi raitim dispela tingting wari bilong mi i go long Wantok niuspepa.

Em tasol yupela Papua Niugini wanpela man o meri yu ting wanem raitim i go long niuspepa tasol na mi lukim. Tenkyu.

**Wara Mai, Lae.**

## Noken marit kwik taim

**Dia Edita,**  
Mi wanpela mangi Morobe nau mi i stap insait long Kimbe WNPB provins.

So wari bilong mi i go olsem. Mi save lukim planti yangpela meri ol i save maritim ol yangpela man we i no inap long lukautim gut pikinini wantaim mama bilong ol olsem na nau long dispela taim sindaun bilong ol i save bagarap hariap tasol.

Olsem sapos yu maritim ol 'lapun' bai ol i lukautim yu gut wantaim pikinini wantaim yu. Na traim long maritim long lapun man na em bai lukautim yu long bihain taim.

So sapos yu husat laik sapatim mi o yu laik egensim mi rait tasol long Wantok niuspepa na bai mi lukim.

**Jacob Joe, Kimbe**





DEPARTMENT OF LANDS  
**POFITIM OL STET LIS**



Long Epril 2000 732 Stet Lis i bin kamaut o edvetais long ol lis bilong propeti we i no baim Stet, mak long 10,000 o moa long len lis o rent. Dispela em long givim ol lain i stap long ol dispela graun fainel sans long stretim ol olpela rent bilong ol long Jun 30, 2000.

Insait long dispela toksave o edvetismen, 449 Stet Lisholda i abrus tru long kamap na stretim ol dispela samting. Olsem na long dispela as, mi nau sainim ol pepa (Instrument for forfeiture) long kamap insait long neks Nesenel Gaset long ol dispela propeti daunblo.

LOT	SEC	TOWN	TOTAL O/S (K)	LOT	SEC	TOWN	TOTAL O/S (K)	LOT	SEC	TOWN	TOTAL O/S (K)	LOT	SEC	TOWN	TOTAL O/S (K)
9	0002	GRANVILLE	78,700.00	11	0105	HOHOLA	16,125.00	17	0002	BOROKO	20,250.00	24	0042	LAE	22,575.00
10	0002	GRANVILLE	84,750.00	11	0106	HOHOLA	13,700.00	11	0003	BOROKO	16,500.00	3	0047	LAE	27,800.00
11	0002	GRANVILLE	74,200.00					27	0007	BOROKO	22,000.00	21	0050	LAE	42,166.00
33	0002	GRANVILLE	87,500.00	10	0341	HOHOLA	14,345.00	7	0008	BOROKO	13,250.00	22	0050	LAE	11,500.00
25	0003	GRANVILLE	150,000.00	12	0341	HOHOLA	12,950.00	22	0008	BOROKO	15,982.47	23	0050	LAE	10,100.00
6	0004	GRANVILLE	30,000.00	15	0341	HOHOLA	12,520.00	3	0009	BOROKO	10,800.00	7	0054	LAE	11,000.00
500	0007	GRANVILLE	21,700.00	6	0344	HOHOLA	15,421.99	11	0009	BOROKO	23,358.58	16	0057	LAE	20,370.00
17	0008	GRANVILLE	17,250.00	1	0345	HOHOLA	17,700.00	15	0012	BOROKO	15,770.00	18	0057	LAE	11,820.00
4	0009	GRANVILLE	25,300.00	6	0345	HOHOLA	15,025.00	11	0012	BOROKO	35,550.00	20	0057	LAE	13,367.95
5	0010	GRANVILLE	12,000.00	7	0345	HOHOLA	14,865.00	6	0018	BOROKO	41,340.00	17	0089	LAE	13,367.95
1	0012	GRANVILLE	12,380.00	1	0347	HOHOLA	19,051.00	11	0019	BOROKO	14,365.00	12	0089	LAE	12,080.00
11	0012	GRANVILLE	11,500.00	1	0348	HOHOLA	14,975.00	8	0020	BOROKO	12,650.00	17	0082	LAE	22,300.00
12	0012	GRANVILLE	12,000.00	1	0349	HOHOLA	35,100.00	26	0020	BOROKO	21,120.00	4	0088	LAE	17,375.00
11	0013	GRANVILLE	22,050.00	4	0357	HOHOLA	39,760.00	24	0021	BOROKO	24,500.00	12	0088	LAE	14,850.00
16	0015	GRANVILLE	13,080.00	7	0357	HOHOLA	14,648.00	38	0021	BOROKO	11,200.00	2	0088	LAE	34,800.00
3	0018	GRANVILLE	14,000.00	17	0357	HOHOLA	13,050.00	7	0024	BOROKO	23,400.00	20	0083	LAE	10,850.00
7	0018	GRANVILLE	11,300.00	3	0375	HOHOLA	39,385.67	8	0024	BOROKO	19,875.00	94	0083	LAE	11,250.00
8	0018	GRANVILLE	33,750.00	8	0385	HOHOLA	83,580.00	9	0024	BOROKO	11,925.00	2	0101	LAE	15,950.00
7	0019	GRANVILLE	22,300.00	9	0385	HOHOLA	121,578.20	11	0024	BOROKO	26,017.00	3	0101	LAE	15,575.00
3	0020	GRANVILLE	18,700.00	2	0387	HOHOLA	66,825.00	38	0024	BOROKO	20,375.00	7	0106	LAE	15,575.00
5	0020	GRANVILLE	56,100.00	13	0409	HOHOLA	27,500.00	1	0026	BOROKO	24,782.81	19	0127	LAE	10,370.00
11	0024	GRANVILLE	19,800.00	30	0413	HOHOLA	13,300.00	5	0032	BOROKO	24,740.00	14	0128	LAE	10,820.00
12	0025	GRANVILLE	27,600.00	14	0418	HOHOLA	11,280.00	26	0032	BOROKO	17,325.00	10	0130	LAE	14,200.00
3	0027	GRANVILLE	13,050.00	2	0421	HOHOLA	25,800.00	38	0032	BOROKO	18,750.00	30	0130	LAE	21,510.00
18	0027	GRANVILLE	12,300.00	4	0421	HOHOLA	10,440.00	40	0032	BOROKO	16,500.00	6	0143	LAE	43,380.00
30	0027	GRANVILLE	21,000.00	4	0430	HOHOLA	20,625.00	41	0032	BOROKO	16,199.04	3	0158	LAE	13,145.00
31	0027	GRANVILLE	27,000.00	5	0430	HOHOLA	23,110.00	16	0035	BOROKO	31,575.00	13	0161	LAE	13,055.00
32	0027	GRANVILLE	28,325.00	10	0430	HOHOLA	57,809.73	21	0053	BOROKO	14,283.53	15	0161	LAE	10,805.00
33	0027	GRANVILLE	27,000.00	25	0432	HOHOLA	13,090.00	36	0055	BOROKO	15,800.00	1	0163	LAE	12,208.00
34	0027	GRANVILLE	26,325.00	1	0433	HOHOLA	10,030.00	12	0056	BOROKO	22,100.00	2	0163	LAE	24,000.00
36	0027	GRANVILLE	42,000.00	29	0434	HOHOLA	22,838.30	22	0060	BOROKO	16,401.37	34	0168	LAE	22,000.00
36	0063	GRANVILLE	49,800.00	33	0434	HOHOLA	10,400.00	2	0082	BOROKO	17,107.53	16	0168	LAE	14,000.00
39	0063	GRANVILLE	26,984.00	35	0434	HOHOLA	12,040.00	6	0083	BOROKO	12,000.00	18	0168	LAE	19,000.00
6	0064	GRANVILLE	77,834.88	37	0439	HOHOLA	15,440.00	7	0083	BOROKO	15,100.00	1	0280	LAE	11,745.66
1	0030	GRANVILLE	17,550.00	12	0106	HOHOLA	14,985.00	15	0083	BOROKO	19,542.47	10	9000	WAU	11,745.66
34	0032	GRANVILLE	18,750.00	5	0106	HOHOLA	14,250.00	6	0083	BOROKO	26,725.00	1	0024	BULOLO	10,485.00
38	0032	GRANVILLE	18,900.00	15	0108	HOHOLA	14,150.00	8	0083	BOROKO	74,900.00	4	0001	MT HAGEN	52,401.00
43	0032	GRANVILLE	16,400.00	19	0108	HOHOLA	14,150.00	9	0088	BOROKO	51,520.00	6	0004	MT HAGEN	15,780.00
9	0037	GRANVILLE	55,800.00	21	0135	HOHOLA	95,010.00	31	0072	BOROKO	25,798.64	2	0007	MT HAGEN	52,000.00
10	0037	GRANVILLE	16,000.00	58	0139	HOHOLA	11,840.00	2	0074	BOROKO	13,940.00	6	0007	MT HAGEN	20,824.00
2	0039	GRANVILLE	12,750.00	70	0139	HOHOLA	11,200.00	12	0076	BOROKO	16,670.00	9	0007	MT HAGEN	52,000.00
8	0040	GRANVILLE	11,000.00	49	0142	HOHOLA	15,654.17	36	0077	BOROKO	10,740.00	18	0000	MT HAGEN	11,728.67
9	0040	GRANVILLE	23,500.00	5	0143	HOHOLA	12,450.00	11	0070	BOROKO	18,750.00	43	0009	MT HAGEN	29,67.00
17	0040	GRANVILLE	24,474.36	1	0145	HOHOLA	15,270.00	12	0070	BOROKO	14,054.98	8	0013	MT HAGEN	16,500.00
4	0043	GRANVILLE	19,200.00	33	0146	HOHOLA	11,100.00	38	0079	BOROKO	10,800.00	2	0017	MT HAGEN	29,030.00
8	0043	GRANVILLE	13,200.00	48	0146	HOHOLA	14,150.00	41	0070	BOROKO	12,000.00	8	0020	MT HAGEN	20,850.00
16	0043	GRANVILLE	19,385.00	1	0147	HOHOLA	11,100.00	44	0070	BOROKO	10,115.00	15	0021	MT HAGEN	20,850.00
18	0046	GRANVILLE	13,286.30	10	0147	HOHOLA	16,210.00	47	0070	BOROKO	10,500.00	29	0021	MT HAGEN	13,740.00
19	0046	GRANVILLE	12,700.00	52	0147	HOHOLA	11,100.00	10	0081	BOROKO	12,240.00	1	0028	MT HAGEN	27,900.00
5	0050	GRANVILLE	25,496.51	53	0147	HOHOLA	13,205.83	10	0084	BOROKO	10,580.00	38	0041	MT HAGEN	18,989.00
21	0051	GRANVILLE	10,800.00	1	0219	HOHOLA	13,200.00	13	0084	BOROKO	10,800.00	3	0045	MT HAGEN	14,045.00
23	0051	GRANVILLE	21,900.00	2	0219	HOHOLA	14,200.00	19	0084	BOROKO	10,800.00	4	0045	MT HAGEN	11,000.00
57	0051	GRANVILLE	11,800.00	3	0219	HOHOLA	12,500.00	12	0086	BOROKO	13,770.00	30	0045	MT HAGEN	10,833.81
58	0051	GRANVILLE	11,550.00	12	0219	HOHOLA	15,837.38	2	0088	BOROKO	10,725.00	39	0048	MT HAGEN	11,400.00
79	0051	GRANVILLE	29,040.00	13	0219	HOHOLA	14,000.00	5	0088	BOROKO	10,725.00	10	0083	MT HAGEN	10,050.00
97	0051	GRANVILLE	12,94.00	14	0219	HOHOLA	14,350.00	13	0088	BOROKO	14,825.00	4	0082	MT HAGEN	26,850.00
101	0051	GRANVILLE	13,500.00	37	0225	HOHOLA	22,700.00	1	0090	BOROKO	10,725.00	11	0005	KAGAMUGA	25,000.00
2	0056	GRANVILLE	14,800.00	153	0226	HOHOLA	49,078.43	8	0090	BOROKO	12,200.00	12	0005	KAGAMUGA	12,805.00
6	0056	GRANVILLE	22,286.34	18	0229	HOHOLA	10,500.00	11	0093	BOROKO	11,825.00	17	0007	KAGAMUGA	21,275.00
7	0060	GRANVILLE	30,275.00	25	0230	HOHOLA	11,170.00	14	0094	BOROKO	10,585.00	20	0010	KAGAMUGA	10,500.00
9	0060	GRANVILLE	22,500.00	12	0237	HOHOLA	10,230.00	18	0094	BOROKO	11,250.00	7	0002	MINJ	10,172.65
14	0062	GRANVILLE	42,000.00	18	0237	HOHOLA	14,910.00	26	0094	BOROKO	17,635.00	1	0010	MINJ	10,370.00
33	0063	GRANVILLE	30,708.76	48	0237	HOHOLA	15,440.00	27	0094	BOROKO	13,320.00	17	0007	GOROKA	11,000.00
34	0063	GRANVILLE	22,280.00	49	0237	HOHOLA	15,180.00	40	0094	BOROKO	10,250.00	17	0023	GOROKA	13,020.00
35	0063	GRANVILLE	12,150.00	66	0237	HOHOLA	15,200.00	5	0096	BOROKO	13,200.00	60	0033	GOROKA	57,500.00
3	0013	HOHOLA	12,750.00	1	0238	HOHOLA	14,985.00	7	0096	BOROKO	18,000.00	26	0036	GOROKA	32,180.00
6	0013	HOHOLA	11,544.00	8	0238	HOHOLA	15,085.00	18	0096	BOROKO	15,500.00	50	0050	GOROKA	10,200.00
149	0016	HOHOLA	18,200.00	19	0238	HOHOLA	15,175.00	22	0096	BOROKO	10,500.00	3	0082	GOROKA	79,321.00
34	0022	HOHOLA	10,795.00	43	0238	HOHOLA	14,765.00	8	0098	BOROKO	45,060.00	4	0001	HENGAMAOFI	36,390.00
6	0027	HOHOLA	30,352.74	19	0239	HOHOLA	18,050.00	7	0099	BOROKO	13,700.00	19	0001	MENDI	10,700.00
9	0027	HOHOLA	15,811.76	1	0243	HOHOLA	17,275.00	13	0100	BOROKO	11,800.00	30	0006	MENDI	13,800.00
29	0035	HOHOLA	34,500.00	5	0244	HOHOLA	15,400.00	17	0100	BOROKO	11,700.00	73	0032	TARI	13,500.00
13	0036	HOHOLA	12,390.00	14	0254	HOHOLA	10,985.00	1	0102	BOROKO	12,925.00	5	0013	TARI	14,314.00
19	0048	HOHOLA	14,550.00	18	0255	HOHOLA	21,070.00	6	0102	BOROKO	16,200.00	4	0013	WAPENAM	16,450.00
54	0048	HOHOLA	10,080.00	55	0274	HOHOLA	10,340.00	25	0116	BOROKO	14,900.00	26	0011	MADANG	24,250.00
58	0048	HOHOLA	10,250.00	1	0215	HOHOLA	30,599.30	27	0116	BOROKO	26,500.00	15	0012	MADANG	21,975.00



# Wiken Spot Dru

## THE 2000 LAE COCA COLA CORPORATE TOUCH DRAW

Round 3  
18/7/2000

F1 Lae City vs Supa Value  
F2 Ela Motors vs Niugini Electrical

Round 4  
19/7/2000

F1 BP PNG vs Arnotts  
F2 Toba Motors vs PNG Motors

Bye Coca Cola

19/7/2000

5.45 Bellek vs Herbalife  
Boroko Motors vs Goodman Fielders

6.35 NG Tablebirds vs Truckit  
Gamoga & Co vs Boroko Motors

## COCA-COLA LAE CORPORATE TOUCH COMPETITION POINTS TABLE

Wednesday

Club	P	B	W	L	D	FFF	A	F/A	Pt
LCC	9	-	1	5	-	2	22	58	36-8
E/Motors	9	1	3	5	1	-	52	48	6-16
G/Lawyers	9	1	4	4	1	-	46	38	8-18
S/Value	9	1	4	2	3	-	39	36	3-20
BPPNG	9	1	3	5	-	1	42	61	19-14
B/Motors	2	9	-	8	1	-	64	36	28-25
C/Cola	9	1	3	5	-	1	28	53	25-14
A/Biscuits	9	1	4	3	2	-	54	36	18-19
N/Electrical	8	2	6	1	1	-	51	33	18-21

Tuesday

Club	P	B	W	L	D	FFF	A	F/A	Pt
G/Fielders	8	-	5	2	1	-	47	40	7-19
N/Tablebirds	8	-	1	7	-	-	29	52	23-10
T/Motors	8	-	4	2	2	-	55	31	24-18
B/Motors	8	-	4	2	2	-	39	31	8-18
B/Chemicals	8	-	7	-	1	-	55	27	28-23
Truckit	8	-	4	8	-	-	20	64	44-8
PNG Motors	8	-	5	1	2	-	42	21	21-20
Herbalife	8	-	2	6	-	-	26	47	21-12

## KOIJARI RUGBY LEAGUE DRAW

Round: 2/5 (10)  
Date: Sunday, July 16, 2000.  
Oval: Iarowari (Sogeri)

11.00 B Hooks Tigers vs Sogeri Choice  
12.00 B Crystal Eels vs Sirinumu Ops  
01.00 B IBS Pukpuks vs Trek Warriors  
02.00 A Tigers vs Sogeri Choice  
03.00 A Crystal Eels vs Sirinumu Ops  
04.00 A IBS Pukpuks vs Trek Warriors

Results - For Last Weekend Round 2/4 - Sunday, July 9, 2000.

B	Warriors	12	defeat	Eels	7
B	Tigers	8	defeat	Ops	6
B	Pukpuks	8	defeat	Choice	6
A	Warriors	6	defeat	Eels	2
A	Tigers	18	defeat	Ops	4
A	Pukpuks	16	defeat	Choice	6

### Points Ladder

Club	P	B	W	L	D	F	A	Pt
<b>A Grade</b>								
Sogeri Choice	9	6	2	1	77	69	14	
IBS Pukpuks	9	6	-	3	93	72	12	
Trek Warriors	8	5	1	2	88	50	11	
Crystal Eels	4	1	4	84	70	9		
Hooks Tigers	9	2	1	6	88	116	5	
Sirinumu Ops	8	-	1	7	54	122	1	
<b>B Grade</b>								
Crystal Eels	8	6	-	2	61	40	12	
Hooks Tigers	8	5	1	2	39	28	11	
Sogeri Choice	8	4	1	3	42	48	9	
Trek Warriors	8	3	1	4	42	42	7	
IBS Pukpuks	8	3	-	5	52	54	6	
Sirinumu Ops	8	1	1	6	32	48	3	

## PORT MORESBY RUGBY FOOTBALL

## LEAGUE INC COMPETITION POINTS TABLE AND MATCH RESULTS

Round 15  
July 8-9, 2000.

Grade A

Club	P	W	D	L	Pts
Souths	15	12	2	1	26
Brothers	15	10	1	4	23 <sup>A</sup>
Paga	15	12	0	3	22 <sup>x</sup>
Post Puma	15	9	0	6	18
Royals	15	8	1	4	17
Magani	15	8	1	6	17
Waliya	15	7	3	5	15 <sup>x</sup>
Kone Tigers	15	7	3	5	15 <sup>x</sup>
Defence	15	6	2	7	14
Dobo Warriors	15	6	2	7	14
Tarangau	15	7	0	8	14
Hawks	15	3	1	10	11 <sup>A</sup>
West	15	1	0	14	2
Gerehu United	15	1	0	14	2

<sup>A</sup> Denotes points awarded on technical grounds.  
<sup>x</sup> Denotes points deducted on technical grounds.

### Match Results

Round 14

Souths	20	f/i	Gerehu United	0
Post Puma	20	beat	Waliya	17
Kone Tigers	18	beat	Royals	16
Magani	60	beat	Hawks	20
Defence	34	beat	Brothers	26
Paga	34	beat	Tarangau	18
Dobo Warriors	54	beat	West	24

### SP CUP 2000

Round six results

Rabaul Gurias	26	def	Goroka Lahanis	6
Simbu Warriors	30	def	Lae Bombers	14
Hagen Eagles	28	def	Waghi Tumbe	0
Mendi Muruks	9	def	Enga Mioks	4

Bye Vipers

### Points Ladder

Club	P	W	L	D	F	A	Pt
Enga Mioks	6	5	1	-	97	-	74-10
Rabaul Gurias	5	4	1	-	92	-	73-8
Hagen Eagles	5	3	2	-	111	-	56-6
Mendi Muruks	4	3	1	-	73	-	52-6
Pom Vipers	5	2	2	1	88	-	82-5
Lae Bombers	5	2	3	-	59	-	67-4
Simbu Warriors	6	2	4	-	108	-	127-3
Goroka Lahanis	5	1	3	1	74	-	99-3
Waghi Tumbe	5	-	5	-	40	-	116-0

Round six draw (Sunday, July 16, 2000).

Simbu Warriors	vs	Hagen Eagles	(KWA)
Mendi Muruks	vs	Rabaul Gurias	(KPO)
Lae Bombers	vs	Goroka Lahanis	(LAE)
Enga Mioks	vs	Port Moresby Vipers	(POM)

Bye Tumbe

## NATIONAL CAPITAL DISTRICT VOLLEYBALL ASSOCIATION YEAR 2000 DRAW

Venue: Sir John Guise Indoor Hall  
Date: Saturday, July 15, 2000.

Court 1

0830	Raukele vs Vailima	WAR
1000	Scorpions vs Mixtures	WA
1130	Telikom vs Hoppers	WA
0100	Raukele vs Vailima	WA
0230	U-Mi-Yet vs NCDC	WA

Court 2

0830	Telikom vs Hoppers	MAR
1000	Raukele vs Vailima	MA
1130	NCDC vs U-Mi-Yet	MA
0100	Telikom vs Hoppers	MA
0230	Scorpions vs Mixtures	MA

Court 3

0830	U-Mi-Yet vs NCDC	WAR
------	------------------	-----

1000	Telikom vs Hoppers	WAR
1130	Scorpions vs Mixtures	WAR
0100	U-Mi-Yet vs NCDC	MAR
0230	Raukele vs Vailima	MAR
0400	Scorpions vs Mixtures	MAR

Sunday, July 16, 2000.

Court 1

0830	U-Mi-Yet vs Hoppers*	MAR
1000	Telikom vs NCDC	MAR
1130	Scorpions vs Vailima	MA
0100	U-Mi-Yet vs Hoppers*	MA
0230	Scorpions vs Vailima	MA

Court 2

0830	Scorpions vs Vailima	WAR
1000	Telikom vs NCDC	WAR
1130	U-Mi-Yet vs Hoppers*	WA
0100	Scorpions vs Vailima	WA
0230	U-Mi-Yet vs Hoppers*	WA

Note: Officials for 8.30am matches:

Court 1  
Scorpions & Vailima

Court 2  
U-Mi-Yet & Hoppers

\*Outstanding matches

## COCA COLA PORT MORESBY NETBALL ASSOCIATION WEEKEND DRAW

Week 11  
Saturday, July 15, 2000.

### Juniors

U10 Pool A - 0800am

C1	CP Rebels vs Holy Rosary
C2	L. Telstars vs Ted Diro
C3	LB Mermaids vs BB Kings
C4	Chevron P. vs TST Kempa

U10 Pool B

C5	Boreboa vs Rakaone
C6	L. Telstars vs Mase
C7	Bavaroko vs Holy Rosary

U13 Pool A - 0830am

C1	CP Rebels vs June Valley
C2	Chevron P. vs St Theresa
C3	LB Mermaids vs L. Telstars
C4	BB Kings vs TST Kempa

U13 Pool B

C5	Hagara vs TST Kempa
C6	St Peters vs St Theresa
C7	Ted Diro vs LB Mermaids
C8	St Pauls vs CP Rebels

U13 C

C9	St Michael vs Pari
C10	Wardstrip vs Holy Rosary
C11	Kila Kila Pri vs Boreboa
C12	Bavaroko vs Sparrows

U15 Pool D - 0900am

C10	Rakaone vs Tatana Pri
C11	Boreboa vs Philip Aravure
C12	Bavaroko vs Mase

U15 Pool E

C13	CP Sparrows vs Butuka
C14	Holy Rosary vs Philip Aravure
C15	Pari vs St Pauls
C16	Kaugere vs Hagara

U15 Pool A

C1	L. Telstars vs Kila Kila Pri
C2	June Valley vs Mase
C3	TST Kempa vs CP Rebels
C4	LB Mermaids vs Chevron P.

U15 Pool B

C5	June Valley vs Wardstrip
C6	CP Rebels vs Ted Diro
C7	St Pauls vs St Theresa
C8	Hagara vs St Peters

U15 Pool C

C9	Philip Aravure vs Bavaroko
C10	Tatana Pri vs St Theresa
C11	Tokarara Pri vs Butuka
C12	Boreboa vs Badihagwa

## U15 Pool D - 10.00am

C6	Bavaroko vs LB Mermaids
C7	Tokarara Pri vs Kaugere
C8	Pari vs Boreboa
C9	CP Sparrows vs St Peters

## U15 Pool E

C10	BB Kings vs St Michael
C11	Holy Rosary vs Hagara
C12	CP Sparrows vs Pari
C13	Hohola Youth vs Phillip Aravure

## U17 Pool A - 11.00am

C1	Kila Kila Sec vs Badihagwa
C3	CP Rebels vs Hagara
C4	LB Mermaids vs Chevrons P.
C5	Tokarara Pri vs L. Telstars

## U17 Pool B

C6	Badihaga vs Ted Diro
C7	Tokarara vs Hohola Youth
C8	Philip Aravure vs Kila Kila Pri
C9	LB Mermaids vs Luvoni

## U17 Pool C

C11	Holy Rosary vs Mase
C12	Bavaroko vs Gavuone

Bye Boreboa

## U21 Pool A - 12.00pm

C1	Sogeri vs Chevron P.
C3	Luvoni vs L. Telstars
C4	LB Mermaids vs Kila Kila Sec

## U21 Pool

C5	Hohola Youth vs Mase
C6	Chevron P. vs TST Kempa
C7	BB Kings vs Sogeri

Bye LB Mermaids

## Seniors

### Golden Oldies - Court 1

1.00pm	L. Telstars vs TST Kempa
2.00pm	Luvoni vs Rakaone

Bye Chevron P.

### Division One - Court 2

11.00pm	TST Kempa vs Rakaone
12.30pm	CP Sparrows vs LB Mermaids
2.00pm	Chevron P. vs L. Telstars
3.30pm	BB Kings vs CP. Rebels

### Division Two - Court 3

1.00pm	Angels vs LB Mermaids
2.00pm	BB Kings vs TST Kempa
3.00pm	Ralawal vs SP Sparrows
4.00pm	CP Rebels vs Chevron P.

### Division Three - Court 4

1.00pm	TST Kempa vs CP. Sparrows
2.00pm	Pelagai vs Kawaimiri
3.00pm	L. Telstars vs Luvoni
4.00pm	PNGBC Kros vs Imuty Lele

### Division Four - Court 5

1.00pm	Chevron P. vs Gavuone
2.00pm	Mase vs Warumana
3.00pm	PNGBC Kros vs Pewalla
4.00pm	Logohu vs Nabuaton

### Division Five - Court 6

1.0
-----



# WANTOK SPOT



Olpela Mosbi Vipers pilaia, Tuksy Karu, bai bungim tim husat i bin rausim em long pilai wantaim ol ...

## HENRY MORABANG i raitim

ENGA Mioks bai laik strongim yet posisen bilong ol long poin lata taim ol i bungim Pot Mosbi Vipers long dispela Sande. Gem ya bai kamap long Llyod Robson oval long Pot Mosbi.

Mioks i sindaun long namba wan ples, na Vipers i stap namba faiv. Long stori bilong tupela, Mioks i save painim hat tru long winim Vipers. Tasol dispela Sande, ol bai win yet.

Ol boi Enga i gat risen long win. Namba wan em ol bai soim olsem Tuksy Karu em i no lapun o slek yet. Karu i wok long helpim tru tim bilong Mioks long winim ol gem. Em i kisim gutpela sapot i kam long ol biknem pilaia olsem Andrew Kanamon, Raymond Karl, Nathan Anjo na Paul Minap.

Karu yet i no inap pilai inta siti ragbi lig. Tasol tim menesmen bilong Enga Mioks i ting em i gat seken sans.

Tingting na hatwok bilong ol Enga Mioks i karim kaikai stret. Bihain long 6-pela gem nau, Karu wantaim Karl i pairapim stret Mioks i go long namba wan ples long poin lata ya.

Planti ol sapota bilong Wests bai kamap long lukim wantok bilong ol i joinim Enga. Tuksy Karu i gat laki sans bikos planti ol bikman bilong Enga olsem Michael Yaipupu na planti arapela, i tromoi bikipela mani tru long sapotim tim West.

Ripot i kam long Wabag i tokaut olsem Tuksy Karu i sindaun gut na tingting tasol long helpim Enga Mioks long winim primiasip bilong SP Kap.

Karu nau i mas soim ol selekta bilong Pot Mosbi Vipers olsem pawa bilong em i no slek. Em i gat kik yet.

Ol yangpela pilaia bilong Vipers olsem Richard Sinamoi, Roy Amburi na Leonard Tarum bai mas wok hat moa long stapim Tuksy na ol boi Enga.

Taim Tuksy joinim Enga Mioks, em i winim planti sapota tru ya. Olsem na taim Enga Mioks raun long hap bilong Hailens, ol sapota i save raun na dispela i givim moa strong long ol long win.

Planti sapota bai i no inap kamap long Pot Mosbi, tasol ol i save ol kaim long Sentral provins bai kapsait long lukim dispela bikipela gem ya.

Dispela gem namel long Pot Mosbi Vipers na Enga Mioks bai kamapim bikipela paia long Sande.

Na long arapela ol gem, Simbu Warriors i redi tasol long winim Mt Hagen Eagles. Warriors i bagarapim tru sindaun bilong Lae Bombers 30-14, na i redi tasol long mekim save long ol Kange.

Mendi Muruks i mas tingting gut taim ol i raun long Kokopo. Nogut bilas bilong ol meri Tolai na pasin nambis bai paulim tingting bilong ol. Ol Muruks i noken kisim kain tingting na pasin bilong Goroka Lahanis husat i go olsem ol lokel turis.

Rabaul Guria i redi tasol long meknais taim Muruk i krungutim Tokua Ples balus.

Insait long dispela gem, Rabaul i gat gutpela sans long win. Bihain long tupela gutpela win, ating ol boi bilong Is Nu Briten bai paia yet.

Lae Bombers nau bai laik bekim dinau bilong lus ya. Ol i kaikai ples tais blong Dickson oval.

Ol boi bilong Joe Katsir i mas kaikai tim stret ya. Olsem na noken wari, dispela wik Sande em taim bilong yupela ol wanples long bekim dinau.



• Tuksy Karu i soim stail bilong em long Wests ragbi lig klap long Pot Mosbi. Karu lukim em long nupela Enga Mioks yunifom long Sande.

## Em i Gutpela Em i Tuna Em i bilong PNG stret...

PROUDLY



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.

# Umboen

Pepa Bilong Helpim Ol Lida Bilong Ples Na Sios Insait Papua Niugini

No 3 MEI/JUN, 2000

## INSAIT

- Sapos Edukesin sistem i kamapim hevi, yumi mas senisim nau

- pes 1, 2 na 5

- Stori bilong Bisop Se Zurewe Zurenuoc

- pes 3, 4, 5 na 6

- Kain kain toktok giaman

- pes 3

- Mining bilong pilai spot

- pes 7&8

## Sapos Edukesin Sistem i Gat Hevi - Yumi Mas Senisim Nau

Long mun Me, sekretari bilong dipatmen bilong edukesin Peter Baki i tokaut olsem nau moa long 50 tausen (50,000) yangpela manmeri i raun long painim sampela kain wok long ol taun na siti insait long PNG. Long neks yia 2001 dispela namba bai go antap moa, na long yia 2002 Bikos long olgeta yia i kam bai planti moa yangpela manmeri bai pinisim skul na traim long painim sampela kain wok long ol taun na siti.

**Bilong wanem planti ol yangpela manmeri i save painim wok long olgeta yia**

Dispela samting i kamap bikos rot o sistem bilong edukesin yumi gat nau i wok long kamapim planti yangpela manmeri i pinisim skul na lukluk long painim sampela kain wok mani. Bai yumi lukluk gut na skelim dispela. Dispela hevi i wankain olsem olgeta hevi na i no save kamap nating. Olgeta samting i save


bihainim sampela rot long kamap olsem. Olgeta bilong ol dispela yangpela manmeri (50,000) i bin pinisim sampela kain skul. Planti i pinisim Gred 6, planti i pinisim Gred 8 na Gred 10 na Gred 12. Planti i pinisim bikpela skul tu olsem ol Koles na Yunivesiti. Planti i bin pinisim ol Vokesinel skul tu.

Yumi ken skelim olsem long stat bilong olgeta yia moa long 100,000 yangpela manmeri i save go long skul. Long wan wan yia ol i pinis wanpela klas

na muv i go long nara-pela klas na i go moa yet olsem. Taim ol i kamap long pinis bilong olgeta skul, em nau ol i laik painim wok. Tasol taim yumi skelim gut namba bilong hamas wok i kamap long olgeta yia, namba bilong wok i no inap long kisim namba bilong ol yangpela manmeri i save pinisim skul. Ol wok i kamap long wan wan yia i liklik tumas long namba bilong ol manmeri i pinisim skul. Liklik lain tasol inap kisim wok long wanwan yia. Na bikpela lain i no inap kisim wok. Nau ol i raun long olgeta hap long traim painim sampela kain wok.

Yumi olgeta i luksave long dispela hevi na dispela hevi i no nupela samting. Dispela hevi i stat long taim bilong Indipendens i kam inap nau yet. Na namba bilong yangpela manmeri i nogat wok tu i bikpela moa nau. Long

i go long pes 2



Plantu ol sumatin husat i save pinisim skul i save bungim kain kain hevi long painim wok mani.



## Melanesian Institute

PO Box 571  
Goroka 441,  
Eastern Highlands Province,  
PAPUA NEW GUINEA

Telephone: +675 732 1777  
Facsimile: + 675 732 1214  
Email: emmai@online.net.pg

Publishers also of:

**CATALYST**

- *Social Pastoral Journal for Melanesia.*

**POINT**

- *Book Series for Melanesia.*

## SKELIM TOKTOK

Yumi olgeta i save olsem taim yumi go long skul bai yumi kisim save long rit na rait na planti arapela save tu. Wantaim dispela save bai mipela i ken kisim wok bihain taim. Taim mipela i wok bai mipela i kisim pe. Wantaim pe mipela baim planti samting. Wantaim mani mipela i wokim haus, baim gutpela klos, baim kar na kirapim bisnis tu. Wok na mani em i bikpela samting long laip bilong planti bilong mipela nau.

Em i tru nau olsem skul na kisim save na mekim wok i kamap orait long PNG.? Ating i tru na i no tru. Yumi bai skelim olsem wanem! Skul na kisim save i orait yet. Pinisim skul na kisim wok i no rait. Ating i stret long yumi tok olsem "pinisim skul na painim wok". Skelim ol toktok insait long *Umben* long Edukesin Sistem. Ating em i taim nau bilong mekim bikpela senis long Edukesin sistem long PNG.

Stori bilong Bisop Se Zurewe bai stap insait long histori bilong Luteran Sios na tu histori bilong PNG. Wantaim gutpela wok bilong Bisop bipo planti senis i kamap insait long Sios na kantri bilong yumi. Taim yumi amamas long 25 yia bilong independens bilong PNG, yumi tingim na tok tenkyu long olgeta lain i mekim bikpela wok bilong mekim kantri bilong yumi i stap gut nau. Mipela i givim bikpela tenkyu long Bisop Se Zurewe tu.

Yumi skelim pasin bilong pilai spot long PNG. Yumi gat wanem kain pasin long pilai spot. Em i samting bilong bung na amamas na pilai wantaim, o em i samting bilong resis na belhat na pait. Taim yu go lukim wanpela pilai long Sarere o Sande, yu lukluk gut na skelim wanem kain pasin i stap long ol lain i pilai. Sapos yu yet i save pilai wanpela spot, yu skelim wanem kain bel na tingting bilong yu long pilai.



# Sapos Edukesin Sistem i Gat Hevi - Yumi Mas Senisim Nau

## i kam long pes 1

20 yia i go pinis namba bilong ol dispela lain i liklik, tasol nau namba bilong ol dispela yangpela i bikpela tru. Olgeta yia bai namba i go antap moa yet.

## Em i wok bilong husat long stretim dispela hevi

Dispela askim yumi olgeta i mas askim. Em i wok bilong husat long daunim na stretim dispela hevi. Yumi luksave nau long dispela hevi em i gutpela long yumi traim long lukluk na painimaut rot bilong stretim. Planti bilong yumi i tok olsem em i wok bilong Gavman bilong yumi. Dispela tok em i tru. Yumi ken luksave tu olsem Gavman i mekim gut wok bilong daunim dispela hevi, o nogat. Ating planti bilong yumi bai tok stret olsem Gavman bilong mipela i no mekim inap wok bilong daunim dispela hevi. Gavman i traim kain kain rot bilong daunim dispela tasol i luk klia olsem dispela ol wok Gavman i mekim i no kamapim gutpela rot yet long stretim dispela bikpela hevi.

## Pinisim skul na kisim wok

Yumi lukim olsem edukesin sistem i bihainim wanpela rot tasol. Ol pikinini i stat skul long prep na i go inap gred 10 na koles na yunivesti i save tingting olsem taim ol i pinisim skul bai ol i gat wok. I no ol skul manmeri tasol i gat dispela tingting, nogat ol papamama na lain bilong ol pikinini tu i save gat dispela tingting. Long PNG yumi save olsem planti taim

papamama na tu ol lain bilong famili i save helpim long peim skul fi bilong ol pikinini. Na ol i save olsem taim pikinini i pinisim skul bai em i kisim wok na bai bekim ol dispela mani ol i bin helpim em. Taim wanpela angkel o anti i bin helpim long baim klos o samting bilong skul, ol i save olsem dispela pikinini bai bekim bihain taim em i kisim wok.

Yumi luksave olsem nau em bai hat tru long senisim dispela rot. Tru nau yet yumi lukim Gavman na Sios na tu ol arapela i traim strong long senisim dispela, tasol em i hat tru. Gavman na Sios na ol arapela lain i traim long kirapim ol skul bilong helpim ol yangpela long go bek na mekim wok

Plantia moa ol yangpela i no tingting long go bek long ples. Bilong wanem ol i lukim ples i no wankain olsem laip long taun na siti. Ol i pilim olsem laip long taun na siti i isi moa. Wok mani long taun na siti i isi moa long ol kain wok long ples, we bai ol i mekim bikpela wok i nogat gutpela pe o mani olsem long taun na siti.

Sapos yumi larim dispela rot bilong skul i stap yet olsem bai yumi gat hevi long kamapim planti yangpela manmeri i nogat wok. Dispela bai bringim moa hevi long olgeta yia. Dispela hevi bai i no inap pinis tasol bai go yet olgeta yia. Ating yumi gat bikpela wok nau long painim narapela rot bilong

nogat planti wok i stap long taun na siti. Ating ol yangpela i tingting nau olsem kisim wok long taun na siti i samting tru. Na wok long ples i nogut. Planti i laki na kisim sampela kain wok, tas ol planti i no inap. Wok bilong taun na siti i winim wok bilong ples!!! Taim yumi go long siti olsem Lae na Port Moresby na tu long olgeta taun bai yumi lukim planti tausien ol yangpela manmeri i raun nating.

Long traim daunim dispela hevi bai yumi mekim wanem?

## Bai yumi skelim sampela rot bilong kisim tingting bilong daunim dispela hevi



**Plantia ol yangpela i save ting kisim wok i samting tru. Plantia i laki bai painim wok tasol long on taun, plantia yangpela manmeri i save raun nating.**

long ples, olsem wok edukesin em i daunim dispela ol hevi. gaden, liklik bisnis na ol projek olsem kumu gaden na lukautim pik na kakaruk na arapela kain wok olsem. Dispela i givim planti helpim tru, tasol em yet i no inap daunim dispela hevi.

## Tru ol yangpela i laik go bek long ples?

edukesin em i daunim dispela ol hevi.


## Wanem kain ol senis bai yumi lukluk long en?

Yumi luksave nau olsem rot bilong skul i save bringim planti yangpela manmeri long pinisim skul na traim long painim wok. Tasol yumi luksave tu olsem i

1. Nambawan samting yumi ken skelim em - gavman i save long dispela hevi o nogat? Ol gavman bilong bipo na nau i tok olsem ol i luksave long dispela hevi tasol ol i no mekim yet samting inap long stretim na pinisim dispela hevi. I kam inap nau yia 2000 yumi lukim olsem gavman i no wokim yet

**i go long pes 5**

# Nambawan Papua Niugin Bisop bilong Luteran Sios



Stori Bilong  
Bisop Se Zurewe  
Zurenuoc

Long yia 1938 mi bin pin-  
isim skul na kamap wan-  
pela tisa bilong Sios. Mi  
bin yangpela man tru  
olsem na ol i putim mi  
long wok wantaim wan-  
pela tisa em i bikman na  
nem bilong dispela tisa  
em Desiang. Taim mi wok  
klostu wantaim Desiang  
mi bin lainim planti samt-  
ing. Em i lainim mi gut  
long planti wok bilong  
kongregesin na pasin  
bilong lotu.

Long de 28 bilong mun Me  
bilong yia 1941, mi bin  
marit long haus lotu long  
Sattelberg long  
Finshafen. Meri mi bin  
maritim em pikinini bilong  
wanpela man long p'es  
Masangko. Nem bilong  
meri bilong mi em Eleju.  
Long dispela taim tu  
bikpela pait o Wel Wo 2 i  
kamap long Pasifik na  
PNG tu. Olgeta wok bilong  
Sios i bagarap. Planti  
misineri i bin ranawe i go  
long Australia na planti tu  
i bin dai long dispela pait.  
Mipela tu i bin stap hait  
long dispela taim.

Bihain long dispela  
bikpela pait Wel Wo 2, mi



Dr John Kuder, namba  
wan Bisop bilong  
ELCONG long 1956-  
1973.

i givim mi wok tisa long  
Gagidu. Long yia 1946  
taim mi wok tisa long  
Gagidu mi bin kisim sik  
TB. Dokta i sekim mi na i  
tok mi kisim dispela sik na  
em i tokim mi long lusim  
wok tisa na go bek na  
stap long ples. Long dis-  
pela taim i no bin gat  
marasin bilong daunim sik  
TB. Mi bin stap long ples  
olsem 5 pela yia olgeta.

Long yia 1950 mi go long  
Buangi haussik long  
Finshafen bikos mi bin  
harim olsem ol dokta i  
painim pinis marasin  
bilong dispela sik. Long


sekretari o sampela kain  
wok insait long opis bilong  
Sios.

Taim mi bin sik, bodi  
bilong mi i nogat strong  
na tu planti taim mi  
trautim blut nogut. Long  
dispela taim mi givim  
olgeta tingting na bilip  
long strong bilong God na  
tu bilip olsem God tasol  
bai oraitim mi long dispela  
sik. Sampela taim mi save  
pre olsem: 'O Jisas helpim  
mi bai mi kisim strong na  
go bek long wok, wanem  
wok mi laik mekim em  
long lukautim stoa bilong  
ol Niugini man.' Mi gat

bilong en." Mi guria na mi  
kirap na askim: 'Wanem?'  
Na dispela maus i mekim  
tok gen. 'Ritim 2 Pita 2:3.'  
Nau taim mi harim gut mi  
kirap na kisim Baibel na  
mi ridim dispela hap tok.  
"Ol dispela man ol i man  
bilong mangal tru, olsem  
na ol bai i mekim planti  
tok giaman bilong pulim  
mani samting bilong  
yupela. Tasol bipo tru God  
i makim de bilong kotim ol  
na em i tok long ol bai i  
lus. Na dispela bagarap i  
laik kamap long ol, em i  
no slip. Nogat. Em i wet i  
stap.' Taim mi ridim dis-  
pela hap bilong pas bilong  
Pita, mi save olsem God i  
no laik bai mi wok olsem  
bisnis man, & nogut bai mi  
giamanim ol pipel na  
mekim profit tasol.  
Dispela samting i bin  
kamap taim mi stap long  
namba 3 yia long sik  
bilong mi.

Taim dispela longpela  
taim mi bin sik, mi bin  
ridim Nupela Testamen  
olgeta long wanpela yia.  
Mi stat long nambawan de  
bilong Jenuari long  
Gutnius bilong Matyu na  
mi pinisim long mun  
Disemba long buk bilong  
Revelesin bilong Jon. Mi  
bin mekim olsem long  
5pela yia olgeta. Mi bin  
kisim gutpela save long  
Nupela Testamen. Planti  
yia bihain taim mi wok  
olsem sekreteri bilong  
wok bilong Baibel dispela  
save i bin helpim mi tru.  
Na mi gat bikpela tenkyu  
long dispela.

Dispela sik bilong mi bin  
olsem traim na hevi long  
laip bilong mi. Dispela i  
mekim mi bilip olsem God  
i go long pes 5



Namba wan haus lotu long Sattelberg (1903).

stat gen long wok tisa. Pe  
mi bin kisim long wok tisa  
long dispela taim i bin lik-  
lik tru olsem K3 long wan-  
pela yia. Bikos long dis-  
pela kain pe mi no la ik  
moa mekim wok tisa. Mi  
lusim kongregesin na mi  
go lukim kiap em wokman  
bilong gavman. Wok tisa  
bilong gavman i save  
kisim pe em i antap liklik  
long tisa bilong Sios. Kiap

Buangi haussik mi stap  
tupela yia. Long dispela  
taim bilong bikpela sik, mi  
bin pre strong tru bai God  
i daunim dispela sik long  
bodi bilong mi. Mi pre  
olsem sapos God i oraitim  
m' long dispela sik bai mi  
go na mekim wok bilong  
em. Mi save olsem mi  
nogat inap strong long  
mekim narapela wok. Mi  
inap long mekim wok

bikpela bilip olsem Jisas  
bai harim na bekim pre  
bilong mi. Tasol God i no  
laikim dispela pre bilong  
mi na em i bekim olsem.  
Wanpela nait mi slip na mi  
harim wanpela maus i tok-  
tok klostu long yau bilong  
mi. Dispela maus i toktok  
olsem: 'Kirap na kisim  
Baibel bilong yu na ridim  
nambatu pas bilong Pita,  
sapta 2, lain 3 inap pinis

# Nambawan Papua Niugin Bisop bilong Luteran Sios

## i kam long pes 3

i helpim mi tru. Meri bilong mi tu i helpim mi long pre olgeta de bai mi kamap orait gen. Taim mi gat dispela bikpela sik planti pipel i no bilip olsem mi gat sik TB. Ol i tok mi gat sik bilong ples, em sik i kamap long posin. Sampela marasinman bilong ples i kam lukim mi na givim mi kain kain marasin bilong ples olsem kavavar na skin diwai na tu wara bilong rop bilong bus na kain kain lip tu. Mi yet tu bin bilip long dispela marasin bilong ples, tasol yet sik bilong mi i no bin pinis. Dispela i mekim mi tingting olsem ol dispela marasin i giaman bilip tasol. Long dispela taim sik bilong mi tu i go kamap nogut tru na ol lain bilong mi i mas karim mi i go long Buangi haussik.

Nait bipo long ol i bringim mi i go long Buangi long haussik, mi bin driman long slip bilong mi. Long dispela driman mi lukim mi stap long haus bilong wanpela lapun misineri long Sattelberg stesin. Long dispela haus mi sindaun na taip long wanpela taip raita masin. Bihain taim mi kirap long slip mi stori long meri bilong mi long dispela driman, mi tokim em olsem taim sik bilong mi i pinis bai mi kisim wanpela gutpela wok. Taim mi go stap long haussik, sik i pinis isi isi na bodi bilong mi i wok long go strong gen. Long haussik mi sindaun na raitim ol toktok long ol kain kain bilip bilong ples em ol pipel i bilip long en. Dispela pas mi raitim na mi salim i go long hetman bilong kongrigesin long Sattelberg, nem bilong em Mokiong. Long dispela pas mi toktok long bilip long pasin bilong posin na olkain bilip long marasin bilong ples bilong stretim

sik. Mi toktok tu long ol malira bilong mekim pik i pat na mesik bilong gaden, mesik bilong painim abus long bus na solwara. Na pasin bilong lotu long ol tumbuna i bin dai pinis.

Mi yet nau i bilip olsem olgeta dispela samting i samting nating na giaman tasol. Mi salim dispela pas long kongregesin long toksave long ol long dispela giaman bilip. Long pinis bilong dispela pas mi raitim olsem: "Mi kalabus man bilong God." Bihain taim sik bilong mi i pinis, mi bin wok strong long daunim ol dispela krangki na giaman bilip. Wanpela kongrigesin long ples Wemo klostu tu long Sattelberg i harim ol dis-

pela toktok mi bin mekim na ol i tok bilas olsem: "Lukim em i makim em yet olsem disaipel bilong Aposel Pol na em i laik stap antap long mipela olgeta." Dispela i kamap bikpela samting tru na tu i kamapim planti kros.

Plantipi pipel i save tingim mi long ol dispela samting i bin kamap. Mi bilip olsem mi mas tokaut long olgeta husat i daunim na bagarapim nem bilong mi. God i blesim na singautim mi long mekim ol wok bilong em. Mi fogivim olgeta husat i tok bilas na daunim mi. Mi putim olgeta long han bilong Jisas. Mekim wok olsem Sekreteri. Mi stap sampela taim long


Buangi haus sik na mi kamap orait gen. Dokta Hoger i salim mi go bek long Sattelberg long mun Januari 1953. Mi stap long ples bilong mi Masangko long sampela wik. Sampela taim bihain wan-

pasim tok long givim wok olsem sekreteri bilong kongrigesin long Sattelberg. Ol lain i stap long dispela komiti em: Papa Zurenuo, Tisa Honeo, Pasta Rabisang na tupela hetman em Desiang na Bafape. Long de 8 bilong mun Mas wok sekreter i long gest haus bilong misin long Sattelberg. Long mun Novemba 1953 taim Dokta Kuder i kam

long Sattelberg long givim tok orait long mi long holim dispela nem na wok olsem sekreteri. Taim mi tupela Dokta Kuder yet i stap long opis, em i tokim mi olsem: "Dispela wok yu kisim em i bikpela wok, sapos yu giaman na yu no wok gut, yu bai bagarapim dispela wok. Mi yet mi mekim planti wok bilong ol pipel olsem na mi kamap lida. Lida i mas go pas na soim rot long ol narapela i bihainim. Yu no mas givim toktok long ol pipel olsem ol toktok bilong yu em lo bai ol i mas bihainim. Yu mas mekim wok bilong yu wantaim strongpela bilip na trupela laik na daun pasin. Planti lida i save pundaun long giaman pasin. Yu mas gat gutpela na stretpela tingting. Bai dispela wok bilong yu bai karim planti kaikai."

Sios Sekreteri bilong Evenjelikos Luteran Sios bilong Niugini.

Long yia 1961 Luteran Misin na Evanjelikal Luteran Sios bilong Niugini (ELCONG) i salim mi i go long Jemani. Long Jemani mi bai givim toktok long wok bilong misin long Niugini. Ol toktok bilong mi bai mekim klia ol memba bilong ol kongregesin long Jemani long save long ol hevi bilong wok misin bai ol i ken helpim long ol ofa bilong ol. Dispela raun bilong mi i helpim mi tu long kisim save long lukautim Sios long bihaintaim. I bin gat sampela pipel i no amamas long raun bilong mi long Jemani. Taim toktok i stap insait long kongrigesin, wanpela lapun hetman bilong kongrigesin nem bilong em Kukule i tokim wanpela lapun tisa nem bilong em Onemu. Onemu i bekim tok long Kukule olsem: "Dispela i go long pes 5



Plantipi pipel i save tingim mi long ol dispela samting i bin kamap. Mi bilip olsem mi mas tokaut long olgeta husat i daunim na bagarapim nem bilong mi. God i blesim na singautim mi long mekim ol wok bilong em. Mi fogivim olgeta husat i tok bilas na daunim mi. Mi putim olgeta long han bilong Jisas. Mekim wok olsem Sekreteri. Mi stap sampela taim long

pasim tok long givim wok olsem sekreteri bilong kongrigesin long Sattelberg. Ol lain i stap long dispela komiti em: Papa Zurenuo, Tisa Honeo, Pasta Rabisang na tupela hetman em Desiang na Bafape. Long de 8 bilong mun Mas wok sekreter i long gest haus bilong misin long Sattelberg. Long mun Novemba 1953 taim Dokta Kuder i kam

long Sattelberg long givim tok orait long mi long holim dispela nem na wok olsem sekreteri. Taim mi tupela Dokta Kuder yet i stap long opis, em i tokim mi olsem: "Dispela wok yu kisim em i bikpela wok, sapos yu giaman na yu no wok gut, yu bai bagarapim dispela wok. Mi yet mi mekim planti wok bilong ol pipel olsem na mi kamap lida. Lida i mas go pas na soim rot long ol narapela i bihainim. Yu no mas givim toktok long ol pipel olsem ol toktok bilong yu em lo bai ol i mas bihainim. Yu mas mekim wok bilong yu wantaim strongpela bilip na trupela laik na daun pasin. Planti lida i save pundaun long giaman pasin. Yu mas gat gutpela na stretpela tingting. Bai dispela wok bilong yu bai karim planti kaikai."

Sios Sekreteri bilong Evenjelikos Luteran Sios bilong Niugini. Long yia 1961 Luteran Misin na Evanjelikal Luteran Sios bilong Niugini (ELCONG) i salim mi i go long Jemani. Long Jemani mi bai givim toktok long wok bilong misin long Niugini. Ol toktok bilong mi bai mekim klia ol memba bilong ol kongregesin long Jemani long save long ol hevi bilong wok misin bai ol i ken helpim long ol ofa bilong ol. Dispela raun bilong mi i helpim mi tu long kisim save long lukautim Sios long bihaintaim. I bin gat sampela pipel i no amamas long raun bilong mi long Jemani. Taim toktok i stap insait long kongrigesin, wanpela lapun hetman bilong kongrigesin nem bilong em Kukule i tokim wanpela lapun tisa nem bilong em Onemu. Onemu i bekim tok long Kukule olsem: "Dispela i go long pes 5

# Nambawan Papua Niugin Bilong Luteran Sios

## i kam long pes 4

yangpela man i mas go long Jemani na nogat man i mas pasim em. Mi bilip olsem taim em i kam bek em bai stap wanpela gutpela wokman na lida bilong kongrigesin." Taim mi bin harim toktok bilong dispela lapun mi bilip dispela ol toktok i bilong Holi Spirit. Holi Spirit bai soim mi rot bilong mekim dispela bikpela wok na bai mi bihainim Jisas na mekim.

Mi bin raun long planti hap long Jemani long toktok long ol pipel long wok bilong misin. Wanpela taim long raun toktok bilong mi, mi bin kam bek long biknait tru long slip. Long bikmoning tru mi harim wanpela toktok long driman bilong mi. Mi pilim olsem wanpela man i sindaun klostu long het bilong mi na i toktok long mi. Em i mekim tok olsem: "Taim yu go bek long Niugini bai mi givim yu wanpela bikpela wok." Taim mi harim olsem mi bin kirap kwiktaim na tokim narapela man husat i bin go wantaim mi, nem bilong em Emesangke long dispela toktok. Mitupela i mekim liklik prea wantaim na bihain mitupela i go bek long slip. Long moning taim mi kisim wanpela pas long Masta W Fugman. Em i stap long Lae na i raitim na salim

dispela pas i go long Jemani. Long dispela pas Masta Fugman i tok olsem Dokta Kuder i tok olsem taim yu kam bek long Niugini bai yu stat wok long bikpela opis bilong ELCONG long Lae. Taim mi ridim dispela pas mi klia long ol samting i bin kamap long nait. Mi klia nau olsem God i gat rot bilong mekim wok bilong Sios i kamap long dispela kantri. Mi na Emasangke i amamas na go yet long raun bilong mitupela long Jemani.

Long mun Oktoba 1962 Sinod o bikpela bung bilong ELCONG i kamap long Boana. Long dispela bung ol i makim mi sekretari bilong ELCONG. Dispela taim tu meri bilong mi i kisim sik na mipela i stap yet long Sattelberg inap Januari 1964 mipela i go long Lae long statim dispela nupela wok bilong mi. Taim mipela i kamap long bris long Lae, nogat wanpela i stap long bungim na kisim mipela. Mipela i wet inap klostu belo na Masta Steven bilong NAMASU kampani i kam long kisim ol kago bilong Kaiapit na i bungim mipela. Em i helpim mipela na bringim mipela i go long St Paul Sios na mipela i stap long hap inap Sios i wokim haus bilong mipela long Ampo.

## Wok bilong mi long 1962 inap 1973

Long 11 pela yia, (1962 - 1973) nambawan wok mi bin mekim em long bungim 3pela distrik long nambis na 3pela distrik long hailans long strongim tingting na wok bung wantaim na kamapim wanpela sios. Mi bin go aut long wan wan distrik na toktok wantaim ol long strongim dispela tingting. Long dispela wok mi mekim mi lukim tru olsem ol distrik i wok long kamap strong. Wok bilong Luteran Misin i gro moa na kamap strong.

Long 1969 na 1970 Sios i kamap moa long lukautim em yet olsem self gavman. Tupela oganaisesin em Luteran Misin na ELCONG i mekim wok wantaim moa yet. Sios i sanap strong yet long ol helpim i kam long arapela kantri olsem Jemani, Amerika, Australia na tu Luteran Wel Federesin. Dispela i soim olsem Luteran Sios long PNG i no kamap independen Sios yet. Ol skul na haussik na ol arapela bikpela wok insait long Sios i kisim yet planti helpim long mani na ol samting long Sios bilong arapela kantri.

Long dispela taim mi stap sekre-

tari bilong Sios mi lukim olsem Luteran Sios bilong PNG bai i no kamap independen Sios kwiktaim. Long lukautim gut na ranim olgeta wok bilong Sios mi gat wok long askim helpim long mani na ol wokmanmeri bilong ol narapela kantri. Dispela pasin bilong askim narapela kantri olgeta taim long helpim long givim mani i save mekim mi tingting planti. Bai mipela i mekim wanem sapos ol arapela kantri i no moa gi vim mipela mani? Mipela yet i no inap long lukautim ol skul na haussik na ol arapela bikpela wok Sios i kirapim wantaim helpim bilong ol arapela kantri. Wanpela tingting mi oltaim save gat em - yumi mas kirapim wok bilong Sios long wanem ol strong yumi gat nau. Yumi no ken kirapim wok em bihain bai yumi no inap long lukautim. Taim yumi gat ol bikpela samting em bai hat long yumi long lukautim. Taim mi wok olsem sekretari God i mekim mi redi long kamap nambawan bisop bilong PNG insait long Luteran Sios.

## Nambawan Nesenel Bisop bilong Evanjelikal Luteran Sios long PNG

Long yia 1972 Bisop Kuder i  
i go long pes 6

# Sapos Edukesin Sistem i Gat Hevi - Yumi Mas Senisim Nau

## i kam long pes 2

bikpela wok senis long ol daunim dispela hevi. Ating gavman i ting olsem dispela em liklik samting. O ating gavman i tingting long ol narapela samting em i bikpela moa long dispela hevi.

Gavman i gat wanpela opis em Dipatmen bilong Edukesin na dispela dipatmen i gat ol save manmeri bilong lukautim wok bilong edukesin i stap, tasol i luk olsem ol i no mekim inap wok long stretim dispela hevi. Gavman tu i gat wanpela opis em i gat wok bilong

lukluk (risets) na skelim ol wok na kamapim gutpela rot bilong mekim wok i kamap moabeta. Dispela opis em opis bilong NESENEL RISETS INSTITIUT. Dispela opis em gavman i kirapim bilong mekim ol kain wok bilong helpim gavman long kamapim gutpela kain developmen. Dispela opis i save mekim risets o wok painimaut long olgeta kain wok developmen bilong helpim gavman long skelim na kamapim gutpela na stretpela developmen. Tasol i kam inap nau ating dispela opis i no mekim inap wok stret long skelim dispela hevi.

Dispela opis i gat planti gutpela save manmeri na ol i pinisim ol bikpela skul olsem yunivesti na ol i gat bikpela nem long wok risets. Tasol bilong wanem ol i no inap skelim hevi bilong edukesin sistem bilong mipela na kamap kain edukesin sistem em i ken daunim dispela hevi bilong ol yangpela i pin isim skul na i nogat wok?

Taim yumi lukluk gut yumi lukim olsem Edukesin sistem nau mipela i gat em i rot bilong kamap kain kain hevi nau i stap long kantri

bilong mipela. Tasol bilong wanem Gavman i no mekim moa wok long daunim dispela hevi. SAPOS YUMI MAS SENIS ROT BILONG EDUKESIN, orait yumi mas mekim nau bikos dispela sistem bilong bipo i no stretpela tumas na i kamapim planti hevi. Yumi no mas westim taim bikos dispela hevi bai i go bikpela moa yet olgeta yia.

## Lukluk gen, skelim gut na senisim

Taim Twanpela samting i gat hevi, em i gutpela long lukluk gen long dis-

pela samting, skelim gut olgeta rot na hevi i stap long en. ( skelim ol gutpela na ol nogut bilong dispela samting) - painim gutpela rot bilong stretim dispela hevi, o kamapim narapela rot em i ken abrusim dispela ol hevi. Dispela wok em i hat tasol i gat ol gutpela savemanmeri husat i ken skelim gut na painim stretpela rot.

Em i wok bilong gavman na ol saveman bilong em long painim rot long stretim na daunim dispela ol hevi. Sapos yumi no mekim ol senis nau bai ol pipel bilong yumi bai gat bikpela hevi long bihain taim.



# Kainkain tok giaman

LONG sampela wik i go pinis, tupela bikpela niuspepa bilong tok Inglis em *Post Courier* na *National* i bin printim wanpela edvetismen. Dispela edvetismen i kam long wanpela lain sios grup i stap long Kainantu long hap bilong lsten Hailans. Dispela lain i putim dispela edvetismen long niuspepa na i kamap moa long tripela wik.

Ol i mekim ol toktok i sut long Katolik Sios na Gavman bilong Yunaitet Stet bilong Amerika na Yunaitet Nesens na Wel Benk. Ol i tok olsem dispela ol lain i pasim toktok nau long bung wantaim na kisim olgeta hap bilong wel bai olgeta hap bilong wel bai stap aninit long ol tasol. Dispela em samt- ing ol i kolim nupela wel oda.

Ol i tok olsem olgeta gavman bai pinis na olgeta kantri bilong graun bai kamap wanpela kantri tasol na stap aninit long ol dispela lain. Dispela nupela oda ol i tok i stap insait long toktok bilong Baibel na ol i putim kain kain rit bilong Buk Baibel ol i tok i gat mining bilong dispela toktok.

I gutpela yumi skelim dispela kain tok- tok. Wanem as tingting bilong dispela lain?

- Nambawan as tingting bilong ol em long mekim ol pipel i pret. Dispela toktok bilong ol em i wankain olsem toktok ol i bin mekim bipo long las de bai i kamap. Ol i bin tok olsem las de em yia 2000. Tasol 2000 i kamap pinis na nogat las de yet.

- Namba tu em giaman toktok bilong ol long Katolik Sios na Amerika gav- man na Wel Benk na Yunaitet Nesens long bosim olgeta hap bilong wel. Dispela em giaman toktok tru. Ol save man bai lap tru long ol dispela lain i mekim dispela toktok. Ating ol long- long manmeri bai bilip long toktok bilong ol.

- Namba tri em pasin bilong ol long yusim Baibel long mekim ol toktok giaman long kirapim dkros na birua namel long ol pipel bilong dispela graun. Yumi save olsem Katolik Sios

wankain olsem olgeta Kristen sios.

- Namba foa pasin nogut em long mekim ol toktok giaman bilong kirapim pasin bilong kros na birua namel long ol manmeri bilong Katolik Sios na ol dispela lain. Em i Kristen pasin long bagarapim narapela na kirapim kros na birua? Skul bilong Baibel i toktok long laikim narapela. Holi Spirit em Spirit bilong bungim olgeta manmeri na olgeta manmeri ol i pikinini bilong God ... ating spirit nogut tasol i save kirapim kros na birua namel long olgeta pipel bilong God.

Sapos yumi skelim gut ating dispela lain tasol i no laikim senses 2000 i kamap bikos ol i tok bai nem bilong ol i go insait long buk bilong dispela nupela wel oda.

Ating ol dispela lain tasol i toktok long nupela pasin bilong save kat mipela i yusim long benk na ol narapela kat sistem tu.

Ating ol dispela lain tasol i no laikim mani bilong wel benk bikos dispela mani bai baim olgeta pipel bilong PNG na ol bai stap aninit long nupela wel oda.

Yumi ken skelim olsem ol longlong lain tasol i ken bilip long ol toktok bilong dispela lain. Husat ol pipel save rit na harim nius na save long planti ol samt- ing i kamap long wel bai no inap bilip long ol giaman toktok bilong ol.

Bilong wanem ol niuspepa i printim dispela giaman toktok? Bikos dispela lain i peim bikpela mani long printim olsem na tupela niuspepa i laikim mani tasol. Maski toktok i no tru. Ol niuspepa, i wari long mekim mani tasol. Yumi ken tingim tu olsem Katolik Sios i gat moa long 1 milien memba long PNG. Sapos dispela edvetismen i kamapim kros na trabel. Em bai asua bilong husat long autim dispela toktok long publik?

Plis tingim gut.

## Nambawan Papua Niugin Bisop bilong Luteran Sios

### i kam long pes 5

tokaut olsem em i laik pinis long wok Bisop na i laikim bai Sios i lukluk long makim narapela long kisim ples bilong em. Ol i putim nem bilong mi olsem wanpela i redi long mekim dispela wok. Long Sinod bilong Sios long 1973 ol i makim mi long kamap Bisop. Long Jenuari 29, 1973, Sios i givim mi strong (instalesin) long stap Bisop long St Paul Luteran Sios long Lae.

Long yia 1973 i go inap 1976 wok bilong Sios i kamap bikpela, tasol olgeta wok i no stap long han bilong ol PNG lida yet. Planti wok bilong Luteran Misin i stap yet. Taim mi kamap Bisop, Rev Rufus Pech i bin kamap presiden bilong Luteran Misin. Long dispela taim mitupela i bung na toktok wantaim long painim rot long mekim tupela ogenaisesin long kamap wanpela. Bai ol komiti bilong Luteran Misin i bung wantaim na kamapim wanpela komiti tasol na dispela bai kamapim Evanjelikol Luteran Sios. Long yia 1975 mipela i kamapim planti senis pinis na ogenaisesin bilong Luteran Misin i pinis long stap na wok em yet. Evanjelikol Sios i gat nau wanpela komiti tasol.

Long yia 1976 mi wok strong long Sios i mas kamapim sampela eim o mak bai Sios i wok sut long en. Sios i oraitim sampela eim na mipela i wok long mekim dispela i kamap namel long dispela yia yet i kam inap 1982. Ol dispela 4 pela eim em:

\* Autim Gutnius bilong Jisas Kraus long laip na wok bilong Sios (self propagating)

\* Yumi yet i lukautim wok bilong Sios (self gavaning)

\* Yumi yet i sapotim wok bilong Sios (self sapoting)

\* Long trenim na strongim ol wokmanmeri bilong karim ol wok bilong Sios. (self detemining)

### Pinis long wok Bisop

Taim krismas bilong mi i abrusim 60 mi pifim olsem mi lapun nau long mekim wok bilong lukautim Sios. Mi no yangpela tumas long raun long lukluk long wok bilong Sios na sindaun long ol miting na tu ol arapela wok. Mi pilim nau em i taim bilong mi long kisim malolo na larim Sios i makim nupela man long was na lukautim em.

Long mun Mas, de 1, 1982, mi bin lusim opis bilong Bisop na larim wok i go long nupela man. Long givim mi yet long wok bilong Sios, mi bin kisim planti blesing na belisi bilong God. Mi lusim dispela wok wantaim amamas belisi na tenkyu long God husat i lukautim na stiaim mi long dispela bikpela wok bilong em.

Stori bilong Bisop Zurenuoc i soim yumi long em i wanpela bilong ol strongpela lida na wokman bilong Sios long dispela kantri. Wok bilong em i helpim kantri long gro na kamap strong. Em i givim planti helpim long wok develop- men olsem skul, haussik na planti arapela wok bilong mekim komyuniti, ples na kantri i kamap gut. Laip stori bilong em i ken helpim planti bilong yumi long bihainim strong kristen bilip.

# PILAI SPOT

Tude yumi lukim long ol ples na taun na sili tu ol pipel i pilai kain kain spot. Long niusepa na radio na televisen mipela i ridim na lukim tu kain kain spot i kamap. Kain spot olsem ragbi na soka na basketbal na sofbal em ol bikpela spot long PNG. I gat planti arapela kain spot olsem resis bilong swim, resis long ron, resis bilong sut long gan, snuka, boling na planti moa yet. Yumi i save olsem spot em i gutpela samting. Manmeri i pilai spot em i helpim bodi bilong ol long stap strong na rogat sik samting. Spot i helpim bodi long stap longpela taim tu. Ol salentis o saveman i tok olsem sapos manmeri i save pilai spot, em bai helpim bodi bilong em long stap longpela taim moa. Ating dispela i tru bikos yumi luksave tu long planti spotmanmeri i gat gutpela na longpela laip.

*Nau long dispela stori mipela bai traim skelim sampela kain tingting i stap bihain long pasin bilong pilai spot em mipela i gat nau.*

## Ol kain spot bilong ol tumbuna

Pilai o spot em i hap bilong laip bilong olgeta pipel bilong wel. Olgeta pipel bilong wel o dispela graun i gat kain kain pilai. Yumi kristen i bilip olsem taim God i wokim olgeta manmeri long graun na em i givim olgeta samting tu. Na God i givim ol kain kain pilai o spot. Ol pipel long Yurop i gat kain kain pilai bilong ol. Ol pipel long Saina i gat kain kain pilai bilong ol. Ol pipel long Not Amerika na Saut Amerika i gat kain kain pilai bilong ol. Yumi long hap bilong Pasifik tu God i givim yumi kain kain spot.

Yumi long PNG tu bipo ol tumbuna i gat kain kain pilai. Ating sampela pilai bilong ol tumbuna bilong mipela mipela i save pilai yet. Planti bilong mipela i no save moa long pilai bilong ol tumbuna bilong mipela. Taim mipela i stat go long skul mipela i lainim ol pilai bilong skul tasol. Mipela i lainim long pilai soka na ragbi na basketbal. Mipela i no save wanem kain pilai ol tumbuna i bin gat bipo.



Spot i bilong taim na strongim bodi.

## Taim i senis

Em i tru olsem laip bilong yumi long nau i no moa wankain olsem bipo. Long laip bilong ol tumbuna ol i gat ol pilai i fit long laip na sindaun bilong ol yet. Pilai bilong ol i gat mining long laip bilong ol. (Eksampel, bipo long taim bilong tumbuna ol yangpela man i save pilai giman pait long banara na spia. Ol i no pait tru tasol kain pilai i helpim ol long lainim long pait. Long taim bilong gutpela mun ol yangpela man na meri i bung na pilai. Dispela pilai i helpim ol long painim pren namel long wanpela yangpela man na yangpela meri. Bihain bai tupela yangpela i ken pren na tingting long marit.

Taim yumi lukluk gut long ol pilai bilong ol tumbuna, yumi bai luksave olsem ol pilai bilong ol i gat mining long laip bilong ol. Pilai em i hap bilong laip na pasin bilong komyuniti

bilong ol. Pilai i save helpim long bungim na strongim komyuniti bilong ol. Pilai i no bin samting nating long laip bilong ol tumbuna. Pilai i olsem skul bilong lainim samting.

## Pilai o spot bilong tude

Laip bilong yumi tude i no moa olsem laip bilong ol tumbuna bipo. Planti senis i kamap long kantri bilong yumi long taim ol waitman i kam. Ol waitman i bringim planti senis tru long laip bilong yumi. Long dispela yumi lukim nau kain kain spot tu i stap long PNG. Long komyuniti skul ol pikinini i pilai mabel na hop skot na resis na moa yet. Ol yangpela manmeri i pilai soka na volibal na ragbi na planti moa.

Ol dispela pilai olsem soka na volibal na ragbi tu i bin pilai bilong ol tumbuna bilong ol arapela kantri. Long planti yia ol i bung na pilai na ol i mekim

dispela ol spot i kamap bilong ol. Ol dispela spot i gro na kamap bikpela na tu i go long ol narapela kantri. Ol dispela spot nau i kam tu long PNG. Nau yumi ol yangpela i save pilai ol dispela spot i kamap bikpela long narapela kantri na i kam tu long PNG. Soka i stap long PNG moa long 100 yia pinis. Ragbi i abrusim 50 yia pinis. Ol narapela spot tu i stap planti yia nau long PNG.

Bipo ol spot i save kamap long ol biktaun olsem Port Moresby na Lae na Rabaul. Tasol nau kain kain spot i kamap long olgeta liklik taun na ples. Maski yumi go long wanpela liklik ples bai yu lukim olsem ol i gat soka o ragbi o volibal o netbal tim i stap. Dispela i soim olsem mipela ol pipel long PNG i laik pilai spot. Na dispela em i gutpela samting tru. Yumi mas tingim olsem pilai spot em hap bilong laip bilong olgeta pipel long dispela graun o wel olgeta. Na i soim olsem yumi gat strongpela bodi long pilai spot.

## Pilai spot em gutpela samting

Taim yumi skelim gut, ol pilai o spot i gutpela na i bilong amamas na bung wantaim. Spot i bilong helpim na strongim bodi. Spot i save strongim tingting tu. Skul i gat program bilong pilai spot bikos spot i save helpim bodi na tu

tingting bilong ol yangpela. Taim bodi i stap strong bai tingting tu i wok gut.

## Spot bilong yumi tude i gat wanem mining?

Yumi bin skelim olsem bipo ol tumbuna i gat ol spot o pilai em i gat mining long laip bilong komyuniti bilong ol. Nau yumi mas skelim ol spot bilong tude, ol i gat wanem mining long laip na komyuniti bilong yumi. Yumi mas tingim gut olsem olgeta pilai em i resis. Spot em i resis pasin i kamap namel long tupe la lain. O sampela taim moa long tupela lain. Yumi save pilai long resis tasol, o yumi pilai long samting i moabeta long resis tasol. Resis em pasin bilong soim husat long tupela lain i strong moa long narapela. (narapela i win na narapela i lus)

## Yumi skelim wanem kain pasin bilong spot nau long PNG

Pasin bilong pilai spot long PNG i stap olsem wanem? Sampela spot hia i gutpela na ol pipel i save pilai gut tru. Ol i save pilai wantaim amamas na gutpela pasin. Tasol nau tu i gat ol spot hia we i ga t planti kros na pait long en.

Planti taim mipela i harim ol pipel i pait long wanpela spot. I gat pait i kamap i go long pes 8

# PILAI SPOT



**Pilai spot long amamas na belgut long narapela.**

**i kam long pes 7**

long pilai soka na ragbi na arapela spot tu. Long 4 pela yia i go pinis bikpela pait i bin kamap long Lae long taim bilong bikpela pilai ragbi. Sampela i bin kisim bikpela bagarap na tu i bin gat sampela i dai long dispela pait. Ol lain i bin lus long dispela pilai i go pasim haiwe rot bai ol lain i win i no inap go bek long ples bilong ol. Long mun Me long dispela yia yet, ol studen long tupela skul long Goroka i bin kros na pait long taim bilong pilai spot. Ol lain papa na famili bilong ol studen long wanpela bilong ol skul i helpim ol pikinini bilong ol na paitim ol pikinini bilong narapela skul. Dispela i soim wanem kain pasin bilong spo t nau long PNG.

**Pasin bilong kros na pait long pilai i soim wanem samting?**

Taim yumi gat kros na pait long pilai em i soim olsem: - mipela i no pilai long amamas na belgut long

narapela. - mipela i pilai long daunim na bagarapim narapela. - mipela tasol i laik win na kisim biknem long dispela spot. Pilai i kamap olsem tupela lain birua long taim bilong ol tumbuna i pait long soim husat i strong na bai win. Nau lo bilong gavman i tambu long pait olsem na ol lain i yusim spot long soim strong bilong ol long daunim narapela. Bai yumi mekim wanem long daunim dispela pasin nogut long spot? Yumi mas lainim long luk-save long spot olsem samting bilong belgut na amamas na pilai wantaim. Taim wanpela lain i lus, ol i mas save olsem ol narapela i strong na winim ol. Em i no samting bilong belhat na kros. Neks taim tupela lain i pilai ating narapela i win. Long pilai yumi mas gat strong bel (pesens), so taim mipela i lus em orait yumi mas save em i no samting bilong belhat na kros na pait. Em samting bilong

**Pilai spot long amamas na belgut long narapela.** spot tasol. Planti pipel bai tok olsem em i hat long daunim belhat long kros long taim bilong pilai. Tasol dispela i no tru. Sapos yumi gat gutpela tingting na laik na gutpela bel, bai belhat na kros i no inap kamap na daunim gutpela tingting bilong yumi. Yumi mas soim tru olsem yumi mantru na meri tru na no ken larim belhat na kros i bagarapim tingting na bel bilong mipela long taim bilong pilai. Belhat na kros i soim olsem mipela i no manmeri tru. Tingting na laik bilong mipela i stap liklik yet, ating wankain olsem ol animal. God i wokim manmeri wantaim tingting na laik em i winim ol animel. Na moabeta yumi yusim gutpela dispela bikpela presen bilong God. Bilong

wanem yumi i arim laik na pasin bilong ol animal i winim laik bilong mipela.

**Skulim ol yangpela long daunim belhat na kros**

Nau yumi harim planti ol skul pikinini i kirapim kros na pait long taim bilong spot. Dispela i soim olsem ol pikinini tu i lainim pasin nogut. Yumi ol papamama na ol tisa long skul i gat bikpela wok long mekim. Lainim ol pikinini long pasin wanbel na amamas. Lainim ol yangpela long gat peisen o strongpela na stretpela pasin bilong skelim.

Sapos yumi no wok strong long kamapim gutpela pasin long spot, bai ol pilai spot i no inap gro na kamap samting bilong pilai wantaim na amamas wantaim. Yumi mas tingting long ol dispela bikpela samting na mekim spot i kamap gutpela na samting bilong amamas na bung wantaim.

Sapos yupela rida i gat sampela tingting long dispela, yupela i fri long rait i kam long Umben na serim tingting bilong yupela.

**Long narapela Umben bai mipela i skelim mani na pilai spot.**

**Melanesian Institute** husat i save redim dispela liklik pepa Umben i save raitim tu ol arapela buk long tok Inglis. Ol dispela buk em: **Catalyst** na **Point**.

Catalyst i save kamap tupela taim long wan wan yia. Na Point i save kamap wanpela taim long wan wan yia. Insait long dispela tupela buk i gat kain kain toktok em ol manmeri i gat gutpela save na tingting i raitim. Olgeta dispela manmeri i bilong kantri bilong mipela yet. Sampela bilong ol dispela lain em ol tisa long bikpela skul olsem yunivesiti na ol arapela bikpela skul. Sampela bilong ol i misinari husat i gat planti ekspeians long wok hia long PNG. Ol dispela lain i rait long planti samting i save kamap insait long kantri. Ol i toktok long politik na developmen. I gat gutpela toktok long kalsa na pasin tumbuna bilong yumi. I no lain long PNG tasol i save baim Catalyst na Point, nogat. Ol bikpela skul na yunivesiti long narapela kantri tu i save yusim Catalyst na Point long Skul bilong ol.

Sapos yu wanpela tisa o skul studen husat i gat bikpela interes long ol samting i kamap insait long kantri na yu laik ritim ol gutpela skul ol i raitim, yu ken rait long mipela long save long dispela buk bilong mipela.



## CATALYST

Social Pastoral Magazine for Melanesia

### point

Religion and Development (1)

CONTENTS

Worship & Holiness	3
Response to Tribal Fighting in Highland New Guinea	7
Notes on Kichik Island	27
Completion 15 years of Publication	
Year of Change and Exchange	
Hermann Jansen	45
Learning from the Bible	
Joseph Kwasibel	45
LIST - An Agent of Inculturation	
Emilio Muelbacher	45
Using Melanesian Icons	
Michael Burke	51
Work on Melanesian Identity	
Gerard Faganini	55

No.1, 1979

Published by the Melanesian Institute in Port Moresby, Papua New Guinea. Registered at the G.P.O. as Second Class Mail under the provisions of the postal regulations of Papua New Guinea.

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.